

A D
EPIST: FAMILIAREM
EXIMII PATRIS
CHRISTIANI LUPI

Ordinis Erem. S. Augustini S. Theol. Doctoris

RESPONSIO

IN QUA

*Attritionis cum Sacramento sufficientia magis
stabilitur, confutatis iis, quæ de novo opponit.*

A U T H O R E

MAXIMILIANO LE DENT

WINOCIBERGENSI,

Societatis JESU S. Th. Professore

L O V A N I I.



M E C H L I N I E,

Typis GISBERTI LINTSH Sub Signo Typographiæ 1668.

Cum gratia & Privilegio Regis.

1850

1850

1850

MAKING THE BEST
SOCIETY & THE PROVISION
TO DO IT



1850

P R Æ F A T I O

AD LECTOREM.

SUb initium anni M.DC. LXVII. edideram Tractatum de Attritione ex metu gehennæ, quo eam cum Sacramento Pœnitentiæ ad justificationem sufficere ostenderem, eaque dissolverem, quæ pro contrariâ sententiâ adducta fuerant à duobus Exim. PP. Ord. Erem. S. Augustini hujus Academię Doctoribus, *P. Christiano Lupo & P. Francisco Farvacques*. In illo Tractatu varia notaveram Doctrinæ capita, sive ab *Exim. P. Christiano Lupo* tradita, sive ex ipsius assertis necessariò consequentia. Ob hæc coactus fuit P. Lupus, ut ipsemet fateatur, de obortis suspicionibus sese expurgare, deplorans jacturam temporis, suamque infelicitatem. Id agere conatus est in libello, quem **EPISTOLÆ FAMILIARIS**, ad quemdam in Italia ejusdem Ordinis Doctorem, titulo donavit. Pleraque in hoc opusculo tradit ordine adeo perturbato, ac si studium fuisset rem involvere ac obscurare. Ad plurima in Tract. de Attritione à me deducta nihil omnino respondet: Argumenta tum à ratione, tum ex Patrum testimoniis petita, quibus probavi Attritionis ex metu laudabilitatem, supernaturalitatem, vim ad excludenda quævis peccata etiam interna, ac demum illius cum Sacramentis Baptismi ac Pœnitentiæ sufficientiam ad abolenda peccata &c, hæc, inquam, omnia relinquit omnino intacta. Explicationes ad objecta D. Augustini testimonia à me tradita, ac ferme ex ipso Augustino petita, ne in minimo quidem tentavit convellere; quæ tamen omnia, antequam aliud ageret, erant infringenda, & hac ratione ostendendum SS. Patres à se stare, quod multi hic indies nullo facto Patrum examine declamant. Verùm propositum fuit P. Lupo; ut ipsemet loquitur cap. 5. *Aliquot purgare articulos, reliquos divino judicio, & benigno lectoris animo commendare.*

P R Æ F A T I O

mandare. Duo igitur in Epistola suâ Familiari præcipuè agit, P. Lupus. Primum est, novos præferre suis, ut arbitratur, sententiis faventes Authores; quin & easdem S. Scripturæ etiam ac Conciliorum autoritatibus fulcire. Alterum, quædam accusationis, ut vocat, capita expurgare, seu illa, quæ ab ipso tradi, vel ex his legitimè consequi asserui, diluere. Horum neutrum affecutus est. Nam, quod ad primum attinet, ea producit S. Scripturæ testimonia, quæ juxta communem Interpretum explicationem intellectæ, non tangunt punctum, in cujus probationem adferuntur. Ex Authoribus verò, quos in suum subsidium advocat plurimos, nullus est, qui ipsi liquido faveat, quin ex illis non pauci nobis patrocinantur, alii perperam omnino & extra rem adferuntur, ut in decursu Lectori fiet manifestum. Quoad partem alteram, duodecim proponit sibi à me objectas accusationes, ac fusè de illis tractat. Quemnam autem in toto hoc discursu scopum sibi præfixerit, non est facile assequi: nam si initium capitis quinti Epistolæ, & subsequentes titulos spectes, non dubitabis, quin eo loco intenderit refutare sædos errores & calumnias, quibus suum à me scriptum fuisse circumvestitum, Epistolæ suæ principio conqueritur: credes ipsum ostensurum, perperam à me assertam esse ac stabilitam ejus in quibusdam punctis cum Lutheri doctrina consonantiam. Verum ubi attentè legeris, quæ dictis titulis subjecit, arbitraberis alium planè fuisse ipsi propositum scopum: nam ne in uno quidem puncto ostendit, aut suam doctrinam non esse, quam ipse esse asserui; aut non rectè ex ea sequi eorum aliquid, quod inde consequi probavi; aut denique se in doctrina ab iis dissidere, quibus conformia docuisse monstravi. Unde passim liquidò admittit, quæ ab ipso dicta aut ex his consequi affirmavi. Imò, circa præcipuam illam quæstionem; An nimirum timor gehennæ, citra Dei propter se dilectionem, malus sit ac peccaminosus, quod ab illo affirmatum ostendi, licet ipse hoc præcipuè

AD LECTOREM.

puè videri velit à se amoliri; attamen non tantùm non offendit, illum actum non esse in Dissertatione Dogmat: à se malitiæ accusatum, sed longè clariùs ac manifestiùs, quàm antea fecerat, timorem illum malum ac mortaliter peccaminosum pronuntiat in Epistolâ suâ Familiari, prout ex dicendis Lector judicabit. Mirabuntur sortè aliqui, expectatione suâ seriùs prodire hanc Responsonem: Verùm mirari desinent, ubi sciverint illam P. Lupi Epistolam Familiarem vulgari quidem cœptam mense Majo, sed tertio aut quarto ab exortu die fuisse suppressam. Hinc factum, ut respondendi cogitationem tunc vel planè deposuerim, vel saltem suspenderim, arbitratus operæ pretium non esse, publico scripto respondere ad libellum vix inter paucos divulgatum. Donec tandem circa initium Octobris intellexi dictam Epistolam liberè rursus ac palàm venum expositam, quo tempore intermissam diu cõgitationem resumpsi, cœpique responsonem hanc concinnare.

CAPITUM ET PARAGRAPHORUM.

| | |
|---|----------|
| CAP. I. <i>Premittuntur aliqua ex Epistola Familiari, quæ ad institutam questionem non faciunt.</i> | Pag. 1. |
| CAP. II. <i>Quibus titulis suam, quibus nostram sententiam insigniat P. Lupus.</i> | 8. |
| CAP. III. <i>An nostra de Attritione sententia sit hesternum commentum.</i> | 11. |
| CAP. IV. <i>Offenditur nihil omnino favere sententiæ P. Lupi Scripturæ, quæ pro se adfert.</i> | 17. |
| Paragr. 1. <i>Examinatur testimonium ex prima Joannis 3.</i> | pag. 17. |
| Par. 2. <i>Alterum testimonium ex Apostolo 1. ad Corinth. 13.</i> | 20. |
| Par. 3. <i>Reliqua Scripturæ testimonia.</i> | 23. |
| CAP. V. <i>Examinantur, quæ de novo adfert testimonialia ex Conciliis, aliisque SS.</i> | 28. |
| Par. 1. <i>Quædam prænotanda.</i> | ibid. |
| Par. 2. <i>Offenditur plane inefficacia esse, quæ ex Concilio Colonienfi adfert P. Lupus.</i> | 37. |
| Par. 3. <i>Respondetur ad objecta ex Synodo Tridentinâ & Concilio Provinciali Senonensi.</i> | 44. |
| Par. 4. <i>Richardus à S. Victore, Michaël Episcopus Merespurgensis, & Bandinus perperam adducti.</i> | 46. |
| Par. 5. <i>SS. Bernardinus, Thomas de Villanova, & Salesius nobis minime adversantur.</i> | 51. |
| Par. 6. <i>De Roberto Cardin. Pullo, Hugone Matthoud & Joanne Morino.</i> | 54. |
| Par. 7. <i>An adversariis faveat Petrus à Soto, Catechismus Romanus, Didacus Stella.</i> | 60. |
| CAP. VI. <i>Quomodo P. Lupus duos primos articulos diluat.</i> | 65. |
| CAP. VII. <i>An timor nequeat prohibere peccata interna.</i> | 68. |
| CAP. VIII. <i>Consequentias ex sua doctrina eductas firmat potius, quam refutat P. Lupus.</i> | 72. |
| Par. 1. <i>Primum conspectaneum.</i> | 73. |
| Par. 2. <i>Secundum & tertium conspectaneum.</i> | 79. |
| CAP. IX. <i>An Attritionis ex metu intrinsecum & essentielle sit, nisi ex amore sincerius.</i> | 82. |
| CAP. X. <i>An servilem gehennarum metum damnaveris P. Lupus.</i> | 84. |
| CAP. XI. <i>An P. Lupus rectè explicuerit locum Tridentini de Attritione.</i> | 88. |
| CAP. XII. <i>De supernaturalitate Attritionis.</i> | 92. |
| CAP. | |

INDEX

- CAP. XIII. De consequentia deducta ex definitione Contritionis à P. Lupo
traditâ. 94.
CAP. XIV. An justè queratur P. Lupus, lesam auctoritatem S. Augustini,
& aliorum SS. Patrum. 102.
CAP. XV. Examinatur mens D. Thomæ circa puncta inter nos controversa. 105.
CAP. XVI. Respondetur ad accusationes quasdam P. Lupi. 116.
CAP. XVII. Respondetur ad ea, quæ circa mentem Lutheri quoad puncta con-
troversa adducit P. Lupus. 121.

FACULTAS

R.P. PROVINCIALIS.

EGo infra scriptus Societatis JESU Provinciæ Flandro-
Belgiæ Provincialis, potestate mihi ad hoc factâ ab
admodum R.P. nostro JOANNE PAVLO OLIVA Præpo-
sito Generali ejusdem Societatis, concedo Gisberto Lintsio
Typographo jurato Facultatem typis mandandi libellum,
cui Titulus est: *Ad Epistolam Familiarem Eximii P. Chri-
stiani Lupi Responsio A.R.P. Maximiliano, le Dent Societatis
nostræ Theologo scriptum, & à Deputatis ejusdem Societa-
tis examinatum & approbatum.* In quorum fidem has manu
meâ subscriptas & officii mei sigillo munitas dedi Antverpiæ
19. Januarii 1668.

THOMAS DEKENS.

APPROBATIO CENSORIS.

ERuditâ Responsione, & sana doctrinâ conformi R. P.
Maximiliani le Dent Societatis JESU S. Theol. Profes-
soris Lovanii, ad Epistolam Familiarem Eximii P.
Christiani Lupi Ord. Erem. S. Augustini S. Theol. Doctoris, &
me diligenter perlectâ, concedo licentiam imprimendi. Actum
Brugis 8. Januarii 1668.

J. Herm. Anchemant Ecclesiæ
Cathedr. Brugensis Canonicus
graduatus ac libr. Censor.

INDULTI REGII

CAROLI II. Hispaniarum &
Indiarum Regis Catholici &
Belgarum Principis indulto, licen-
tia concessa est P. Maximiliano le
Dent Societatis JESU S. Th. Pro-
fessori Lovanii, in lucem edendi
librum à se compositum, cui Ti-
tulus est: *Ad Epistolam Familiarem*
Exim. P. Christiani Lupi &c. Responsio:
Cautumque, ne quis illi super eo
molestiam faceat. Ut latius patet
in litteris datis Bruxellæ 16. Januarii
anno 1668.

SIGNAT.

ROUTART.

EPISTOLAM FAMILIAREM

RESPONSIO

PRO ATTRITIONE

CAPUT PRIMUM.

*Præmittuntur aliqua ex Epistola familiari, quæ
ad institutam quæstionem non faciunt.*

Hæc quia non possunt sine recti cursus & ordinis perturbatione ac confusione sequentibus interseui, iudicavi hæc præmittenda, quia pleraque ex primo epistolæ illius capite sunt desumpta.

1. Orditur P. Lupus epistolam suam ab encomio illorum, qui in hac Lovaniensi Academia, Lutheri, ejusque sequacum erroribus fortiter resisterunt. Fuerunt sine dubio viri illi omni laude majores, Driedo, Latomus, Tapperus per Antonomasiæ dictus Decanus Lovaniensis, alique plures; quorum in asserenda fidei integritate, propugnandaque Christi Vicarii autoritate utilissimos labores, junctamque cum eximia doctrina modestiam, meritò docti omnes admirantur. Non dubito, quin illorum votum fuerit, ut Patrum corda viverent in filiis, suoque sudore partam huic Academiz æstimationem posteris magis indices magisque augerent, nec paterentur pristinam gloriam ulla minus sanæ doctrinæ labe infuscarî. Idem hoc est omnium nostrum votum.

2. Hinc in Siciliam digreditur è longinquo hostem sibi è Societate nostra quæsiturus. *Dnam, inquit, nobis lucem fecit quissiam è Regularibus, quos de Domini JESU Societate vocant, Clericis homo sculus, Thomas Tamburinus ejus EXPEDITA, uti inscribitur, DECALOGI EXPLICATIO hæc deportata fuit, & typis vulgata apud Insulas. Est compedita, non expedita explicatio; humanum genus non à multo, uti tentat, Divinarum ac humanarum legum iugo, sed in miserandum ipsarum contempnium, ac libertinam prævaricationem expedit.....*

multa etiam de maximis mandatis solvit, & sic docet homines &c. Quin & Sicillæ interitum ob Tamburini doctrinam metuit P. Lupus, præcipue, ut apparet, ob sententiam circa obligationem per se amoris Dei. Quid in hoc puncto, & cum quibus doctuerit Tamburinus, exhibet Eruditiss. & Consultiss. D. Nicolaus Du Bois in doctissimo suo ad 45. propositiones tractatu. Item Andreas Mendo, aliique, apud quos plurimos reperies à Sinnichio aliique perperam accusatos. Sed cur idem non metuit aliis regionibus, in quibus docuere & scripsere illi, qui teste Morino lib. 3. de Pœnit. cap. 4. Amoris Dei propter se dilecti obligationem per se, diu ante negarunt. Circumspice, quæso, regiones & Universitates singulas; vix paucissimas invenies, in quibus Dogmata sine comparatione pejora non quandoque ab aliquibus sint tradita, etiam blasphe-ma & hæretica. An quisquam est, qui ob doctrinam etiam adeo perversam à quibusdam traditam, illis locis exitium vereatur? Credi-derim nec P. Lupum id metuere.

Plurima hic dici possent nisi propositum esset, ea, quæ extra rem, de qua tractamus, in epistola familiari dicuntur, breviter tantum pro-ponere.

3. Hoc tamen omittere nequeo, quod nempe pleraque vel omnia, quæ in Tamburino graviter censurant, & idcirco convitiis passim proscindunt, in hac ipsa Universitate sint in publicis scholis defensa, & ab iis ipsis non raro, qui ea in Tamburino censurarunt. Pauca è mul-tis dabo.

Sinnichius in Saule Ex-Rege pag. 466. reprobat hanc ex Tambu-rino positionem: *Iuste damnatus, ut fame pereat, potest oblatum cibum respicere.* Eadem tamen publicè hic in Hallis defensa est 10. Martii. 1657. Præfide Exim. D. Gerardo van Werm, his verbis: *possunt tamen damnati, ut fame pereant, à cibo (sive oblato) abstinere.* Cur ergo hanc doctrinam, si execrabilis est (ut eam vocat Sinnichius) non reprobavit æquè in hoc suo Collega. Eandem sententiam reperies in Thesisbus Anno 1614. April. 10. & Anno 1648. Julii 9. defensis in Collegio Regio & Pontificio.

Idem auctor pag. 526. reprobat hanc sententiam: *permissum est furari non solum in extrema necessitate, sed etiam in gravi.* Eandem sententiam Anno 1657. ad instantiam Antonii Episcopi Gandavenis, censuravit cum Facultate Theologica Exim. D. Gerardus van Werm pro tempore Decanus Facultatis, his verbis. *Furari nullo casu permissum est, quia intrinsecè malum: surripere autem alienum, permissum quidem est in extrema necessitate, quando aliter haberi non potest: sed illud extendere indefinè ad necessitatem gra-vem, est dare ansam pauperibus ad passum furandum.*

Supra

Supra dictam propositionem Sinnichius attribuit Tamburino ad marginem citato, hic tamen non utitur verbo *furari*, sed *surripere* quamquam si dixisset *furari*, non poterat in eo culpari; cum verbo *furari* utatur D. Thomas apud Sinnichium, Fortunius Garcias, alique, præsertim Juristæ, asserentes, licere furari in extrema necessitate. Unde tota in præsentī accusatio Tamburini esse potest, quod dicat, licere alienum surripere in gravi necessitate.

Eandem cum Tamburino sententiam docuit ipse Sinnichius in Thesisbus defensis 3. Feb. 1648. *Probabile censemus non solum in extrema, sed etiam in gravi necessitate morbi, famis, nuditatis, posse se clanculum surripere.* Et Exim. D. van Werm 17. Junii, 1653. *Probabile est non tantum in necessitate, quæ absolute extrema est, sed etiam in valde gravi, licitum esse pauperi absterge illud, quo indiget.* Et Exim. D. Laurent in Thesis 15. Febr. 1661. asserit, non teneri restituere rem acceptam, qui constitutus est in extrema aut gravi necessitate. Idem tradit Exim. D. Vianen 2. Septemb. 1665.

Acceptum ad patrandum maleficium, opere peracto restitui minime debere, tradit Exim. D. Vianen 2. Septemb. 1665. idem habet Thesis Anni 1619. Jul. 18. Hanc eandem sententiam in Tamburino reprobat Sinnichius pag. 452. Col. 2. eam vocans falsam, absurdam & perniciosam, & rursus pag. 525.

4. Sinnichius in Saule pag. 359. col. 1. asserit, cum libertinorum dogmate symbolizare hanc Tamburini assertionem: *Cum tibi menti non occurrat illud esse peccatum, nec ullum dubium de indaganda veritate; jam laboras inculpabili conscientia per oblivionem seu inadvertentiam, à quibus excusari operantem, perinde ac ab ignorantia, innui supra.* Similiter Facultas Theologica Lovaniensis Anno 1657. Maii. 4. huic propositioni 25. *Ut actio quam sit peccaminosa, oportet, ut procedat ab homine, qui nescit & percipit, quid boni, malive in ea sit: & antequam id videat, aut animum reflectat, actio neque bona est neque mala.* Huic, inquam, propositioni hanc apponit censuram: *est contra communia Christiana Theologia principia, & innumera, etiam innominissima, hominum peccata excusant cum perniciæ animarum.*

Et tamen biennio post, nempe Anno 1659. Nov. 6. eandem propositionem in Thesisbus tradit Exim. D. Jacobus Pontanus his verbis: *Ad hoc ut quis incurrat peccatum mortale, requiritur plena & perfecta cogitatio, seu expressa advertentia malitiæ, vel periculi ejus, vel saltem expressa aliqua dubitatio seu scrupulus peccati; unde à peccato excusatur, qui aliquo die non jejunat, nihil omnino cogitans, vel dubitans de jejunio in tali die: similiter excusatur, qui celebrat CONTRACTVM VSVRARIVM nullo modo dubitans, vel advertens VSVRARIVM esse.*

5. Acerrimè invehitur passim Sinnichius in Saule contra usum licitum sententiæ verè probabilis à Tamburino aliisque authoribus ferè unanimi cònsensu assertum; & ex ejus Collegis indices non pauci, illius sententiæ patronos vix alio nomine compellant, quam Probabilistarum, Laxonum, Palponum &c. Mirum profecto quod se ipsum, suosque Collegas illis titulis non insignierit.

Nam ipse Sinnichius paucis ante editum Saulem Annis nempe 11. Maii 1655. hanc ponit Thesim: *Cum conscientia probabilis licitè operamur: unde inter opiniones probabiles, non est semper necessarium sequi opinionem probabiliorem vel magis tutam, sed satis est sequi opinionem verè, tametsi minus probabilem & minus tutam, relicta etiam proprià probabiliore & tutiori.* Et Exim. D. Pontanus 2. Decemb. 1650. prudenter agit sequendo sententiam probabilem, etiam relicta probabiliore & tutiori, nisi charitas obset aut iustitia. Idem 6. Novembr. 1659. Quando ab utraque parte sunt probabiles sententiæ, etiam quarum una probabilior est altera, quamlibet sine peccato poteris sequi, non tamen semper. Similia habes thesibus 21. Januarii 1647. & 7. Novemb. 1656 aliisque. Huc etiam spectat quod in thesibus 26. Augusti, 1656. sustinet Exim. D. van Werm: Tenetur confessarius sub mortali, absolvere penitentem, qui minus probabilem sententiam sequitur, modo verè probabilis sit, & ipse eam talem iudicat, esto contrarium apud se teneas: hanc tamen suam assertionem videtur falsitatis damnare 13. Septemb. 1666.

Hanc propositionem *Usura non est, dum ultra sortem aliquid exigatur tamquam ex gratitudine & benevolentia debitum, sed solum si exigatur tamquam ex iustitia debitum:* in aliis reprobat Sinnichius pag. 530. col. 1. & Facultas Lovaniensis anno 1657. notat hæc censurâ: *Hæc assertio periculosa est, & serviens ad excusandum, & palliandum usuras de jure præsumptas.* Ipse nihilominus Exim. D. van Werm, tunc, cum hæc censurarentur, Facultatis Theologicæ Decanus, biennio ante eandem sententiam tradiderat, nempe 22. Octob. 1655. ubi cum dixisset illicitum esse mutuanti adjicere pactum colendi agrum, præstandi beneficium à lingua, manu &c. si inducatur stricta obligatio; secus, inquit, si tantum sit obligatio gratitudinis. Eandem defendit 19. Julii Exim. P. Athanasius Maigretius.

6. Atque hæc sunt pauca de plurimis, datâ à P. Lupo occasione, breviter tacta. Si proprius esset locus, facile mihi esset exhibere sequentes assertiones in impressis thesibus à Doctores hujus Academiæ traditas: ut, quodd occidi possit is, qui per calumniam apud judicem machinatur mortem. Quod licita sit compensatio occulta. Quodd interrogatus contra juris ordinem de suo crimine, possit dicere; non feci. Quod vir nobilis possit occidere aggressorem, à quo ignominiosè pug-

no aut baculo invaditur. Quid præcepto communionis annuat satisfiat per communionem sacrilegam, uti & præcepto confessionis per confessionem sacrilegam, si hæc detur valida & informis; aliasque his similes, quarum si unam alteramve in Auctore quopiam non domestico deprehenderint; graviter aliqui, & non sine convitio censurant.

Quæro jam ab adversario, cur hi omnes luctam nullam huic Academiæ pepererint, docentes ea, quæ in Tamburino ab ipsis reprobantur?

7. Cur luctam non peperit ipse P. Lupus, qui in suis pro Theologiz Magisterio thesibus 19. Aug. 1651. sic habet: *Hinc NULLA nobis, quæ tota in Adam perit, atque natura nostra plagas reparare inhabilis est, GRATIA SUFFICIENTIS*. Et rursus: *Nihilominus uti omne carnalis concupiscentia, ita quoque omne vitiosa originalis ignorantia germen est proprii nominis peccatum.*

Cur luctam non peperit Fromondus, dum 16. Martii & 21. Maii 1647. 27. Iulii 1648. 24. Oct. 1650. defendit: *ut daret animam suam redemptionem pro multis; omnibus scilicet & SOLIS ELECTIS*. Idem habent Theses sub Sinnichio 17. Aug. & 4. Sept. 1648. 30. Januarii 1649. 8. Oct. 1652.

8. Exim. D. Gerardus van Werm post editam Bullam Innocentii X. publicè proposuit sequentes assertiones: 29. Aug. 1654. *Quia natura nostra per peccatum originale gratuito spoliata nascitur, & in naturalibus valde vulnerata & debilitata est: ideo non solum sine quacunque gratia, sed nec sine GRATIA EX SE, ET EX VI MOVENDI SIBI INTRINSECA EFFICACI nullam unquam actionem salutarem exercebit, sed quandocunque absque tali gratia liberè agat, semper peccabit*. Et rursus infra: *Licet omnem gratiam huic statui appropriatam efficacem statuamus &c. merè sufficientem tunc dari non existimamus*. Et 16. Decemb. eodem anno: *TRADIDIT ILLOS DEVS IN DESIDERIA CORDIS EORVM*. Quibus, etsi gratia ad ea superanda necessaria carent; liberè tamen succubuerunt & succumbendo peccaverunt. Item 9. Aug. 1656. hanc Baianam defendit: *Gratiæ debita sui naturæ rationali ante lapsum, ut sine ea condi non poteris*. Et 26. Aug. ejusdem anni: *Consistentes Religiosis privilegiis non satisfaciunt præcepto Ecclesiæ de annua confessione*. Quæ assertio repugnat plurium Pontificum Decretis, & totius Ecclesiæ praxi. Cur ob hæc omnia nulla huic Academiæ lucta, nulla controversia?

Denique, ut absolvam, 13. Octobr. 1667. sub Exim. D. Andrea Laurent defensa est hæc propositio: *HUMILIATVM EST IN LABORIBVS COR EORVM, INFIRMATI SVNT, NEC FVIT QVI ADIVVARET*. Humilianur sepe homines in laboribus temptationum per experimenta

impossibilitatis suæ, dum irvenunt se sine Dei adjutorio ad illas vincendas nihil posse. Subtrahit autem quandoque Deus etiam sanctis ac fidelibus suis auxilia, ad cussendam justitiam, aut accurrenti tentationi resistendum necessaria. Huic conforme est, quod habetur in Thesi sub eodem defensâ 21. Julii 1653. Frustra & sine sufficienti fundamento ad liberè peccandum omnibus ad manum offerri fingitur possibilitatis auxilium. Plura hujus generis proferre possem. Mirum profectò est, quòd aliqui hujus Academiæ Doctores, qui tam faciles sunt in censurandis alienis, nihil in his omnibus viderint, quòd lucram ipsis faceret.

Respondebunt sat scio, quod & aliàs eos respondisse intellexi, eà quæ Thesibus publicis defenduntur, non præidentium, sed discipulorum esse sententias, quare ex his non rectè colligi, quid sentiant hujus Academiæ Doctores.

Respondeo 1. ita sit: discipulorum eæ sint, non vestræ sententiæ. Nonne id ipsum de Tamburini assertionibus poteratis dixisse, illius nempe esse, non vestras? longè facilius in hoc vobis quilibet crederet. Quid ergo vobis curæ erat, aut cur lucram huic Universitati fecit Tamburinus? verùm, inquires, laxos docebat & Christianæ disciplinæ corruptivos articulos. Itane vero? atqui illos ipsos ferè omnes proposuerunt in publicis disputationibus, si non Doctores (quod hic dissimulo) saltè sub eorum præsidio illorum discipuli. An fortè vobis curæ non est quid vestri discipuli sentiant; & interim curæ est quid Siculus quispiam vel Gallus vestræ disciplinæ minimè subiectus doceat aut scribat? An in discipulis, quos disciplinæ vestræ subiectos uno nutu facillimum vobis esset emendare, dissimularis illa, quæ in extraneis non sine convitiis carpit; apud quos, licet paratissimi sint aut legitimæ auctoritati aliter jubenti, aut solidis rationibus in oppositum allatis cedere, non tamen tanti est hujus Academiæ auctoritas, ut ob vestram censuram, aut Laxonis, Palponis, & similia nomina, vel in minimo à sententiis decedant, quas veras putant, & solidè probant? Credite mihi, non adeo cæci sunt plerique mortales, quin satis intelligant, hæc omnia non ex zelo puritatis doctrinæ, quam prætenditis, sed ex sinistro in quosdam affectu originem traxisse.

Resp. 2. Responsionem illam vestro testimonio enervari: Scitis enim ni fallor quo loco ita scripserit Facultas: Quisque Doctorum Facultatis, in sua admissione, sive ad latum Concilium, sive ad strictum Collegium jurejurando se obstringit, ad abstinendum à doctrina circa fidem & mores, quam Facultas concorditer determinaverit non esse communiter tenendam; sit ergo ex discipulis alterius Scholæ, qui in suis

suis Thesis defendere velit assertionem, quam facultas omnino improbat; suisque in Scholis defendi vetat. Quid faciet hic Disputatorium Praeses? certè non poterit tales Theses approbare, vel sub suo patrocinio defendi permittere, nisi velit contra suum iuramentum jam supra memoratum pejorare. Ergo Praesidium est Thesis, & quæ in iis contenta sunt approbare, quod dum facitis, ostenditis doctrinam illis contentam, sanam ut minimum esse, quæque meritò tolerari possit, quamque Facultas non improbet. Cur ergo quam talem ostenditis, dum approbatis, in alijs tam vehementer carpit? Pajam etiam omnibus constat, sæpissime oblatas à Theologis Theses, per Praesides variè truncari & mutari, quare, dum jam relatas sententias passi sunt hujus Academiæ Doctores, intactas imprimi & defendi, clarè ostendunt olim sibi suisque collegis placuisse, vel saltem non displicuisse ea, quæ jam in alijs acerrimè carpunt ac censurant.

Resp. 3. plurimæ ex sententijs, quas in Tamburino notatis, traditæ sunt, ut alios taceam, à vestris prædecessoribus in libris editis, hi tamen nullam luctam Universitati fecerunt: cur ergo Tamburinus?

10. E Sicilia in Belgium reversus P. Lupus, Flandricum puerorum Catechismum producit editum Gandavi 1651. hoc ei in illo displicet, quod dicatur, Attritio ex metu gehennæ concepta sufficere cum Sacramento. Illum Catechismum sapius à se relectum approbavit Carolus tunc Gandensium Episcopus: unde miror huic libellum à P. Lupodici *abolitum & circumscriptum*. Sed à quo? certè non ab Episcopo, non à S. Congregatione: An fortè à Parochijs Gandensibus, aut Facultate Lovaniensi? An penes hos censet esse auctoritatem censurandi, etiam ea, quæ ab Episcopis sunt approbata? Responsum dissero, donec nos docuerit, qui & cujus in hac parte auctoritatis sint, per quos dictus Catechismus abolitus est & circumscriptus.

11 Capite 1. & rursus 4. erumpit in faustas acclamationes & laudes SS. D. N. Alexandri VII. S. M. ob quosdam Theologiæ moralis articulos nuper proscriptos libenter meas jungo meritissimo & nunquam satis laudando Pontifici. Unum displicet, quod cum P. Lupus illic meritò commendat & extollat illius Pontificis in eradicanda non bona doctrina curam, laudem ei dederit nimis diminutam, eam nempe restringens ad solos articulos Theologiæ Moralis. Sane non minorem meretur ob confirmatam & innovatam constitutionem Innocentii X. de quinque Propositionibus in materia fidei, & declarationem factam contra nonnullos iniquitatis filios, ut loquitur in sua bulla Alexander VII. neque enim inferioris laudis est, sententias impias, hæreticas &c. proscriptisse, utique

8. AD EPIST. FAMILIAREM
iisque purgasse ecclesiam, ac Pontificiæ definitionis non satis reverentes
coërcuisse, quàm alias propositiones, nulla simili censura notatas, ar-
cuissse à Theologorum scriptis & cathedris.

CAPUT II.

*Quibus titulis suam, quibus nostram sententiam
insigniat Adversarius.*

12 **P**uribus verbis inculcat P. Lupus, in sententiæ cujuscpiam
controverfiâ abesse utrimque debere *grassantem verborum pug-*
nam, & caninam sauridiam: exagitantis styli libidinem, amari zeli
factum: omnem maledicentiam &c. Luminosam charitatem, uti non cogitationis,
ita longè minus habenas calami permittere in proximum laxari. Quæ deducit
pag. 6. 8. 9. 50 Refert inter cætera Joannem Ravennæ Episcopum,
quod vel famulos suos in concinnis titularet elogiis, à Gregorio Mag-
no gravissimè fuisse increpitum: sine dubio magis ægrè tulisset S. Pon-
tifax, sententias in Ecclesia receptas, Theologosque earum assertores
inconcinis elogiis titulari.

Ego in hoc puncto ex animo P. Lupo assentior; quid enim turpius,
quam viros doctos de sententiâ quapiam controversâ inter se disputan-
tes, ad dictoria ac maledicentiæ tela confugere, quibus stupidissimus
ferè quisque optimè instructus est? Profecto si in inquirenda asseren-
daque puncti cujuscpiam controversæ veritate, ab utriusque partis scrip-
toribus debita adhiberetur styli modestia, & rationes solæ ac auctori-
tates producerentur, nullus, nisi fortè veritatis hostis, ægrè ferre posset,
sententiarum controversarum ulterius indagari ac elucidari veritatem,
et eâ tandem ratione ad illam perveniri.

13. Ipse de se testatur P. Lupus se non recedere ab hocce monito
S. Nili Abbatis; *Sacius est temerè mittere lapidem, quàm verbum.* Dicit
quod in spiritu mansuetudinis se purget. Et pag. 9. ait se aliosque. Docto-
res gaudere illo Episcoporum privilegio, quod tamquam vexilliferi
vehementius impetantur &c.

Quo admonitiones hæc spectent, aut de quo queratur P. Lupus ig-
noro: si de me, ad lectorem provoco, qui ubi utriusque nostrum scrip-
ta legerit, sententiam seriat, uter in styli acerbitate, aut maledicentiâ
excellerit, & culpandus veniat. Hic interim lectoris oculis subjicio
elogia, quibus in Epistola sua familiari sententiam nostram exornat: ubi
prius, quàm magnificè de sua loquatur, ostendero. Suam

14. Suam sententiam P. Lupus pag. 7. vocat *Apostolicum Christianitatis dogma*, Pag. 36. unum ex immobilibus fidei *Christiana fundamentis*, quod rursus repetit Pag. 37. & 42. & alibi. Ait Pag. 28. *Ab avito SS Patrum intellectu scio me non deviasse*, Pag. 47. *Quod servilis gehennarum metus sit judaica ex lege, non Christiana ex divina infusionis dono iustitia, est Christiani dogmatis fundamentum adeo immobile, ut nullus orthodoxus usque huc legatur de illo vel dubitasse*. Pag. 48. quaerit, an in Attritione involvi debeat Dei super omnia dilectio; & respondet: *Partem affirmativam constanter ass. vero, esse immobilem fidei Romanae articulum, de quo usque ad Melchiorem Canium nemo fidelis dubitavit*. Et pag. 25. *Nihil lucidius ac frequentius inculcant Propheticae, Evangelicae, ac Apostolicae Scripturae, quam, neminem ad ultum sine vera cordis per eam Dei dilectionem conversione iustificari*. Denique pag. 57. asserit: *Hanc charitatis necessitatem esse Evangelicam & Apostolicam predicationem*. Quid posset in hujus sententiae commendationem dici magnificentius?

15. Videamus nunc, quodnam sit P. Lupi de nostra sententia iudicium, & quibus illam exornet titulis.

Pag. 6 Supradictum Catechismum flandricum, quia in eo asseritur, Attritionem ex Gehennae metu conceptam cum Sacramento sufficere, vocat *Catechismum scabiosum, corruptelam puerorum*. Ibidem communem de Attritione sententiam vocat *nugas paucorum; articulum profanum & unanimes SS. Patrum confessioni, Apostolicaeque traditioni penitus adversum; ortum ex quorundam desperatione*, pag. 7. Verum leniora haec sunt.

Gravissime in hanc sententiam, ejusque Auctores insurgit pag. 8. ubi ait; *Impi in circuitu ambulant: impiorum praesertim caput diabolus, miserum humanum genus conatus semper circumducere in eosdem gyros erroris aut male voluntatis. Ejusmodi enim per ipsum spectacula cozimur & nos videre: proditorum quidem monstrorum videmus & vultum & formam; verum ipsorum fabricatores, quod fratres vestri sint etiam ex matre Catholica, non possumus non deslere*. Haec in spiritu mansuetudinis P. Lupus.

16. Et rursus paulo infra. *Quisquis nos solo timore iustificandos promittit, benedicti sanguinis exussulat pretium, suadetque nos ex Christianis fieri IUDÆOS*. Hic de Judaismo conceptus etiam aliis placuit, unde & luculentius expressus est in Thesi publice in Scholis Academicis defensa 14. Martii 1667. Praeside Exim. D. Gerardo van Werm, conclus. 2. *Qui poenitentiam saluarem absque interventu omnis charitatis actualis agi posse asserunt, non merentur VEL NOMEN CHRISTIANORVM, vel nomen filiorum novi Testamenti habere, sed potius cum VULGO IUDÆORVM olim nomen filiorum & servorum Testamenti veteris*. Ergo horum duorum iudicio Latomus, Tappertus, Cunctus Petri, Mercerus, alique ipsorum in hac Acade-

mia prædecessores (ut innumeros alios taceam) *Judei sunt*, & nec digni *vel nomine Christianorum*.

Pag. 15. 30. & 44. nostram Attritionem vocat *merum suum contritionis & conversionis*. Pag. 25. *portentosum dogma; scabium paucorum*. Pag. 27. *monstruosam Attritionem, monstruosam penitentiam*. Ibidem asserit mortaliter peccare, qui cum nostra Attritione confitetur, etiam extra mortis periculum.

Pag. 26. Melchiorem Cantum propter hanc Sententiam vocat *detestabilem*, utpote qui Lutheri de Ecclesia calumnias verificaverit. Nescio profecto, quo animo laturo sint Patres Ordinis S. Dominici, celeberrimum Doctorem suum à P. Lupo dici *detestabilem*.

17. Denique ut alia plurima præteream pag. 28. nostræ sententiæ Authores appellat *hodiernos laxones*. Itane vero Fisscherus, Latomus, Tapperus, Cunerus Petri, Hembartus, Gammachæus, Sylvius, alique viri doctissimi, etiam tui in hac Academia majores, hodierni laxones sunt? Erunt qui plus modestiæ, & erga tot tantosque viros reverentiæ meritò requirant. Verùm is jam apud quosdam hujus Academiæ Doctores usus obtinuit, ut suæ sententiæ contrarios Authores credant sese sufficienter (saltem apud sibi obnoxios) refutasse, si eos Laxones, Palpones &c. appellarint.

18. Lepidum mihi visum est, quod ait P. Lupus pag. 6. nempe sententiæ nostræ Authores *bellum inferre divinæ charitati*. Quàm enim hoc inaniter dicatur, nemo non videt. Quæro an P. Lupus, dum negat, cum Sacramento requiri charitatem perfectam, meritò dici possit, bellum inferre perfectæ charitati, hujusque vocari hostis? An qui asserit nuptias esse licitas, vocari meritò, possit hostis castitatis? An si cuiquam ~~inimice nocere~~, quod iudices obnoxium ad fornicium, hostis abstinentiæ censendus esset, qui eam obligationem negaret?

Ad dicta hæcenus omnia responderi posset, quod olim in simili occasione respondit Augustinus lib. de unitate Ecclesiæ cap. 5. nempe; hæc & similia æquè facile à nobis dici posse in illos, quàm ab illis in nos. Caterum hæc siue in illos à nobis, siue ab eis in nos dicantur, nisi prius probentur manifestissimis documentis, convitiante magis levitate, quàm convincente veritate dici, quis mediocriter sanus ignoret?

19. Jam post Decretum S. D. N. Alexandri VII. S. M. necessarium omnino est, in hac de Attritione controversia, utrimque abstineri à ferenda in partem alteram censura. Nam in dicto decreto: *In virtute sanctæ obediencie, & sub pena excommunicationis lata sententia S. Sedis reservata, aliisque penis ejusdem S. Sedis arbitrio taxandis, præcipit cunctis & singulis fidelibus*

fidelibus.... ut si deinceps de materia Attritionis scribent, vel libros, aut scripturas edent, vel docebunt, vel pradicabunt, vel alio quovis modo penitentes, aut scholares caterosve erudiant; non audeant alicujus Theologicae censuræ, alteriusve injuriæ, aut contumelia notâ taxare alterutram sententiam, sive negantem necessitatem aliquæ dilectionis Dei in præfata Attritione ex metu gehennæ concepta, quæ hodie inter scholasticos COMMUNIOR videtur, sive asserentem dictæ dilectionis necessitatem. Ecce in dicto decreto nostra sententia vocatur communior: quare minus rectè P. Lupus illam vocat paucorum nugæ: paucorum scabiem:&c.

CAPUT III.

*An nostra de Attritione sententia sit besternum
commentum?*

20 **E** Pistolæ familiaris capiti 4. hunc præfigit titulum P. Lupus: *Servilis Attritio ostenditur esse dumtaxat besternum commentum.* Et infra ait, hanc opinionem esse adeo novam, ut de ipsa dici fermè queat; *eorum homines adhuc ambulant.* Id non aliter probat quàm testimonio Joannis Morini, & Hugonis Matthoud affirmantium, primos hujus sententiæ Authores fuisse Melchiorum Canum & Henricum quemdam Salmanticensem.

Verùm hos adducere quid aliud est, quàm eos, quos falli scias, testes producere contra manifestam veritatem? Neque enim ignorare potuit P. Lupus, multos his duobus antiquiores nostram tradidisse.

Id enim citatis Doctorum verbis clarissimis ostendi in tract. de Attritione cap. 8. §. 4. & cap. 11. §. 8. Illic reperies Tapperum nobiscum sensisse, & antiquiores pro eadem sententiâ citasse, Joannem Fischherum Episcopum Roffensem suo aliorumque Catholicorum nomine asserentem, ad confessionem non requiri nisi Attritionem ex metu gehennæ procedentem sine charitate. Adduxi pro eadem sententia Tilmannum Segebergensem, Paulum Cortesium, Joannem à Daventria; denique his omnibus antiquiorem Gabrielem Biel testantem, hanc sententiam habere graves viros defensores.

Hicce duos adjicio, Durandum centum quinquaginta annis Gabrielem antiquiorem, & Jacobum Latomum hujus Academiæ præstantissimum lumen.

21. Durandus in 4. dist. 17. quæst. 1. agens de dispositione ad justificationem impij, an nempe hæc sit simul cum justificatione, ita loquitur:

tur: *Dispositio autem ex parte hominis est a quando & ut plurimum imperfecta à principio, quando homo timore pœnæ incipit penitere de peccato: penitensia enim timore concipitur, solus autem timor non disponit sufficienter hominem ad salutem, seu ad justificationem. Et ideo talis dispositio præcedit justificationem, non solum ratione, sed naturâ & tempore: ET VOCATUR TALIS DISPOSITIO ATTRITIO: Dispositio vero perfectâ est, quando homo detestatur peccatum, non solum timore pœnæ, sed quia est contra reverentiam & obedientiam Deo debitam, & quia separat à consortio Dei, quem summe debemus diligere, & vocatur CONTRITIO, sed talis dispositio simul est cum gratia in eodem instanti. Et ejusdem distinct. quæst. 2. adducto simili illo apud veteres familiari desumpto ab attritione & contritione in rebus materialibus, subjungit: Similiter quando voluntas hominis adhaerens peccato premittitur timore & consideratione pœnæ debite peccato, ob hoc resistit à peccato, dicitur ATTRITA, sed quando non solum timore pœnæ &c. dicitur CONTRITA. Timorem autem hunc excludere peccatum tradit quæst. 5. his verbis: Timore pœnæ inferni vitatur culpa, hoc enim pertinet ad timorem servilium, ut homo peccare omittat, ne incurrat pœnam gehennæ.*

Ecce Durandus Attritionem sumit in eodem prorsus sensu, in quo nos illam accipimus.

Attritionis autem sic à se descriptæ & acceptæ sufficientiam ad justificationem cum Sacramento manifestè tradit dist. 18. quæst. 2. ubi hanc proponit quæstionem: *utrum per potestatem clavium dimittatur culpa: quam hâc ratione dissolvit: In penitente antequam actualiter suscipias Sacramentum Pœnitentiae, quandoque præcedit sufficiens dispositio delens culpam & conferens gratiam, & tunc Sacramentum superveniens culpam non aufert, quia non invenit, nec gratiam confert, sed prius collatam augeat. Quandoque vero non præcedit sufficiens contritio, quæ culpam deleat, sed ATTRITIO, quæ superveniente Sacramento virtute clavium efficitur sufficiens, & tunc per Sacramentum Pœnitentiae actu susceptum, & deletur culpa, & confertur gratia. Et ita virtus clavium extendit se ad remissionem culpæ, quando eam invenit sicut & Baptismus.*

22. Jacobus Latomus in tractatu de secreta confessione pag. 107. col. 2. tractat illud, cur peccator contritus teneatur confiteri. Duas ejus rei adiit rationes; alteram, quia justificatio non obtinetur per contritionem, nisi quia hæc involvit votum Sacramenti, quod proinde suscipere obligatur, nisi obstat impossibilitas. Alteram, quia non æquè ad salutem valet sola voluntas Sacramenti, sicuti valet voluntas cum Sacramento: fieri enim posse, ut, qui sine culpa caret Sacramento, damnetur, qui salvus fuisset, Sacramento suscepto; cujus rei, inquit Latomus, testes sunt Augustinus, Leo, Cyprianus, & Fabianus, ac Patrum Canones

Canones: hancque ulterius adfert rationem; quia Sacramentum Pœnitentiæ, etiam sine actu charitatis susceptum, prodest: sive, ut illo loco notatur in margine: *ante confessionem non requiritur charitas*. Sic ergo profequitur Latomus: *Neque confessionem tibi credas futuram inutilem, nisi prius GRATUITAM DEI DILECTIONEM, & procedentem ex ea peccati dolorem adeptus fueris, & adeptum fuisse perceperis. Licet enim peccatum sine gratia non dimittatur, non oportet tamen talem ACTVM GRATUITÆ DILECTIONIS præcedere confessionem. Primum, quia is, qui ejusmodi actum amoris & pœnitentiæ habet, est extra periculum æternæ damnationis constitutus, ut nihil sit ei metuendum, qui citra culpam propriam sine Pœnitentiæ Sacramento decedit. Et tamen aperte dicunt Cyprianus & Augustinus, & sic tenere videtur Ecclesia Catholica, quosdam ex eo damnari, quod sine Sacramentis decesserint, qui fuissent salvati receptis Sacramentis decedentes. Nec de jectis parvulis loquuntur, sed etiam de adultis Sacramenta non continentibus, sed desiderantibus & querentibus. Hoc loco sic arguit Latomus; datur in peccatore dolor aliquis, cui si non accedat Sacramentum, damnatur; accedente verò Sacramento salvatur. Atqui talis dispositio non est charitas, sed gratuita Dei dilectio; hanc enim qui habet, cerèd salviabitur, ergo ad Sacramentum Pœnitentiæ opus non est actu dilectionis.*

23. Et rursus pag. 108. col. 2. *Igitur qui firmi propositi est abstinendū à peccatis, & de præteritis dolet eo dolore, quem contritionem diximus, accedat cum fiducia & reverentia ad Pœnitentiæ Sacramentum per puram & integram confessionem, tamquam ad vasa gratiæ divinitus constituta ad humanæ fragilitatis subsidium & penuriam supplementum. Hæc enim ratione non tam gravis, quàm amabilis peccatori debet videri confessio, cum certa via ad gratiam veniam & absolutionem pertingendi. Et meo iudicio, aliā viā ad AMOREM DEI GRATUITVM, & inde procedentem peccati dolorem ita conari pervenire, ut confiteri nolis Sacerdoti peccator, neque Pœnitentiæ adire Sacramentum, priusquam illum suat, aut credat divino munere adeptum, est INNITI SVÆ PRVDENTIÆ, DIVINVM SACRAMENTVM MINVS IUSTO ÆSTIMARE, DEVM ET SANCTAM EIVS ECCLESIAM OFFENDERE.*

24. Deus bone! quantum ab antiquis hujus Academiæ Doctoribus discrepat P. Lupus: negat Latomus, Tapperus, aliique ad Sacramentum Pœnitentiæ requiri amorem gratuitum seu amicitiam: Hæc si desit, inquit P. Lupus, est merus contritionis fucus. Dicit Latomus; peccator sine illa dilectione accedat ad Sacramentum cum fiducia &c. E contra P. Lupus pag. 27. peccat, inquit, mortaliter, qui (etiam extra mortis articulum) sine castâ Dei super omnia dilectione ad Sacramentum Pœnitentiæ accedit. Afferit Latomus ex sensu Patrum &

Ecclesiæ, quosdam damnari ex eo, quod Sacramentum actu non suscipiant, licet id contingat sine illorum culpa; qui iidem salvi fuissent, si Sacramentum suscepissent. E contra P. Lupus pro justificatione cum Sacramento volens requiri amorem, statuit illum ipsum actum, si inculpabiliter desit copia Sacramenti, infallibiliter justificare ante mortem: de quo puncto plura infra cap. 13. Denique Latomus eos qui nolunt confiteri, nisi prius sentiant amorem Dei gratuitum, procedentemque ex illo peccati dolorem, tales, inquam, graviter redarguit tamquam minus debito Sacramentum aestimantes, & Deum Sanctamque Ecclesiam contemnentes. E contra P. Lupus sententiam requirentem castam Dei dilectionem ad Sacramentum vocat *Apostolicum Christianitatis dogma, Immobile Christianæ fidei fundamentum. &c.*

25. Hic eadem operâ præfero aliud Latomi testimonium, quod etiam pro dicendis infra de mente Lutheri non parvo erit usui: quod habet pag. 107. post verba supra relata, ubi sic pergit: *Verum est & indubitatum, bonam voluntatem sufficere ad salutem, ubi Sacramentum suscipere prohibet necessitas. Sed similiter verum est, non quamcumque bonam voluntatem ad salutem sufficere sine Sacramento, quæ sufficeret juncto Sacramento, sicut aliàs diffusus probavi respondendo Luthero circa articulum, quo dicebat Sacramenta non rectè suscipi, nisi à justis & Sanctis.* Ex quo testimonio sic formo argumentum: Afferit Latomus præter bonam voluntatem, quæ ad salutem sufficit sine Sacramento, dari aliam, quæ non sufficit ad salvandum hominem, seu ad liberandum damnatione, nisi juncta susceptioni actualis Sacramenti: atqui juxta eundem bona voluntas formata seu procedens à charitate seu actus gratuita dilectionis sufficit ad salutem sine Sacramento actuali, sive, ut loquitur hic Doctor, constituit hominem extra periculum æternæ damnationis, sic ut nihil sit ei metuendum, licet Sacramento citra propriam culpam careat. Ergo juxta Latomum bona voluntas, quæ ad salutem sufficit juncta Sacramento actuali, non amen sine illo, est ea, quæ non est formata, seu procedens à charitate, seu amore Dei gratuito sive propter se dilecti. Subsumo: Atqui hoc ipsum dicit Latomus, se alibi diffusius probasse contra Lutherum ergo censuit Lutherum rejecisse, tamquam cum Sacramento insufficientem, omnem illam bonam voluntatem, quæ ex amore seu dilectione non procederet, adeoque nostram Attritionem. In quo plinè concordat alteri illius temporis Scriptori Joanni Filschero Riffensi Episcopo, sic Lutherum alloquenti ad articulum 6. pag. 400 *Cum contritio potest duobus parari modis, hoc est vel per timoris, vel per amoris viam, tu timore posthabito solo vis amore contritionem à peccatoribus queri.*

26. Ex iis quos tum hoc cap. tum in tract. de Attritione cap. 8. §. 4. & cap. 11. §. 8. retulimus, colligere licebit, quòd inter Auctores, qui aliquanto ante Tridentinæ Synodi tempora floruerunt, valde communis fuerit nostra de Attritione sententia. Nam in Anglia Rossensis eam tradit tamquam sententiam Catholicorum, quo indicat, ita tunc passim docuisse Catholicos. In Belgio Latomus non tantum tradit hanc sententiam, sed eos insuper, qui amorem Dei propter se dilecti requirunt tamquam necessarium cum Sacramento, dicit inniti suæ prudentiæ, Sacramentum minus justo æstimare, & Deum ac Sanctam ejus Ecclesiam contemnere: quo loquendi modo usus minimè fuisset, nisi tuam hanc sententiã judicasset communi Doctorum & Ecclesiæ sensu firmatam. Eandem tenuit Tapperus: denique in Germania tradidere varii.

27. Hinc confido fore, ut nemo imposterum dubitet, fuerintne ante Tridentinum, qui nostram sententiam tradiderint: nemo etiam, ut arbitror, primum hujus doctrinæ auctorem statuet Melchiorum Canum, multo minus vocabit detestabilem, licet ad hunc illius sententiæ incunabula referant Joannes Morinus & Hugo Matthoud, re, ut manifestum est, non satis examinata? Quamquam Morinus tantum dicat; *ante hos* (Canum & Henricum) *neminem legi, quæ sit doceret, aut docere perhiberetur.*

28. Denique ex his evidenter refellitur, quòd de nostra sententia ait P. Lupus pag. 13. *Dei namque Ecclesia, ac per ipsam probati seu recentiores, seu antiqui Doctores de Attritione nihil tale umquam docuerunt.* Certè antiquiores illi Fisscherus, Latomus, aliique à nobis adducti probi authores sunt: Quod si recentiores voluero recensere, infinitus sum. Adrinum audiamus l. 8. de pœnit. cap. 4. ubi post relatam, num. 1. nostram sententiam, de ea num. 2. sic loquitur: *Præ ceteris hanc opinionem celebrem, plurimisque ὡπαπόδεκτον reddiderunt duo Theologiæ Scholasticæ cûssima & sanctissima lumina, Franciscus Suarez, & Gabriel Vasquez, quos numeri nunc sequuntur Theologi.* Eandem sententiam hodiè inter Scholasticos communiorum testatur Alexander VII. in Decreto 5. Maii 167. supra: num. 19.

Eadem doctrina tradita fuit ab hujus Academiæ Doctõibus, tum in libris evulgatis, tum in Thesibus in publicis Universitatis Scholis defensis; eam manifestè tradidit Latomus, ut jam ostensum est: Item Tapperus, Cunerus Petri, Thomas Stapletonus, Mercurius, quos adduxi in tractatu de Attritione cap. 11. §. 8.

29. Eandem Doctrinam in publicis hîc Thesibus defensam parebit eas evolventi: paucas hîc subijcio.

Anno 1647. Maii 16. sic habet theſis in Scholis publicis deſenſa Præſide Exim. P. Michaële Paludano: *Contritio alia eſt perfectæ, alia imperfectæ: illa deſectatur peccatum ex amore Dei ſuper omnia & peccatorem Deo reconciliat, priuſquam hoc Sacramentum actu ſuſcipiatur..... Imperfectæ, quæ & attritio dicitur, concipitur communiter ex metu gehennæ & poenarum, aut ex conſideratione turpitudinis peccati. Quæ ut ſubſectum ſuum ad gratiam in Sacramento ſuſcipiendam ſufficienter diſponat, voluntatem peccandi excludat, & ſpem veniæ adiunctam habeat necesse eſt.* Et rursus 23. Auguſti ejuſdem anni: *Contritio imperfectæ, quæ & Attritio nuncupatur, ex turpitudine peccati vel metu gehennæ concipitur, ſine Sacramento ad juſtitiam inſufficientis, ad eam in ipſo ſuſcipiendam ſufficienter diſponit. Ecce contra quantum ſui ordinis virum, ſuumque in facultate ſtriecta prædeceſſorem intorſerit P. Lupus, quæ contra nos pronuntiavit de exuſſato Sanguinis Chriſti pretio, de Judaitino &c.*

Addo Libertum Fromondum ſub quo 10. Martii 1649. deſenſa eſt hæc propoſitio: *Contritio alia eſt perfectæ, alia imperfectæ; hæc, quæ & Attritio nuncupatur, ex turpitudinis peccati conſideratione, vel gehennæ & poenarum metu communiter concipitur, eſtque dolor ſupernaturalis ex peccato conceptus ſub motivo inferiori, quàm ſu motivum Contritionis perfectæ; ſine Sacramento ad juſtitiam inſufficientis, ad eam tamen in ipſo ſuſcipiendam ſufficienter diſponit. Et conſequenter 2. ibidem: Contritio perfectæ eſt: efficaciſſimus dolor ac deſectatio de peccato commiſſo propter contrarietatem ejus cum bonitate Dei: ea omnis, ſive formalis ſive virtualis ſuærit juſtificationis aduſum, illumque Deo reconciliat, antequam Sacramentum realiter ſuſcipiatur. Eandem noſtram ſententiam clarè expreſſam reperies in minoribus theſibus anni 1615. Julii 23. defendente Judoco Elinx & anni 1621. Octob. 7. defendente Henrico Berkenboſch. Ejuſdem ſententiam defendi poſſe ſtatuit Exim. D. Andreas Laurentii theſ. 29. Martii. 1653.*

30. At inquit P. Lupus: pag. 26. Epistolæ: *Authenticum dogma edere debet ſuorum natalium origines, Doctorum ſuorum ordinem uſque ad ipſos Apoſtolos, atque ita ex ſecutivis ab initio ſucceſſionibus demonſtrare legitimam ſuam cum Evangelio conſanguinitatem. Authenticum dogma nos à noſtris Episcopis, hi à ſuis majoribus, illi acceperunt ab Apoſtolis, Apoſtoli à Chriſto, Chriſtus à Deo. Et rursus pag. 48. Cur accuſator pro ſuæ ſervilis Attritionis ad juſtificationem ſufficientiæ nam adduxit Prophetam, nullum Evangelistam, nullum Apoſtolum, nullum Ecclæ Patrem?*

Sed cum his P. Lupus non meminit Conciliorum, ſed ſolos enumerat Prophetas, Apoſtolos & SS. Patres? Credideram ſanè, me authenticis assignaſſe hujus veritatis natales, quando illam ex Synodo Tridentinâ

Tridentina manifestè probavi. At, inquit ibidem P. Lupus: *Certè Tridentina Synodus ab auita Patrum, Prophetarum & Apostolorum doctrina non potest recessisse.* Sic est; à Prophetarum & Apostolorum doctrina recessisse non potuit: verùm, dum nostram sententiam clarè tradit Synodus, evidens cuilibet Catholico argumentum est, nihil contra illam à Scriptura Sacra fuisse traditum. Et quia P. Lupus in sua dissertatione cap. 16. ex convenientia Tridentini cum Augustino colligit rectè loqui Tridentinum, produxi Augustinum idem nobiscum sentientem in tract. de Attritione cap. 8. §. 4. num. 174. Plures Patres nempe Augustinum, Cyprianum, Leonem, Fabianum ac Patrum Canones pro suâ hæc sententiâ produxit Latomus supra, addens sic quoque sentire Ecclesiam Catholicam. Non est ergo quod Patres à nobis requirant.

Quàm immeritè passim clamet P. Lupus suæ sententiæ favere S. Scripturam, & quàm perperam pro se citet Concilia, & alios Aucthores, duobus capitibus sequentibus examinabimus.

CAPUT IV.

*Ostenditur nihil omnino favere sententiæ P. Lupi
Scripturas, quas pro se adfert.*

Qui verba P. Lupi relata supra cap. 2. quibus suam sententiam commendat, legerit, & nondum attenderit ad testimonia Scripturæ, quæ in dictorum probationem adfert, credet sine dubio, ejus sententiam adeò clarè in scriptura fundatam & expressam, quàm quod in ea testatissimū est & expressissimum. Verùm longè aliter se rem habere, illaque ab ipso magnificè magis, quàm verè dicta esse, ex sequentibus fiet manifestum.

§. I.

Examinatur testimonium ex primæ Joannis 3.

31. **P**rimus Scripturæ locus, in quo sententiam suam manifestè tradi censet, petitur ex 1. Joannes 3. v. 14. ex quo sic arguit pag. 8. *Certè S. Joannes Apostolus scribit, nos (utique per Christiana Regenerationis Sacramentum) esse translatos de morte ad vitam, quoniam diligimus fratres.* Verùm quia satis advertit, hæc verba non esse efficacia, sequentia adjungit, tamquam nostræ controversiæ diremptivam sententiam. *Hæc est,*
C. inquit

inquit, *definitiva ejusdem sententia*: QVI NON DILIGIT MANET IN MORTE.

Verùm hæc S. Joannis verba non tangunt punctum inter nos controversum, tantum abest, ut controversiam pro P. Lupo dirimant: & quidem quod ad priora Apostoli verba attinet: *Translati sumus de morte ad vitam, quoniam diligimus fratres*, licet illic sermo esset de amore amicitiae erga Deum, nihil juvaret ejus causam: ex eo enim quod illi per talem dilectionis actum essent Justificationem consecuti, nullo modo sequitur, talem actum ad omnem Justificationem etiam quæ sit vi Sacramenti requiri. Hoc, nisi fallor, fatebuntur ipsi Adversarii; ponamus enim Deum alicui revelare, quod hic vel ille peccator sit justificatus, seu translatus de morte ad vitam, quia habuit contritionem perfectam, etiam eâ perfectione, quam requirit is, cum quo disputamus; certe qui hinc inferret: Ergo nemo justificatur etiam cum Sacramento, nisi eam contritionis perfectionem fuerit assecutus: æquè vitiôsè argumentaretur, ac qui ex eo, quod Apostolus de se dicat, misericordiam se consecutum, quia ignorans fecit; inferret; ergo nemo consequitur misericordiam, nisi qui ex simili ignorantia peccavit. Atque hæc, ut dixi, licet illic ageret S. Joannes de amore amicitiae erga Deum.

32. Cæterum neque in illis verbis, neque in sequentibus, in quibus sententiam pro se definitivam contineri censet author Epistolæ familiaris, sermo est de amore amicitiae erga Deum, sed de charitate erga proximum. Et hoc ipsum, cum pluribus respondi in tract. de Attritu: sed quia video id ipsi satis non esse, idem rursus hic obijcienti, pluribus ostendo. Sentus verborum S. Joannis est, *translati sumus de morte ad vitam, quoniam diligimus fratres nostros: qui non diligit fratrem, manet in morte*. Manifestum id est tum ex contextu vulgata, tum ex textu Græco, qui *fratrem* ubique exprimit: μεταβιβάζομεν ἐκ τῆς θανάτου εἰς τὴν ζωὴν οἱ ἀγαπῶντες τοὺς ἀδελφοὺς. Οὐ μὴ ἀγαπῶν τὸν ἀδελφόν, μένει ἐν τῇ θανάτῳ. Eodem modo versio syriaca: *translati sumus de morte ad vitam, quoniam diligimus fratres nostros: qui non diligit fratrem, manet in morte*. Eodem sensu præmiserat S. Joannes cap. 2. v. 10. *Qui diligit fratrem suum, in lumine manet... qui autem odit fratrem suum, in tenebris est*.

33. Quare hunc Scripturæ locum de charitate fraterna exponunt passim omnes, & inter illos Fromondus hujus Academiæ Doctor: Imo & ipse Estius, qui cum asserat ad justificationem in Sacramento requiri contritionem antonomasticè dictam procedentem ex amore amicitiae

amicitiæ in Deum, procul dubio avidissime arripuisset ex hoc scripturæ testimonio suæ sententiæ fulcimentum, nisi eum aperta veritas convicisset, non posse S. Joannem intelligi eo modo, quo illum explicat P. Lupus.

34. Porro per dilectionem, seu charitatem proximi non intelligit hoc loco Apostolus actum positivum amoris amicitiae erga proximum, sed tantum negationem odii, & cuiusvis injuriæ in proximum, ac insuper exhibitionem officiorum, quæ ex præcepto illi tenemur exhibere. Pater id ex eadem Epistola, in qua semper Apostolus illi, quam requirit, dilectioni opponit non carentiam actus positivi amoris, sed odium fratris, homicidium &c. sic c. 2. *Qui dicit se in luce esse, & fratrem suum odit, in tenebris est usque adhuc. Qui diligit fratrem suum, in lumine manet, & scandalum in eo non est. Qui autem odit fratrem suum in tenebris est.* Et c. 3. cum dixisset præceptum esse, ut diligamus invicem, subiungit v. 12. *Non sicut Cain qui occidit fratrem suum.* Denique c. 3. post illa verba: *Qui non diligit, manet in morte.* pergit: *omnis qui odit fratrem suum, homicida est, & scitis, quoniam omnis homicida non habet vitam æternam in se manentem.* Quæ verba priorum continent explicationem: & postea addit Apostolus, quodd debeamus pro fratribus animas ponere, illorum necessitatibus succurrere, & hac ratione non verbo, sed opere diligere.

Hic rursus, ut alios taceam, suffragantem habeo Estium, qui in hæc verba: *QUI NON DILIGIT MANET IN MORTE*, sic commentatur: *Qui non diligit fratrem, id est officia dilectionis, cum opus est, si non impendat; manet in morte, manens videlicet in eo, aut certe recidens in illud, in quo natus est, id est in peccatum & statum damnationis.* Et addit: *Quidam, non diligere fratrem, exponunt odisse fratrem, sed nulla necessitas est huius expositionis. Constat enim non solum odiendo & persequendo, sed & non diligendo, & charitatis officia non exhibendo, multos peccare mortaliter.* Ubi vides juxta Estium: *Qui non diligit idem esse, ac qui contra charitatem proximi peccat mortaliter, vel illum odiendo & persequendo, vel debita officia illi non præstando.*

Denique dum dicit S. Joannes, *Quoniam diligimus fratres*, non loquitur de actu prævio ad justificationem, qui sit huius causa vel dispositio ad illam, sed agit de actibus charitatis proximi, qui justificationem consequuntur, eosque asserit esse indicia justificationis antea obtentæ; sic ut particula *Quoniam* refertur ad illa verba, *nos scimus*; id est, ex illo signo colligimus. Quo sensu etiam dixit Christus Joan. 13. *In hoc cognoscemus omnes, quia discipuli mei estis, si dilectionem habueritis ad invicem.* Ita locum supradictum exponit S. Augustinus apud Estium: *Redeat unusquisque*

que ad cor suum: si tibi inveneris charitatem fraternam, securus sit, quia transit de morte ad vitam. Unde Estius in dicta verba, QVONIAM DILIGIMVS FRATRES. Non, inquit, sic significatur meritum, aut omnino causa dictæ translationis..... sed causalitas hæc referenda est ad cognitionem. Nam ex dilectione fraterna velut effectu & signo cognoscimus, nos de morte ad vitam translatos esse. Estio consentit præter plures alios Fromondus.

35. Concludo: S. Ioannes hoc loco agit de dilectione proximi in hoc sita, quodd proximum non oderimus, quodd ei injuriam nullam inferamus, & insuper debita charitatis officia ei non denegemus. Quæ nobis circa proximum præcepta, qui non observat, manet vel recidit in mortem peccati. Hanc insuper dilectionem proximi adducit, non tamquam causam, aut dispositionem præviam ad justificationem impetrandam, sed tamquam aliquid justificatione posterius; ex quo tamquam effectu, ac signo cognoscamus, verè antea factam fuisse justificationem. Quà, quæso, novâ arguendi formâ hinc inferre poterit P. Lupus: ergo ut peccator accedente etiam Sacramento justificetur, necesse est habere illum castam Dei propter se super omnia dilectionem. Hæc si considerasset, non pronuntiasset, ut arbitror, tam confidenter, in hoc S. Joannis testimonio contineri definitivam nostræ controversiæ sententiam,

S. 2.

Alterum Testimonium ex Apostolo 1. ad Corinth. 13.

36. **A**lterum profert testimonium: Si linguis hominum loquar & Angelorum, charitatem autem non habeam, factus sum velut æs sonans &c. nihil sum &c. si distribuero in cibos pauperum omnes facultates meas, & si tradidero corpus meum ut ardeam, charitatem autem non habuero, nihil mihi prodest. In hunc locum ita P. Lupus pag. 8. Apostolus prædicat charitatem omni charismate esse excellentiorem, sine qua nec angelica lingua donum, nec prophetia, nec largissima elemosina, nec ullum SACRAMENTVM, nec ipsum etiam martyrium possit prodesse. Atque hinc probare contendit P. Lupus, Attritionem, ut vera sit, ac cum Sacramento sufficiens, debere procedere ex motivo charitatis Dei propter se super omnia dilecti.

Hæc probatio, ut speciem aliquam rectæ illationis habeat, supponere debet, quodd, quidquid hîc dicit Apostolus de charitate, intelligendum sit de actu amoris Dei propter se super omnia dilecti: hoc autem supponendum minimè erat, sed firmis rationibus ex textu petitis, vel auctoritatibus stabilendum. Ita enim hunc locum intelligendum esse negamus.

37. Ac principio quidem, cum (ut ex textu patet, & etiam admittit Estius) hoc loco non distinguat Apostolus inter peccatorem & iustum, adeoque sermo sit de omnibus generaliter; si, quod ibi de charitate pronuntiat Apostolus, intelligendum sit de ipso actu charitatis Dei super omnia propter se dilecti; iam sequitur primò, quòd etiam iustus omnia sua in pauperes distribuens, aut martyrium subiens, si id faciat ex alio motivo, quàm Dei *super omnia* propter se dilecti, v.g. ex spe gloriæ æternæ, ex timore gehennæ &c. imò & ex amore amicitiae erga Deum, qui tamen non sit super omnia, qualem dari posse certum est, sequitur, inquam, illa omnia nihil profutura ad salutem, quod alienissimum est à communi doctorum & fidelium consensu, adeoque & ab hoc aberrat talis explicatio testimonii Paulini. Sequitur præterea hominem iustum eo tempore, quo non elicit actum dilectionis Dei super omnia, adeoque non habet charitatem actualem, *nihil esse*, id est, ut exponit Estius, *nihilus pretii esse apud Deum*; siue, *nihil esse secundum esse gratia vel divini consortii*, ut exponunt D. Thomas & Caietanus apud Estium, qui eam explicationem probat, tamquam suæ conformem: certissimum autem est, iustum, licet actu iam Deum non diligat, esse tamen alicujus pretii apud Deum: esse aliquid in esse gratiæ & divini consortii. Ergo manifestum quoque est non posse hunc Apostoli locum exponi eo modo, quo explicat Adversarius. Neque respondere poterit, quòd Apostolus non requirat semper actualem charitatem, sed tantum dicat nihil omnia prodesse, nisi aliquando actus charitatis eliciatur; nam ex eo, quòd aliquando is actus eliciendus sit, nullà ratione inferri poterit, quod infert P. Lupus, nempe eum, qui Sacramentum suscipit, debere ad ejus fructum percipiendum habere anorem amicitiae erga Deum super omnia.

38. Hunc Apostoli locum non pauci explicant de charitate habituali, seu gratia gratum faciente, sine qua omnia dona reliqua nihil ad salutem possunt conferre. Hunc sensum agnoscere videtur D. Thomas hinc lect. 1. dum dicit, *agi de charitate, quæ inseparabiliter concomitatur gratiam gratum facientem*; quod non competit, nisi charitati habituali. Et ut Cajetanum, Salmeronem, aliosque interpretes omittam, qui hoc testimonium explicant de habituali charitate, adfero domesticum vobis Doctorem Libertum Fromondum, qui ad dicta verba: *charitatem autem non habuero*, explicationis gratiâ subjungit, *habitualement vel saltem actualem: indifferenter enim Patres & præsertim Augustinus accipiunt*.

39. Alii verò, quibus potius adhæreo, hanc Apostoli sententiam exponunt de charitate fraterna, atque hæc explicatio videtur textui

magis conformis, & coherens cum præcedentibus, & sequentibus. Nam Apostolus in hac Epistola studet Corinthios contentioneibus & factionibus inter se divisos (ut patet ex cap. 1. 3. 11.) ad fraternum amorem, mutuæque officia reducere. Hinc cap. 12. totus est in commendanda unione, & consensu membrorum ejusdem corporis inter se; dicit fideles unum Christi corpus constituere &c. tum cap. 13. post verba nobis objecta pergit, *charitas patiens est, benigna est, non amulatur &c.* Quæ omnia propriè spectant ad dilectionem proximi, ut rectè in hunc locum Salmeron, Estius alique. Charitate autem hoc modo intellectâ, planissimus erit sensus: quod nempe donum linguarum, prophetiæ, & reliquæ gratiæ gratis datæ, quarum occasione erant inter Corinthios ortæ contentiones, nihil profint ad salutem, si is, qui illas habet, irâ aut odio erga proximum flagret: non quasi id verum etiam non sit de alio peccato mortali quocumque, sed quia Apostolus, cum velit Corinthios ad pacem & mutuam concordiam revocare, tantum meminit peccatorum, quæ fraternam charitatem violant. Aliqui huic explicationi addunt similiter non prodesse hæc dona, si quis iis ad jactantiam & superbiam abutatur.

40. Explicationem hætenus deductam tradunt Patres, alique Scripturæ interpretes. S. Chrysostomus Homil. 32. in hanc Epistolam sic ait: *ÆMVLAMINI CHARISMATA MELIORA, ET ADHVC EXCELLENTIOREM VIAM VOBIS DEMONSTRO; dicens charitatem in proximum*: quam fraternam charitatem asserit in sequentibus ab Apostolo magis explicari. Et illud: *si dedero corpus &c. charitatem autem non habuero*, explicat Chrysostomus, *si proximum non diligamus*. Sedulius: *si tradidero corpus meum ut ardeam, id est in martyrium, si in ipso martyrio adversus fratrem retineam iram, contemnens eum, qui iussu nos salutem proximi obtulisti &c.* S. Anselmus: *sed charitatem non habuero; id est, non charitate, sed jactatione hoc fecero, vel odium in corde adversus aliquem retinero, nihil mihi totum hoc prodest*. Eadem explanationi insistant Primasius, Smaragdus Abbas. D. Thomas lect. 2. Menochius, Tirinus, Stevartius. Pro eadem explicatione videtur haud immeritò adferri Augustinus, qui lib. de Baptismo contra Donatistas cap. 9. fusius deducto hoc Apostoli testimonio, quod illa omnia sine charitate non profint, subjungit: *tamen quia separati hæc agunt, non sufferentes invicem in dilectione, neque studentes servare unitatem spiritus in vinculo pacis, charitatem utique non habendo, etiam cum illis omnibus, quæ nihil eis profint, ad æternam salutem pervenire non possunt*. Et cap. præced. prolato eodem testimonio, ut hæc omnia illis profint ad salutem, tantummodo requirit Augustinus ut redeant ad vinculum pacis

pacis. Denique S. Gregorius lib. 18. moral. cap. 14. illud, *si tradidero &c. & charitatem non habuero*, explicat tum de iis, qui prava tenent in fide, tum de illis qui unitatem cum fratribus non tenent, & per hoc mortaliter peccant.

41. Neque multum inter se discrepant duæ jam relatæ dictorum verborum explanationes, cum per iram, odium, aliaque in proximum peccata charitas habitualis destruat, à qua reliqua divina dona, procedentesque ex iis operationes, vim & meritum in ordine ad vitam æternam accipiunt: ipsaque sit vestis nuptialis, quâ carentes ejiciuntur in tenebras exteriores.

Constat ergo hunc Apostoli locum rectè, & juxta communem interpretationem consensum explicatum, nihil omnino continere, quod aut nobis adversetur, aut adversariis faveat.

§. 3.

Reliqua Scripturæ testimonia.

42. **T**ertium pro se producit Scripture locum 1. Petri 3. v. 21. *Quod & vos nunc similis formæ salvos facit Baptisma, non carnis depositio ordium, sed conscientie bonæ interrogatio in Deum.* Ex hoc testimonio sic arguit P. Lupus pag. 57. *non solum Baptisma, sed & conscientie bonæ interrogationem, SEV CHARITATEM IN DEUM requirit Apostolus.* Adeo non sine fundamento in dissertatione scripsi, hanc charitatis necessitatem esse evangelicam ac apostolicam prædicationem.

43. Verùm nullo omnino id dictum est fundamentum, nisi fortè is, qui divi Petri verbis hanc gratis assuit interpretationem, seu charitatem, Apostolus sit aut Evangelista. Nam D. Petrus illic charitatis in Deum ne meminit quidem, multò minus charitatis in Deum propter se & super omnia dilectum. At, inquit, dicit, *sed conscientie bonæ interrogatio in Deum.* Verùm unde, quæso, didicisti, aut quomodo probas, quòd conscientie bonæ interrogatio in Deum, idem sit, quod charitas erga Deum propter se & super omnia dilectum? Hic sine dubio P. Lupo hærebis aqua.

44. Hoc D. Petri testimonium (quod obscurum esse notat Salmeron) interpretes variè exponunt: tres diversas expositiones adducit. Estius hic, inter quas nulla est adversariis favens. Multi, inquit Estius, simpliciter intelligunt animum bene sibi conscium, qui examine adhibito nihil in se reperiat, quo si ictu Baptismi reddatur indignus. Alii ipsum

ipsum Baptismi effectum significari putant, sic ut sensus sit, Baptismum non tam sordes corporis abstergere, quam animam ablueret & mundare à conscientia mala. Ita Cæteranus, Tirinus, alique: sic ut animus à Deo interrogari audeat, ejusque judicio confidenter se sistere, & ab illo interrogatus respondere, se liberum esse à sorde peccati: ita Salmeron, Menochius, Gordonus, &c: Alii denique arbitrantur, Apostolum loqui de interrogatione seu stipulatione, quæ fit in cæremoniis Baptismi, dum baptizandus interrogatus à baptizante responderet, idque bonâ conscientiâ (id est seriò & ex animo) se credere, & renuntiare satanæ, ac pompis ejus: sic ut illa interna confessio baptizandi sit præcipuum, quod in Baptismo illum salvat. Ita citato S. Augustino Salmeron, Estius, Fromondus, Hesselius, Follengius, Hugo de S. Caro. alique.

45. Addit autem Apostolus, *in Deum*, seu ad Deum, quia res agitur coram Deo, seu Deo teste, qui solus videt conscientiam & mentem baptizandi, an bona sit & sincera, ac conformis externæ professioni: ita rursus Estius, Fromondus, Tirinus alique.

Ecce tot tantosque interpretes, ut multos alios probè examinatos omittam, quorum nullus adfert explicationem P. Lupi, imò nec de ea meminit quidem. Potuisset ergo eodem ferè jure nobis objecisse initium Evangelii S. Joannis.

46. Quartò obicit ex Joannis 14. v. 24. : *Qui non diligit me, sermones meos non servat*: ex quo testimonio ut aliquid concludat P. Lupus, supponere debet, illud, *qui non diligit me*, hunc facere sensum; qui me non diligit amore amicitiz super omnia; id autem nego, & dico alium planè sensum his verbis subesse, quem antequam adferam, videamus an locus Joannis favere possit P. Lupo, etiam supposito, quoddam dilectio, de qua ibi sermo est, sit amor amicitiz in Deum super omnia.

47. Hoc supposito triplex assignari potest verborum illorum sensus. Primus est; qui nunquam amore illo Deum diligit, nec umquam elicit actum amoris amicitiz erga Deum, sive qui non implet primum Decalogi præceptum; *Diliges Dominum Deum tuum &c.* quando nempe & quoties præceptum hoc affirmativum urget; ille non servat sermones meos. Quo sensu similiter dici posset, qui non honorat patrem, vel, qui non succurrit proximo in necessitate constituto, &c: non servat sermones seu mandata Christi. Sic hunc Apostoli locum olim intellexit Jacobus Faber, sic in illum scribens: *Quomodo qui non diligit Christum, sermones ejus servaret, cum unus & quidem præcipuus sermonum ejus sit is: diliges Dominum Deum ex toto corde tuo &c. ipse autem Deus sit. Ergo si quis non diligit Christum,*

Christum, non servat mandata ejus. Quare ex opposito, qui servat mandata, diligit. Eandem explicationem amplectitur Sylveira. Hæc quidem explicatio non est unde efficaciter rejiciatur aut revincatur; sed plane inutilis est intento adversarii. Nam ex eo, quòd aliquoties in vita præcipiamur Deum amare amore amicitiz super omnia, adeoque, quòd id non faciat, primum decalogi præceptum non servet; quia quæso bonæ consequentiz specie inferet aliquis: ergo in ordine ad justificationem etiam in Sacramento obtinendam, tamquam dispositio proxima requiritur amor amicitiz in Deum super omnia.

Alter dictorum verborum sensus fingi posset hic; *qui non diligit me*, id est, qui quovis momento non elicit illum amorem amicitiz erga Deum, non servat mandata, seu illa violat: Hæc interpretatio faveret sine dubio intento P. Lupi, si enim præceptum amandi Deum actualiter urgeat quovis momento, sic ut aliquo non actu amare, sit mandatum transgredi, rectè sequitur, quòd, qui dum atteritur, non elicit dictum amorem Dei super omnia, violet præceptum Christi, & sic reddatur incapax absolutionis. Verùm obligationem, quovis momento eliciendi actum amoris in Deum super omnia, nemo sanæ mentis admiserit (adeoque nec hunc illorum verborum sensum) nisi fortè hæreticus quispiam, qui arbitratur Deum nobis præcipere etiam impossibilia.

48. Tertius denique sensus excogitari posset hic: *Qui non diligit me*, id est, qui actu Deum super omnia non amat, non quidem quovis momento, sed tunc, quotiescùmque præceptum aliquod in quacumque materia implendum occurrit; sic ut, si illud, quodcùmque demum sit, non impleat ex motivo amoris amicitiz erga Deum super omnia; *sermone meo*, seu mandatum meum *non servet*, sed illud violet. Hic rursus sensus faveret P. Lupo, saltem pro casu, quo præceptum confessionis urget & in ea exponitur mortale numquam antea per Sacramentum remissum. Verùm sententia tale præceptum Christi statuens falsissima est, & passim ab Authoribus Catholicis efficacissimè ex Scriptura, Conciliis & SS. Patribus refutata, adeo ut necesse non sit in ea refellenda immorari. Videri possunt quæ attulimus in tract. de Attrit. cap. 6. à num. 115. Rejiciendi prorsus sunt, prout hic eos rejicit Jansonius, *qui ex hoc loco aliquando asseruerunt, nulla mandata Dei servari abique chari sate.*

Porro ne hic desideretur dicti testimonii sensus, eum breviter dabimus: unam explicationem supra ex Fabro & Sylveira adduximus.

49. Aliquid ita explicant, ut illo loco non observatio mandatorum

statuatur quasi signum non dilectionis Dei, sicut & contra alibi dicitur; *qui habes mandata mea & servas ea, ille est qui diligit me*: transgressio ergo mandatorum, & contemptus signum est, nullam adesse dilectionem, non tantum non illam, quo Deus amore amicitie super omnia diligatur, sed nec pium affectum & voluntatem Dei precepta servandi ex quocumque bono motivo, quæ etiam quædam Dei dilectio est. Ita hunc locum exponit Cyrillus Alex. lib. 10. in Joannem in hæc verba: QVI NON DILIGIT ME. Nam si, inquit, mandata vel sermones ejus servare, dilectionis in ipsum manifestum est argumentum, atque indicium; erit nique verum contrarium. Mandatum enim pro nihilo habere, & quod imperatum est, quasi in æsum quidpiam aversari, indicio est, nihil esse dilectionis. Et in eadem verba Theophylactus: Qui igitur non custodit sermonem Filii vel Patris, sicut odit Filium, ita & Patrem. Vos igitur discipuli custodite sermones meos, ita enim declarabitis dilectionem tam erga me, quam erga Patrem. Eodem modo exponit Euthymius, ac si diceret Christus; quicumque violat mea precepta, ille est qui me non diligit; quod sine dubio verissimum est. Eandem explicationem amplectitur Maldonatus.

50. Alii illud, *qui non diligit me*, sic intelligunt; qui iis, quæ à me dicuntur, non credit, ille nec servabit: ita Theodorus Heracleotas, & Theophylactus, dicens, quod diligere, sit credere, seu persuaderi: his quæ à Christo dicuntur: adeoque, non diligere, est non credere, prout non credebant Judæi, de quibus hic est sermo: & hanc interpretationem miro consensu recipiunt & tradunt interpretes, passim docentes, quod non diligere hoc loco, sit Christum non recipere, sed eum sibi prædicatum rejicere: fidem & sermones ac doctrinam Christi mente & affectu non amplecti ad ea implenda, sed ejus doctrinam spernere, Christum odisse, prout faciebant Judæi, de quibus hic loquitur Christus, assignans rationem cur ipse & Pater non sint similibus se manifestaturi: & de iisdem dicit Christus, quod ipsius sermones non sint servaturi. Ita Franciscus Lucas, Joannes Ferus, Titelmannus, Antonius Delphinus, Toletus, Palacio, Paulutius, Sylveira.

Quid rursus ex hoc Scripturæ testimonio legitime & in communi Interpretum sensu intellecto inferri possit, quod aut nobis adversetur, aut saveat adversariis, non video, nec alii mecum.

51. Objicit præterea, tamquam ad questionem nostram faciens, illud Apostoli ad Rom. 14. *Omne quod non est ex fide, peccatum est*. Quem locum suo instituto sic adaptat P. Lupus pag. 44. *Quidquid non est ex fide, quæ non tantum Deo, sed & in Deum credimus* (id est juxta ipsum, ex fide formatâ per charitatem seu Dei super omnia propter se dilectionem) *peccatum est*.

Respondet

Respondeo, Adversarium rursus hic, ut aliquid nobis à Scriptura opponere videatur, obtrudere sensum verborum Scripturæ alienum à contextu & communi Interpretum consensu. Quare non est quòd immoremur explicationi. Eam videre poterit in Thesibus sub Exim, D. Andrea Laurent. Refensis 22. Nov. 1667. ubi relato dicto Apostoli testimonio additur hæc explicatio: *id est, omne id, quod quis agit, non persuasus id sibi licere, sed vel illicitum putans, vel dubitans utrum liceat, peccatum est.* Hæc propositio: OMNE QVOD NON EST EX FIDE, PECCATVM EST: *etiam vera est de fide theologica; verum sic intellecta Apostoli sumo non ita congruit.* Ecce nequidem sensus Apostoli est de fide theologica, adeoque minùs de fide per charitatem formata.

Denique opponunt ex Apostolo 2. ad Corinth. 7. v. 10. *Quæ secundum Deum est tristitia, poenitentiam in salutem stabilem operatur.*

Resp. cum Driedone trac. 4. de captivitate & redempt. cap. 1. parte 2. *Qui tristis est quia peccavit, secundum Deum tristis est.* Illum autem qui habet ea, quæ ad attritionem requirimus, tristem esse, quia peccavit, manifestum est; neque negari potest nisi ab eo, qui negaverit illum qui perfectè conteritur, esse tristem quia peccaverit, prout fusiùs & evidenter ostendi in tract. de Attritione num. 143.

Vident jam, credo, omnes, quàm gratis & sine ullo prorsus fundamento, tam confidenter passim jaçet R. Lupus, sententiam suam esse dogma Apostolicum; esse ab Apostolis, Prophetis, & Evangelistis prædicatum, & ut loquitur pag. 25. *nihil lucidius & frequentius inculcare Propheticas, Evangelicas, ac Apostolicas Scripturas, quàm neminem adultum sine vera cordis per castam Dei dilectionem conversione iustificari.* Et plura similia passim. Quod si nostram ex Scriptura discere voluisset sententiam, invenisset Scripturas passim dilectioni hominis erga Deum conjungere reciprocam Dei erga hominem dilectionem; ego diligentes me diligo &c. invenisset etiam facile constantem apud Patres Scripturæ in sensu jam dicto intellectum. Est etiam evidens, quod Sacramentum Baptismi & Poenitentiae vim habeat, per se & ex sua institutione, delendi peccata quoad culpam, & poenam æternam. His autem duobus positis rectissimè sequitur non requiri in Sacramento dilectionem Dei propter se & super omnia.

CAPVT V.

*Examinantur, quæ adversarius de novo profert
ex Conciliis, aliisque Scriptoribus.*

IN sua familiari Epistola plurima sparsim, & sine ordine adducit contra nos P. Lupus: ea nos hic simul proponemus, ostendemusque pleraque omnia perperam, & extra rem nobis obijci.

§. I.

Quadam prænotanda.

§2. **N**Otandum primò: in quæstione nos inter & adversarios controversa, hæc tamquam certa ab utrisq; supponi. 1. Catholicam hanc veritatem, quod nempe Sacramentum Pœnitentiæ sit verum legis novæ Sacramentum, uti & Baptismus, 2. Quod hæc duo Sacramenta vim habeant, non tantum, ut alia, augendi gratiam præhabitant, sed etiã primam gratiam conferendi, & peccatorem Deo reconciliandi. 3. Quod, ut homo justificetur independentè à Sacramento, illiusque actualiter collati virtute, omnino necessaria sit Dei propter se super omnia dilectio. Ex his inter nos minimè controversis, liquidò sequitur, &

§3. Notandum est 2. perperam, & omnino abs re tamquam nobis adversarios produci, qui ad omnem justificationem requirunt amorem Dei, si iidem illi vel dicant Pœnitentiam non esse legis novæ Sacramentum, nec efficere quod figurat (prout sensit Petrus Pictaviensis, ejus verba profert P. Lupus Epist. pag. 55.) vel statuant Pœnitentiam, seu absolutionem Sacerdotis non esse nisi signum peccati antea remissi per actum prævium pœnitentis, adeoque tantum consolationis causâ adhiberi: vel denique si huic Sacramento denegont virtutem peccata primùm dimittendi quoad culpam. Hoc enim errore posito, sequitur non nisi à jam justificato Sacramentum pœnitentiæ suscipi posse, adeoque vim justificandi totam petere debent ab actu peccatoris, æquè ac si Sacramentum re ipsa non susciperetur. Cum autem seclusa actuali Sacramenti susceptione (ut inter nos & adversarios convenit) ad justificationem requiratur dilectio Dei propter se & super omnia; meritò Authores virtutem, ad remittenda peccata, huic Sacramento

mento denegantes, eundem dilectionis actum ad justificationem in Sacramento exigunt. Neque in hoc vel in minimo nobis adversantur, qui fateamur sublato Sacramento (vel, quod idem est, sublata illius ad remittenda peccata virtute) necessariam esse Dei super omnia dilectionem ad peccatorem justificandum. Hoc tantum, agunt Authores illi, ne priori errori novum addant, & sic in duobus hallucinentur. Sic in questione inter Scholasticos controversa, an Sacramenta vivorum aliquando per accidens conferant primam gratiam; illi, qui negativam partem amplectuntur, & consequenter, ut peccator ea suscipiat cum fructu, requirunt actum contritionis strictè dictæ, negantes attritionem sufficere; hi, inquam, non rectè citarentur tamquam contrarii illis, qui dicunt ad justificationem sufficere attritionem, dummodo accedat Sacramentum habens vim conferendi primam gratiam; nam, si illi priores crederent Sacramentis vivorum illam virtutem inesse, admitterent & ipsi sufficere attritionem.

Illi ergo qui Sacramento virtutem peccata remittendi denegant, unicuique modum agnoscunt, quo fidelis in mortale lapsus deperditam justitiam recuperet, nempe per actum tantummodo proprium, independentem à Sacramento, illiusve virtute. Hunc autem actum merito dicunt esse debere charitatem. Neque in hoc nobis magis quàm adversariis contrarii sunt.

§4. Norandum 3. Authores antiquos non paucos per timorem servilem, non intelligere timorem illum, quem in attritione includi dicimus, nempe verum & serium timorem gehennæ; sed planè alium, nempe timorem pœnæ ab hominibus infligendæ, & qui ab opere quidem externo retrahit, sed manente in anime voluntate peccaminosâ. Timorem verò, quo quis à peccato abstinere metu gehennæ, non servilem, sed initialem appellant. Hujus veritatis testis aliquos profero.

§5. Hugo de S. Victore timorem servilem definit esse illum, quo quis, retentâ malâ voluntate, ab opere externo abstinere metu pœnæ ab homine infligendæ; initialem verò, quo quis metu gehennæ abstinere à malo opere & malâ voluntate. Utriusque timoris definitionem tradit Tom. 1. lib. 4. Allegor. in Lucam, pag. 164. ubi in hæc Cantici verbas: MISERICORDIA EIVS IN PROGENIES ET PROGENIES TIMENTIBVS EVM: ita de timore loquitur: *Quatuor timores Sacra Scriptura discernit: servilem, mundanum, initialem, filialem. Servilis timor est, pro evitanda pœna abstinere à malo, retentâ voluntate malâ. Mundanus timor est, pro evitanda pœna ab-*

stinere à bono, retentâ voluntate bonâ. Initialis timor est, pro evitanda pœna cum perverso opere etiam pravæ cogitationes rescare. Filialis timor est, bono firmiter adharere, quia illud amittere nolis. Ex his quatuor timoribus duo mali sunt; id est, servilis & mundanus: duo verò boni; id est, initialis & filialis. SERVILIS TIMOR POENAM, QUÆ AB HOMINIBVS infertur, metuit, & idcirco ei sufficit cessare à malo opere, quia ad oculum famulatur, & REATVM CONSCIENTIÆ NON METVIT.... Initialis verò timor, quia eam, QVAM DEVS COMMINATVR, POENAM declinare satagit; neque quam sibi sufficere videt ut ab illicita se operatione contineat: quia ei, qui cor intuetur, non est satis ad probationem, si innocens fuerit actio, nisi etiam ipsa cordis cogitatio ante ejus oculos sincera & impolluta appareat. Quia ergo illi displicere metuit, qui videt totum, ad perfectam innocentiam coram eo necesse esse consideret, ut mundet totum; & ideo ipse timor initialis dicitur, quia sub hoc per bonam voluntatem & virtus initium capit, & vitium finem. Tum accedit charitas & intrat per timorem istum. Quo loco utriusque timoris vim, & efficaciam adjunctis rationibus pulcherrimè elucidat. Idem repetit Hugo lib. 2. de Sacramentis fidei, parte 13. cap. 5. & Miscell. 2. lib. 4. tit. 32. Idem rursus confirmat in Annotat. epist. ad Roman. pag. 185. in illud. NON ACCEPISTIS SPIRITVM SERVITVTIS. Timor, inquit, servilis cohibet manum à malo opere timore pœna temporis. Timor initialis cohibet à malo opere & à mala voluntate, timore gehennæ. Timor filialis cohibet ab omni malo, amore justitiæ..... Ille dicitur habere timorem servilem, qui TIMORE POENÆ TEMPORALIS TANTVM aliquid criminale non committit.

56. Atque hiæc redditur manifestum, juxta Hugonem à S. Victore, illum timorem generaliter esse servilem, quo pro evitanda pœna abstinetur ab opere externo, retentâ malâ voluntate: quod quia maxime locum habet, dum quis timore pœnæ ab homine infligendæ agitur (potest enim hæc efficaciter timeri retentâ voluntate internâ malâ) idcirco postea explicans, quæ sit illa pœna, adducit solam illam, quæ ab homine intentatur. Initialem vero timorem esse asserit quoties metu po-

tu poenæ cohibetur homo non tantum à malo opere, sed etiam à mala voluntate; hoc autem præstare cum tantum possit poena à Deo intentata, quæ declinari nequit, nisi etiam ipsa cogitatio sit impolluta, & adsit perfecta innocentia, idcirco dicit timorem initialem esse, quo insuper abstinetur à mala voluntate timore gehennæ. Quod si autem timens gehennam tantum inefficaciter, simul retineat affectum ad peccatum, juxta Hugonem Victorinum non timore initiali, sed servili agatur. Quia tamen sic timens non verè timet, seu fugit efficaciter gehennam, rectè pronuntiat Hugo: *illum dici habere timorem servilem, qui timore poenæ temporalis tantum* (seu poenæ ab homine infligendæ) *aliquid criminale non committit.*

57, Beatus Laurentius Justinianus eodem sensu accipit timorem servilem: nam in Tract. de timore cap. 5. enumerans varias timoris species, de servili ita loquitur: *Quartus est timor servilis, quo quis timet peccare propter poenam principaliter; sed inaniter putat se esse victorem peccati, qui timore poenæ non peccat; quia si non impletur negotium mala cupiditatis; ipsa tamen mala cupiditas intus est hostis. Nam si adhuc à pravâ actione formidanda poena prohibet, profecto formidantis animum nulla spiritus libertas tenet. Nam si poenam non metueret, culpam procul dubio perpetraret.* Timorem ergo servilem statuit esse illum, quo quis à prava actione retrahitur, manente intus hoste pravâ cupiditate, seu peccato interno. Ut autem ostendat in quo, seu cujus poenæ timore locum habeat, quod dixerat de manente interius pravâ cupiditate; nempe in timore, quo timetur poena ab homine, subiungit ibidem paucis interjectis: *facile deriat à justitia, qui in causis non Deum sed homines pertimescit. Hic timor peccandi facultatem auferre potest, voluntatem auferre non potest.* Ecce timorem, qui pravam voluntatem internam auferre aut cohibere nequit. Quod autem timor Dei, seu gehennæ à Deo intentatæ tollat ac cohibeat non tantum peccata externa, sed & interna quæcumque, constantissimè docet hic Sanctus: nam cap. citato. *Si te, inquit, amor Dei à peccato non cohiæt, saltem te prohibeat terreatque timor judicii, metus gehennæ, aquei mortis, dolores inferni, ignis urens, vermis corrodens, & Jamma tartarea. Ex talium consideratione Deum time. & hæc non formidabis.*

58. Et luculentius ac pulcherrimè ejusdem tract. c. 2. ubi describens

bens timoris Domini utilitates sic ait : *Sicut enim securitas est ad lapsum facilis, ita timor à lapsu protegit, quia odit vitia, virtutes custodit, cor sedulâ vigilantia observat, ab ingressu ejus NOXIAS COGITATIONES repellens CLAVA TERRIBILI, videlicet MEMORIA ÆTERNÆ POENÆ. Ingerit namque sicut veraciter, ita frequenter, quod post hanc peregrinationem tunc edax flamma comburet, quos nunc delectatio carnis polluit; illosque infinitum barathri chaos devorabit, quos salutaris timor abinani elatione, & à deformitate culpæ non custodit Qui timet Deum, nihil trepidat; quia timor Domini fiducia est fortitudinis, & qui illum possidet, non corruiet Nam timor hominum, peccandi differt facultatem & operationem; non autem aufert, sed retinet voluntatem, donec habeat opportunitatem vel occasionem; unde & quos suspendit à crimine, avidiores reddit ad crimen, & astuat animo, quousque perficiat, quod malum cogitat; SOLVS enim DEI TIMOR est, qui nocentes corrigit, fugat crimina, & PERPETEM CONFERT BENE AGENDI VOLUNTATEM Nubes etiam CARNALIVM COGITATIONVM ET AFFECTIONVM FUGAT... nam sicut remissa securitas culpas admittit, ita timor desiderabilis delicta semper excludit, & mentem conservat. Hactenus B. Laurentius. Quod autem agat de timore Dei seclusâ charitate, præterquam quod ex verbis ipsis sit manifestum, etiam aliunde convincitur: nempe quia eodem capite asserit, timorem hunc esse, à quo in via Dei incipitur, ut ad fortitudinem, seu charitatem perveniatur, illumque nuncupat salutis principium ac radicem. Ex hoc timore dicit nasci compunctionem salutarem, ex compunctione contemptum facultatum, & sic plurimos gradus enumerans, docet, quomodo tandem introducatur charitas. Rationem autem tantæ efficaciz hujus timoris adfert cap. 4. ubi inter timendi motiva hoc adfert octavum, quod Dei sapientiam nulla cogitatio aut intentio cordis lateat, sed omnia nuda ac aperta sint illius oculis; & infert : *Magna providæ divinitus est, si dissimulare volumus, & non timer.* Indicta namque nobis est probitatis necessitas, cum agamus ante oculos Judicis cuiusdam cernentis. Hæc subtilius adducere volui, ut appareat, quantum B. hic patriarcha dissentiat à nostris adversariis, & consentiat evidentissimâ veritati à nobis traditæ in tract. de Astruc. cap. 3. §. 4. & 5.*

59. Ex dictis sic concludo. Timor servilis juxta B. Laurentium est, quo abstinetur à prava actione, seu impletione malæ cupiditatis, manente in animo eadem cupiditate. Atqui juxta eundem timor Dei, seu pœnarum ab ipso inferendarum *cor custodit, & ab illius ingressu noxias cogitationes repellit* CLAVA TERRIBILI MEMORIA ÆTERNÆ POENÆ, *sugat pravas cogitationes & affectiones*, hoc timore præditus *non corrumpitur, &c.* Ergo ex illius sententia, timor gehennæ non est servilis timor: pertinebit igitur ad timorem initialem, quem dicto cap: 5. pergit hoc modo describere B. Patriarcha: *Quintus est timor initialis, quo timet quis Dei offensam & pœnam, unde habet quasi duos oculos, unum ad pœnam, & alterum ad Dei offensam.* Cum enim, ut jam vidimus, timor Dei, seu gehennæ, juxta B. Laurentium non sit timor servilis, neque etiam ullus alius ex enumeratis ab illo, necesse est eum comprehendere sub timore initiali: ne aliàs hic Author plurimas timoris species enumerans, unicam illam timoris speciem omiserit, quam in præcedentibus tam amplè commendaverat, nempe timorem gehennæ: atque de hoc se agere manifestè indicat in verbis sequentibus, hortans ut, si amor à peccato quempiam non contineat, id saltem faciat timor gehennæ; subiungitque duplicem esse timorem, nempe hunc gehennæ; & alterum filialem, qui mentem corrigit, fuget crimina, innocentiam servet &c. negans id competere timori pœnæ, quæ ab homine inferenda metuitur.

60. Frustra etiam adversarii aliquid sibi inde quærunt subsidii, quòd hic author dicat, per timorem initialem timeri Dei offensam & pœnam, sic ut illo timore præditus uno quasi oculo respiciat pœnam, altero offensam Dei. His enim nullo modo indicat timori initiali mixtam esse debere aliquam Dei propter se super omnia dilectionem; sed per hoc ostendit differentiam, quæ intercedit inter timorem servilem & initialem. Qui enim timet pœnam ab homine infligendam (quod est timere serviliter juxta B. Patriarcham, ut jam ostensum est) nullo modo respicit offensam Dei, cum illi timori necesse non sit, miseri vel minimam cogitationem, quòd Deus per tale factum offendatur, sive, ut dicebat Hugo à S. Victore supra num: 55. qui sic timet, *reatum conscientia non metuit*: At qui gehennam serio metuit, non tantum timet pœnas, sed etiam illa, per quæ iis pœnis redderetur obnoxius: hæc autem sunt sola illa, quibus Deus offenditur, ac proinde verissimè de illo dicitur, quòd altero oculo respiciat offensam Dei, quam nullo modo respicit, qui solum pœnam ab homine infligendam metuit.

61. Neque aliter sensit Latomus: nam in opuse, contra articulos Lùtheri art. 6. pag. 43: cum Luthero respondisset, *quod non omnis ti-*

mor poena servilis sit, postea explicat, quis sit timor servilis; ille nimirum, quo habens voluntatem malam à facto continet se metu poenæ: verba ejus sunt: *Sententia Joannis Apostoli, perfecta charitas foras mittit timorem; intelligenda est de TIMORE SERVILI, QVO HABENS VOLUNTATEM MALAM A FACTO CONTINET METU POENÆ AUT CRUCIATVS.* Et lib. de instir. Monast. cap. 9. pag. 154 redarguit hæreticum malæ interpretationis horum verborum S. Augustini: *Qui ex timore facit præceptum, aliter quam debet facit, ac per hoc non facit*: tum suam explicationem subjungens Latomus ita prosequitur: *Augustinus enim loquitur de timore servili, cum is, qui timet, voluntatem peccandi habet; sed continetur, quò minus voluntatem opere compleat, quia times poenam.* Huc etiam facit, quoddam mercenarium velit esse tantummodo illum, qui Deo servit pro mercede temporali; non autem illum, qui pro æterna gloria. Ita enim eundem hæreticum redarguit pag. 137. *Fili & mercenarii officia parum rectè distinguunt..... Caterum in statu viæ filii Dei, quamdiu peregrinantur à Domino, conantur quidem & ipsi voluntatem Dei implere, & quatenus Deus donas, implent, & nihilominus ad beatitudinem spectant: & cum Paulo ad mercedem, ad coronam, ad bravium pervenire contendunt. Nisi forte Dei filius per adoptionem Moyses non erat, quando contemptis Ægyptiorum thesauris, præoptabat afflictum populo Dei, quam temporalis peccati habere jucunditatem: quoniam, ut testatur Apostolus, aspicebas inremuneratorem. Is denique MERCENARIUS est, & in SERVORVM numero habendus, qui Deo servit pro mercede, qua Deus non est. Qui verò operis sui mercedem intuetur Abrahæ repromissam, ad filiorum numero minime excludit..... est etiam in eadem domo (Ecclesia) SERVVS & MERCENARIUS, qui METU POENÆ, & spe TEMPORALIS UTILITATIS servit: denique cum, ut supra cap. 3. vidimus, apertè doceat Latomus, Attritionem sine charitate sufficere cum Sacramento, illam procul dubio censet voluntatem peccati excludere, & minime habere annexam voluntatem internam peccandi; ergo juxta Latomum timor gehennæ, licet absit charitas, non erit timor servilis, qualem solum agnoscit illum, quo manente internâ concupiscentiâ peccaminosâ ab actione externa solummodo homo retrahitur.*

62. Merito autem Latomus pro hac sua explicatione timoris servilis adducit Augustinum; hic enim variis locis per timorem servilem intelligit, non timorem Dei aut gehennæ, sed timorem hominum, aut mali temporalis. Enarrat: in Psalm. 127. *Alius timor permanet, alius excluditur; timor qui excluditur, castus non est; qui autem permanet, castus est. Qui est timor, qui excluditur? dignamini animadvertere; aliqui propterea tantum timeant, ne quid mali in terra patiantur &c. adhuc timor iste non est castus.* lib.

verò de S. Virginitate cap. 38. ait, *Timor quidem non est in charitate, sed perfecta charitas foras mittit timorem: sed timorem hominum, non timorem Dei: temporalium malorum, non divini in fine judicii.* Ubi vides timorem Dei, seu divini in fine judicii, aut gehennæ, juxta Augustinum non mitti foras à charitate; atqui juxta eundem ille timor non est castus, qui excluditur à charitate; ille vero, qui ab hac non excluditur, est timor castus: ergo timor judicii & gehennæ juxta ipsum est timor castus, adeoque nec servilis. Vide quæ diximus in tract. de Attrit. cap. 5. §. 4.

63. Ex allatis hactenus horum Doctorum testimoniis colligo, ad hoc ut Author quispiam tamquam nobis contrarius merito adteratur, non sufficere, quod aut timorem servilem vitii damnet, aut dicat eum admittere voluntatem internam peccaminosam, aut denique neget, timorem servilem cum Sacramento satis esse: hæc, inquam, licet quispiam Author dicat, nondum ostenditur nobis adversari, nisi prius ostendatur, quod timorem servilem non intelligat eo modo, quo intellexerunt Augustinus, Hugo à S. Victore, B. Laurentius Justinianus, Latomus aliique. Similiter si dicant aliqui ad Sacramentum requiri timorem initialem, non probantur oppositum nobis sensisse, nisi prius ostendantur timorem initialem non sumere eo sensu, quo intellexerunt Authores jam relati.

64. Notandum 4. P. Lupum, cum in Sacramento requirat amorem amicitiz erga Deum super omnia, perperam in suæ sententiæ patrociniū advocare omnes illos, qui ad hunc effectum simpliciter requirunt charitatem, seu amorem, vel etiam amorem Dei, non facta mentione amoris amicitiz, & super omnia. Ratio est, quia hæc voces, charitas, amor, dilectio Dei, & similes, diversissimas apud Authores passim nāscuntur notiones. Ostendi id pluribus in Tract. de Attrit. num. 14. 69. 198. 246. &c. quibus hic aliquos addo: & in primis B. Laurentium Justinianum tract. de charitate cap. 10. Diligentem Deum, inquit, *quatuor sunt species. Prima est naturalis, quo amore amant omnes Deum & boni & mali.* De hoc amore ait Augustinus; *Deus, quem amat omne quod amare potest, scire sciens scire nesciens.* Secunda est, *quo aliquis amat Deum, eo quod cognoscit eum sibi necessarium; de quo David; diligam te Domine fortiundo meam.* Dominus firmamentum meum & refugium meum, & liberator meus. (hic amor, uti & is, quem tertio loco recenset, est amor concupiscentiz) Tertia est, *quæ aliquis amat Deum propter delicias, quæ in eo sunt.....* Quarta est, *quæ aliquis amat Deum, quia est dignissimus amore, qui amor purus est, amas namque castè Ecce.* & rursus infra cap. 13. *Charitas est amor in Deum.... Amor triplex est, scilicet, gratuitus, naturalis, & viciosus. Amor gratuitus est laudabilis,*

quia habet principalem finem, bonum incommutabile: & virtus est. Hic dividitur in amicitiam & concupiscentiam. Secundum amicitiam quis diligit Deum purissime non respiciens utilitatem sui, sed bonitatem amati: hoc modo plus diligit homo Deum, quam se ipsum. Secundum vero concupiscentiam diligit quis Deum, quia remunerationem in eo exspectat..... secundum concupiscentiam diligimus Deum, quia necessitati nostræ vel subvenit, vel subvenitur: quia hoc amore non diligunt res propter se: sed propter usum ejus: unde hoc amore plus se diligit homo naturaliter quam Deum. Ubi rursus plures charitatis Dei, & diversissimas species enumerans, amorem concupiscentiæ erga Deum, vocat amorem gratuitum, vocaturus sine dubio amorem mercenarium, si id, quod concupiscit homo, esset quid temporale. Quo rursus confirmatur id, quod diximus notabili præcedenti.

65. Similiter Hugo de S. Victore duo proponens genera compunctionis seu pœnitentiæ, unum, quod fit timore, alterum, quod amore; explicat hunc amorem, de amore concupiscentiæ. Nam Miscell. 2. lib. 4. tit. 75. pag. 131. versâ, ita loquitur: *Dua sunt compunctiones: una nascitur per timorem, altera per amorem. Prima timore supplicii, secunda venit amore præmii* &c. & rursus Miscell. lib. 1. tit. 118. pag. 62. cum dixisset timorem esse frænum, amorem esse calcarea; timorem cohibere animum &c. de amore subdit: *Deinde venit amor & stimulas excitando pigram* (conscientiam) *ad exercitium boni operis, demonstrans alacriter tolerandum laborem operis pro recompensatione tantæ retributionis. Nam quod facimus, transitorium est, quod autem exspectamus, æternum* &c.

66. Notandum 5. In vanum ab Adversariis contra nos congeri illos Authores, qui, nullâ factâ mentione Sacramenti, simpliciter asserunt, ad justificationem peccatoris minimè sufficere dolorem, ac propositum ex metu gehennæ, aut spe proemii conceptum, idque quantumcumque vim lacrymarum hic dolor cieat: id enim verissimum esse fatemur, asserimusque, necesse esse, illi actui accedere vel susceptionem Sacramenti, vel actum dilectionis benevolæ erga Deum super omnia, Similiter si nullâ factâ mentione Sacramenti, requirant amorem Dei super omnia ad justificationem, nondum ducetur efficax ex eorum Autoritate contra nos argumentum. Ratio est quia cum Sacramenti non meminerit, fortè agunt de sola justificatione extrasacramentali, seu quæ obtinetur per solum actum peccatoris. Et de hac manifestè agunt, qui dicunt, vel innuunt se loqui de pœnitentiâ, quæ quovis tempore, tam sub lege, quam sub gratia, fuit omnibus indifferenter necessaria.

67. Notandum denique 6. ab illis etiam nihil juvari partem adversam

versam, qui volunt, ad contritionem necessariò requisitum esse amoris amicitie erga Deum super omnia. Cum enim (ut etiam habet Catechismus hujus Academicæ) licet contritio duplex sit, perfecta tamen retineat nomen Contritionis, imperfecta verò vocari soleat Attritio, censeri possunt agere de contritione non genericè sumptà, sed acceptà specificè, seu pro Contritione antonomasticè dictà, ac per se sine Sacramento justificante, & Attritioni oppositā: vel saltem dubium est, an sumant Contritionem genericè; unde non ostenduntur nobis opponi, quamdiu non probabitur, quòd Contritionem sumant, prout genus est ad Contritionem perfectam, & imperfectam, seu Attritionem.

68. Hæc quæ hætenus hoc §. notavimus liquida sunt, & negari à nemine possunt: quæ si rectè notasset P. Lupus, planè mihi persuaderetur futurum fuisse, ut nullum aut vix ullum ex iis Authoribus adduxisset, quos plurimos contra nos congerit. Omnia enim, quæ ex ipsis adfert testimonia, ex horum capitum aliquo vel pluribus perperam obijci, manifestum est, & jam ostendere aggredior.

§. 2.

Ostenditur planè inefficacia esse, quæ ex concilio Coloniensi adfert P. Lupus,

Ordior à Concilio Colonienfi, ex quo fusissima describit pro se testimonia, pagæ 18. 19. 20. & tandem concludit P. Lupus: *Ex solo servili gehennarum metu, circa castam Dei super omnia dilectionem, firmata contritio, apud hanc venerandam Synodum est fide contritio, non Petri.* Ejusdem Synodi rursus meminit pag. 46.

69. Summa eorum quæ ex Concilio Colonienfi (sic enim vocat) adfert P. Lupus, hæc est; quòd *Penitentiam comitari debeat timor filio dignus, quòd debeant peccata displicere, non jam quòd pertrahant in gehennam, sed quòd Patrem optimum, & se de nobis meritum essendans, sic ut est nullus deinceps immincat pœna metus, tamen rursus admittere nolis.* Quòd fides cum timore filiali conjuncta, veram penitentiam à falsa separet, & discrimen sciatis inter contritionem impij & verè penitentis: impius enim conceptio timore servili ex metu supplicij, atque ibi consistens, in desperationem adigitur, quòd videre est in Cain, Judæ, & plura similia in eundem sensum, quæ ex Synodo Colonienfi (ut quidem placet P. Lupo) desumpta sunt.

Plurima hic occurrunt advertenda, quæque ab omnibus sciri inter

fit; quis nempe sit author libri, ex quo testimonia illa desumpsit; de qua pœnitentia agat; quid de Sacramento pœnitentiæ senserit; &c. quæ per diversos articulos trademus.

70. Ac primò quidem, nullum ex testimoniis à P. Lupo adductis habetur in Concilio Provinciali Colonienſi: res manifesta fiet illud inſipienti: quæ autem de hac materia in dicto Concilio reperluntur, non parum nobis favent: nam titulo de adminiſtrac. Sacramentorum cap. 31. pag. 29. de contritione, prima pœnitentiæ parte, ita loquitur. *Prima Pœnitentiæ pars, cum omnis Evangelicæ prædicationis exordium ſit, nunquam non eſt in ſuggeſſu pertrahenda Pœnitentia autem tum rectè prædicatur, cum arguuntur ſcelera ac flagitia per verbum Dei, & incutitur populo timor v.æ, indignationiſque, ac juſti judicii Dei certo certius manentis eos, qui male agunt, ac malè agendo perſeſverant.* Subinde verò vino oleum miſcendum eſt, ut ex animo verèque territis ac converſi promittatur gratia ac miſericordia. Similia tradit cap. 32, quòd ſic concludit: *Hæc eſt doctrina, quæ docet mori mundo, & vivere Chriſto.* Vide etiam cap. 35. ac denique cap. 39. *Peraſſa conſeſſione ſub abſolutionem Sacerdos monebit pœnitentem, ut quod admiſſum eſt, deſeſtetur, ut ſic deinceps vitam influat, ne in ullum leſthale crimen poſt hæc incidat..... utque eum affectum habens credat, per Dei miſericordiam in virtute ſanguinis Chriſti per abſolutionem ſibi impartiendam in verbo ejus ſibi remiſſum iri peccatum.* Ecce Concilium Colonienſe agens de Contritione primà Pœnitentiæ parte, deque illius rectæ prædicatione, & conſeſſarium inſtruens circa agenda cum pœnitente, nullam mentionem facit amoris Dei, ſed ſolius timoris, propoſiti in poſterum, cum ſpe miſericordiæ ſeu veniæ. Si ſenſiſſent illic congregati, dolorem ex timore cum propoſito & ſpe veniæ, eſſe contritionis ſecum, eſſe pœnitentiam Judæ, ut loquitur P. Lupus, nec ullo modo ſufficere cum Sacramento, niſi adſit amor amicitiaſque erga Deum ſuper omnia, non omiſiſſent hoc loco amoris illius facere mentionem.

71. Secundò testimoniâ, quæ adducit P. Lupus, petita ſunt ex Enchiridiò. Hoc Enchiridion, ſed breviffimum, promiſerat Concil. Colonienſe tit. de diſſeminatione verbi c. 20: 21. & alibi. Verùm illud poſtmodum metas enchiridii egreſſum, præter inſtitutum in juſtum volumen excrevit: ut in ſua ad Enchiridion præliminari epistoſa teſtatur Hermannus Archiepiſcopus, qui vel ipſe id conceſſavit, vel ab alio compositum ſuo nomine evulgavit. Hinc quæ ex Enchiridio depromuntur, non Concilii, ſed authoris, quiſquis ille ſit, authoritatem ſolummodo habent; quæ quanta ſit, patebit ex ſequentibus.

72. Tertio igitur Author Enchiridii paſſim conſentit Luthero aſſerenti,

senti, quòd iustificemur per fidem, quòd ad iustificationem requiratur fides certa & minimè hæsitans, quà peccator firmiter credat sibi peccata esse remissa, quòd per hanc fidem seu fiduciam, tanquam per instrumentum, accipiamus & apprehendamus remissionem peccatorum; sic pag. 148. sibi objicit: Quod si nobis dicas, non assentior veteribus, qui verba ligandi atque solvendi, remittendi & retinendi, disquisitionem quandam criminum exigere existimaverunt: sed ipse hæc verba ad fidem tantum refero, ut is solvendus sit, qui ducat se tantum credere, sibi per Christum remissa esse peccata, etsi non confiteatur eadem speciatim; is verò ligandus qui sibi peccata remitti non credit. Ad quam, ex hæreticis petitam, objectionem sic respondet Author Enchiridii. Respondemus, nos nequaquam inficiari, fidem remissionis peccatorum, quam in nobis effudit Spiritus S. omnino necessariam esse in Pœnitente, qui velis clavium fructum percipere.... virtute clavium non solvitur peccator, nisi mentem habeat hæc fide præparatam. Ubi admittit necessitatem fidei seu fiduciae ab hæreticis assertæ.

Et pag. 166. De iustificatione sic simplicissimè ac planissimè dicimus, Evangelium initio nunc ministerio legis.... terrefacit conscientiam.... postea accedit fiducia, quam mens contrita & humiliata capit ex promissione Evangelii, & quo se erigit credens sibi remitti peccata gratis propter Christum, quod cum sit, simul donatur Spiritus S. per quem diffunditur charitas.... quà iustificatur homo.... idque per fidem in Christum, quà tanquam instrumentum remissio peccatorum, & renovatio interioris hominis & vita accipiuntur, habentur, ac retinentur. Hæc doctrina est planè Apostolica, quam & Patres, & tota Ecclesia semper est amplexa.

73. Rursus pag. 167. col. 2. ad objectionem ex hæreticorum dogmate petitam respondet. Hoc docemus, nempe iustificationem... esse gratuitum Dei donum, quod consistit in remissione peccatorum, & renovatione voluntatis, quæ non aliter à Deo gratis donante accipiuntur, quam per fidem in Christum, fidem quidem non dubitantem aut ambigentem, sed nihil hesitantem. Ut clarissimè, quid velimus, & quo pacto hæc res in nobis geratur, intelligas, repetimus ac dicimus, te per fidem donum iustificationis tunc donum accipere, cum & per terrefactionem ac consensum in Pœnitentia, rursus erigeris per fidem, credens tibi remissa esse peccata. Pergit pag. 168. versà. Fateamur verum esse, ad iustificationem hominis omnino requiri, ut homo credat non tantum generaliter, quòd propter Christum verè Pœnitentibus remittantur peccata, sed quòd ipsimet homini credenti remissa sint propter Christum per fidem. Nam qui dubitat, similis est stultus maris, qui à vento movetur & circumfertur. Non ergo existimas homo ille, quòd accipiat aliquid à Deo. Rursus pag. 169. col. 2. Si occurrat; quis sit an amore, an odio dignus sit? Hic jam non oportebit in opera nostra respicere, nam hæc statim nos facient dubitare, sed planè fidem nobis subvenire necesse est, atque adeo hæc oportet spectare veritatem,

veritatem, ut quod de nobis latet in corde Patris, id ipsum nobis per ipsius Spiritum reveletur, & Spiritus ejus testificans spiritui nostro persuadeat, quod filii Dei sumus Quod si rursus in animum meum jubeat: scio quidem passionem Christi potentissimam esse, sed quæ sciam an data & applicata sit mihi? hic respondeb. fides, mihi data est, quia alteri dari non potuit. Et plurima sequentia in eundem sensum.

Ac denique pag. 172. verum causa (ut ita dicamus) instrumentalis justificationis proxima, fides in Christum est, quæ credimus per redemptionem, quæ est in Christo JESU, nobis remitti peccata: eâ enim tanquam instrumento immediato ad hoc à Deo comparato accipimus & apprehendimus remissionem peccatorum ea fiducia justificationem impetrat & accipit. Plura in eundem sensum alibi tradit, semper in hoc dogmate sibi constans. Hæc fusius ex Enchiridio adduxi, ut constet quale sit illud opus, quod venerandam Synodum appellat P. Lupus. Multi, ut arbitror, judicabunt, & merito, Hermannum, dum hoc Enchiridion concinnavit, aut suo saltè nomine vulgavit, jam tum orsum fuisse telam, quam postmodum per-textuit. Nam, ut refert Spondanus ad annum 1543. Hermannus à suis aulicis Lutheranz doctrinæ sectatoribus persuasus, specie reformandi Clerum & abusus in religionem introductos auferendi, egregium scilicet virum ad id munus elegit Martinum Bucerum; cui, nequidquam obnitente clero Ecclesiæ metropolitanæ, & Academiâ Colonienfi, concionandi munus publicè contulit; Bucero in eo munere socios impetravit à Duce Saxoniz Melancthonem, à Lantgravio Pistorium, Sacerarium, aliasque hujus generis pestes. Ob hæc à Paulo III. citatus, & denum excommunicatus, ac Archiepiscopatu cæterisque sacerdotiis privatus, eum alteri cedere coactus est.

74. Quare Author Enchiridii censet, per confessionem & absolutionem Sacramentalem non remitti peccata, sed ed tantum servire pœnitentiæ Sacramentum, tum ad consolationem pœnitentium tum ut sacerdos signo visibili indicet, & ostendat pœnitenti, peccata per Deum esse remissa; tum denique ut per externum illud signum firma reddatur fides, seu vana illa fiducia, quæ pœnitens certò credit, peccata sibi esse remissa: ita enim loquitur pag. 149. Nemo delinquentem absolute cogit, ut confiteatur; at tamen si velit certum testimonium remissionis peccatorum (quæ enim argunt) accipere, necesse est ut absolutioni confessionem præmittat. Et fusius pag. 177. Principio ergo roget aliquis; si verum est, peccata in interiori pœnitentiæ remitti, ac hominem justificari, quid exteriori pœnitentiæ opus est? aut quidnam post remissionem culpa, & absolutionem poena aterna (quæ in interiori pœnitentiâ Deus operatur) facit Sacerdos? Cui quæstioni respondens supponit, vi pœnitentiæ interioris remitti peccata, & assignat Sacramenti effectus supra

dictos; sic enim pergit. *Hac quaestio ex supericribus satis explicari potest: sed ut res clarissime intelligatur, id animo repetendum est, quod paulo ante diximus, necesse esse, ut remissionem peccatorum accipias, cerè credere, tibi remissa esse peccata propter Christum. Jam cum certitudo non iudicio sensuum aut rationis effici in nobis queat, sed fide tantum; constat autem, fidem in paucissimis hominibus, praesertim his, qui gravioribus criminibus occupati quandoque fuerunt, ad eam certitudinem (nisi externis signis iuvetur) pervenire, ut cerè credant aut statuunt, se esse in gratia, nimirum dissidentia & dubitatione de voluntate Dei, quae in animis nostris naturaliter haeret, cum fide perpetuò luctante: idcirco Christus huic imbecillitati fidei nostrae per externum Sacramentum subvenendum ratus, Pœnitentiae Sacramentum instituit...quo fidem nostram de remissione peccatorum stabiliret, & confirmaret; atque eam ob rem Sacerdotibus insignem illam potestatem contulit; remittendorum scilicet peccatorum, hoc est, potestatem signo visibili indicandi & ostendendi, consistenti ac pœniti peccata per Deum esse remissa &c. Eadem habet. pag. 180. & sequentibus: atque etiam ex hoc solo capite manifestum est, perperam contra nos citari Enchiridion; nam, cum neget Sacramento omnem efficaciam ad remittendum peccatum, quid mirum est quòd requirat amorem cum Sacramento? Vide dicta §. superiore num. 53.*

75. Quintò. Quidquid sit, an author Enchiridii requirat actum charitatis erga Deum ad justificationem in Sacramento pœnitentiae, (cujus oppositum ostendi posset fortè non difficulter) omnino nego id haberi ex testimoniis, quæ ex illo in sua Epistola adducit P. Lupus. Ratio manifesta est; quia Enchiridii author pag. 119. ubi incipit tractare de pœnitentia, ait de pœnitentia, quæ propriè Sacramentum est, acturum se postea. Et rursus pag. 121. col. 2. idem repetit: *Porro Ecclesiastici Patres, veram pœnitentiam tribus partibus constare nobis prodiderunt, contritione, confessione & satisfactione. Loquimur autem de pœnitentia, non quæ propriè Sacramentum est &c. sed de pœnitentia loquimur, quæ totam hominis conversionem seu renovationem complectitur. Ea enim tum demum perfecta, consummata, ac fructuosa censetur, si tribus illis partibus constet.* Et statim pag. sequenti incipit tradere ea omnia, quæ nobis objicit P. Lupus, ac longè infra, nempe pag. 177. tangit aliqua de Sacramento Pœnitentiae, de quo ex professo sermonem demum instituit pag. 180. ubi ponit hunc titulum *De Sacramento Pœnitentiae*. Jam quæro à P. Lupo, unde probet, quòd ea, quæ de contritione interjicit Enchiridion inter initium, & locum ubi tractat de Pœnitentiae Sacramento, intelligenda sint de contritione, prout ea pars Sacramenti est, & non potius de contritione perfecta, ac per se justificante; praesertim cum in verbis jam citatis dicat,

se agere de pœnitentia *perfecta & consummata*; neque quemquam, qui Enchiridion legerit movere poterit, quòd eodem loco alteram pœnitentiz partem assignet Confessionem; nam infra pag. 137. & sequentibus, fulissimè agit de confessione interiori, quâ peccator soli Deo confitetur, quam probat necessariam, licet Deus peccata nostra non ignoret. Et tandem pag. 177. ubi incipit agere de Sacramento Pœnitentiz, ita loquitur: *Postquam de interiori Pœnitentia, in qua hominis justificatio peragitur, & de partibus ejus (quæ sunt cordis contritio, mentis erga Deum cum fiducia accipiendæ misericordiæ confessio) dictum est &c.* Vacillat ergo rursus ex alio capite objectio P. Lupi quòd nempe, licet Author Enchiridii esset sanæ doctrinæ, licet Sacramento non denegaret virtutem peccatorem justificandi, ostendi tamen non posset, quòd in testimoniis, quæ ex illo pro necessitate amoris ad pœnitentiam depromit P. Lupus, agat de ea Pœnitentia, cui susceptio Sacramenti conjungitur.

76. Sextò denique P. Lupus pag. 20. dicit, nostram attritionem à veneranda Synodo, id est, ab authore Enchiridii, vocari contritionem impij & Judæ. Ut autem hunc Authorem id faciat dicere, assuit parenthesis à mente authoris Enchiridii planè alienam. Hæc adfert P. Lupus verba desumpta ex Enchiridii pag. 137. ubi cum varia requisita ad contritionem præmisset, ut odium peccati, propositum vitæ novæ &c. tandem addit Enchiridion: *Quintò postquam de omnibus peccatis tuis graviter, & ex animo indolueris, diesque tuos in amaritudine animæ tuæ recogitaveris, ac firmiter in corde tuo statueris desinere à malo, & facere bonum, tum fides accedere debes contritionis* hic interferit P. Lupus, id est, fides tertiz rationis) *quâ fiduciâ misericordiæ Dei rursus erigaris & consolationem accipias, confusus tibi sit affecto peccata tua propter Christum remissum iri. Nam hæc fides (ut & supra diximus) contritionem perficit, atque discrimen facit inter contritionem pii & impij, Petri & Judæ. Ideo enim non profuit Judæ Pœnitentia, quia hâc fide carnis &c.* Post hæc ex Enchiridio relata verba concludit P. Lupus: *Ex solo servili gehennarum metu, citra fidem in Deum, seu castam Dei super omnia dilectionem formata contritio apud hanc venerandam Synodum est Judæ contritio, non Petri.* Ne autem dicas, in verbis illis Enchiridii nihil omnino innui de casta Dei super omnia dilectione, occurrit P. Lupus; Enchiridion requirit fidem. Requirit, fateor; id est, inquit P. Lupus, tertiz rationis fidem, nempe quæ continet charitatem, seu timorem filialem, de qua locutus fuerat Author Enchiridii diu ante. At unde, quæso, habes, de tali determinatè fide loqui? cum hoc loco nihil sit, quod indicet, de fide in illa potius acceptione loqui, quàm in alia. Cæterùm malè ad parentheses & explicationes merè pro libitu intrusas recurritur in illis testimoniis, in quibus

Author

Author ipse explanat, de qua fide loquatur, prout hic facit author Enchiridii: cum enim dixisset, requiri fidem, explicans quznam ea sit, subiungit: *quâ fiduciâ misericordiæ Dei rursus erigaris, & consolationem accipias, confisus tibi sit affecto peccata propter Christum remissum iri.* Datâ autem hâc fidei explicatione, in quâ nulla sit mentio castæ Dei super omnia dilectionis, statim subdit: *nam hæc fides contritionem perficit, & discrimen facit inter contritionem pii & impii, Petri & Judæ.* Quis non videat, Enchiridion hic agere de fide illâ firmâ, seu potius vanâ fiduciâ, & præsumptione minimè dubitante, quâ poenitens firmiter credat, sibi remitti peccata; quam fidem seu fiduciam author Enchiridii, ut patet ex dictis supra num. 72. & 73. vult adeo esse necessariam, ut sine illa iustificatio peragi nequeat. Et ne de hac agi dubium esset, dicit, se de fide, de quâ hic agit, & tractasse supra, & inferius latius expositurum, quod de sola hac vana fiducia verificari potest, de qua supra egerat cum alibi, cum præcipue pag. 129. ubi ait: *Ergo cum peccator peccati horrore pavidus, & poenæ metu contremiscens, ac de seipso (sue infirmitatis sibi conscius) desperans, per fiduciam misericordiæ in Christo nobis propositæ ad Deum confugit,* **CREDENS SIBI POENITENTI in Christo JESU REMISSVM IRI PECCATA per fidem accipis gratiam iustificantiem.** Infra verò de hac vana fiducia agit fusillimè: aliqua attulimus supra num. 72. 73. Denique Enchiridion statim post verba à P. Lupo adducta dicit, ideo Petro profuisse contritionem, quia accessit hæc fides, quâ *misericordiam Dei apprehendit*: hac phrasi infra passim utitur pro suâ illâ hæreticâ fiduciâ.

Ecce, si authori Enchiridii, seu (ut vocat P. Lupus) *veneranda* huic Synodo credimus; omnis contritio Catholicorum, etiam perfectissima, erit contritio Judæ, cum ab omni contritione vanam hanc & hæreticam fiduciam procul abesse debere pronuntiet Tridentinum.

77. Quod adfert ex Enchiridio, juxta Patres, & omnium piorum sententiam rectè inchoari poenitentiam à timore; nobis, qui illud admittimus, non adversatur; sed illos petit, qui dolore ex timore, charitate destitutum, malum asserunt, vel illi necessariò conjungi concupiscentiam actualem mortaliter malam; viderint illi, quid respondeant ad SS. PP. & piorum consensum in oppositum.

§. 3.

*Respondetur ad objecta ex Synodo Tridentina,
& Concilio Provinciali Senonensi.*

78. **E**X Tridentino opponit 1. P. Lupus pag. 16. quod nempe Synodus definiverit, incussos ex agnito peccato terrores non esse partem pœnitentiæ, id est, non esse Contritionem: nempe Ses. 14. c. 3. ubi, cum definivisset, tres esse Pœnitentiæ partes, Contritionem, Confessionem, & Satisfactionem, *eorum sententias damnat, qui pœnitentiæ partes incussos conscientie terrores, & fidem esse contendunt, sive, ut clariùs habetur can. 4. qui respondet dicto capiti: si quis dixerit, duas tantùm esse pœnitentiæ partes, terrores scilicet incussos conscientie, agnito peccato, & fidem conceptam ex Evangelio, vel absolutione, quâ credit quis sibi per Christum remissa peccata: anathema sit.* Quo anathemate ictum me (adeoque omnes etiam in hac Academia prædecessores suos, qui communem tenent de Attritione sententiam) pronunciat P. Lupus pag. 42. *De puro puro, inquit, servili gehennarum metu nihil liquidò definivit Sacrosancta Synodus, nisi ipsum non esse Pœnitentiæ, seu veræ contritionis partem, cuius anathematis fulmine ictus omnino est acensator: Attritionem enim purè purè servilem docet, adeoque & servilem gehennarum metum affirmat esse ejus partem.*

79. Resp. nihil hîc dici, quod vel in speciem faciat contra nos: nam primò Synodus damnat eos, qui tantùm duas ponunt: pœnitentiæ partes, & non tres, prout statuit Synodus: Unde etiam damnabiles essent, qui ponerent has duas tantùm Pœnitentiæ partes, contritionem & fidem. Secundò Hæretici non tantùm errabant in numero partium Pœnitentiæ; sed & in ipsis partibus assignandis; nam illa vana fiducia nullo modo ad Pœnitentiam spectat; & terrores illi, cum etiam in iis reperiantur, qui in criminibus manent obstinati, vel etiam qui actu peccant, nullo modo sunt prima pars Pœnitentiæ, seu Contritio, ut sæpe diximus.

80. Quod addit de fulmine Tridentini in nos cadente, ex jam dictis patet, ridiculum & vanum esse terribilamentum, tantum distans à rectè fundatâ objectione, quantum terrores à Luthero admissi à verâ, quam Catholici passim tradunt, Attritione, quæ est dolor de peccato commisso, & propositum non peccandi de cætero, concepta ex metu gehennæ, cum spe veniæ &c. De hac Tridentinum solum tradere, quod non sit pars veræ pœnitentiæ, credere poterit, qui nihil umquam de Tridentina Synodo inaudivit. De nostra Attritione agere Tridentinum

Ses.

ses. 14. cap. 4. ostensum est manifestè in tract. de Attritione cap. 8. quia autem argumenta illic facta dissolvere nequivit P. Lupus, ea transiliens, credit, se sufficienter ea dissasse, dicendo, non agi à Synodo de Attritione in sensu nostro. Notatu quoque dignum, quòd P. Lupus, dum in verbis citatis ait à Synodo definiri, terrores non esse partem Pœnitentiæ, addat; *seu vera Contritionis*. An fortè credit, idem esse Pœnitentiam & Contritionem, hancquæ etiam completi confessionem, & satisfactionem? Tres partes pœnitentiæ tradit Tridentinum, uti & quænam requirantur ad primam Pœnitentiæ partem, Contritionem: an autem ea, quæ enumerat in descriptione Contritionis, vocandæ sint Contritionis partes, nec ne, nihil determinat Tridentinum, adeoque nec hoc, an timor sit vocandus pars Attritionis. Determinet, per me licet, P. Lupus, an dum quis dolet de peccato partim ex timore pœnæ, partim ex amore justitiæ, timor vocandus sit illius Contritionis pars.

81. Opponit ex eadem Synodo sessionis 6. canonem 3. *Si quis dixerit sine præveniente Spiritus S. inspiratione, atque ejus adjutorio, hominem credere, sperare, diligere, aut pœnitere posse, sicut oportet, ut ei justificationis gratia conferatur: anathema sit.*

Respond: hîc de Pœnitentia nihil aliud definiri, nisi quòd ea, ut prosit ad vitam æternam, debeat esse ex gratia: quid hinc, quæso, contra nos?

82. Denique adfert Concilium Senonense damnans hunc Lutheri articulum: *Non licet inducere homines ad pœnitentiam per timorem gehennæ.*

Respond: Hunc articulum damnant omnes nostræ sententiæ Authores; non video tamen, quâ specie damnare illum possint ii, qui cum Luthero asserunt, dolorem ex metu gehennæ conceptum, esse malum, & peccaminosum, vel necessariò conjunctum habere peccatum mortale: quare hos petit dicta damnatio. At, inquires, juxta Senonense licet. inducere homines ad pœnitentiam per timorem, ideoque timor gehennæ non est Pœnitentia. Certissimum est, & sæpè à nobis dictum, timorem gehennæ, ibi sistendo, Pœnitentiam non esse, sed tantum inducere ad Pœnitentiam, in quantum metus ille movet ad detestanda peccata, ad propositum emendationis, cui accedat spes veniæ &c. Hæc enim omnia simul sumpta Attritionem constituunt; non autem nudus timor, uti pluribus dixi in tract. de Attritione Num. 13. & 234. Nonne solidius ex hac definitione Concilii Senonensis intulissent Adversariis; ergo timor gehennæ nec malus est, nec habet necessariò concomitantem actum internum concupiscentiæ mortaliter peccaminosum?

cujus oppositum asserbat Lutherus. De hac definitione Concilii Senonensis rursus dicam infra cap. 11.

S. 4.

*Richardus à S. Victore, Michaël Episcopus Merseburgensis
& Bandinus perperam adducti.*

83. P. Lupus pag. 30. cum dixisset omnem pœnitentiam, seu contritionem debere procedere ex amore Dei super omnia dilecti, aliàs fore fucum Contritionis: ad id probandum adfert ex Richardo Victorino hæc verba: *Qui veraciter de suis criminibus pœnitent, pro certo jam charitatem habent.*

84. Resp. hæc verba Richardi non invenio, nisi in argumento, quod sibi objicit lib. De potestate ligandi, & solvendi cap. 19. ubi sic scribit Richardus: *Adeo, quæ superius dicta sunt, quidam quidem oppugnant, & dicunt; qui veraciter de suis criminibus pœnitent, pro certo jam charitatem habent... nemo enim, qui charitatis capax est, sine charitate salvari potest: sed (ut putant) qui charitatem habet, debito damnationis æternæ teneri non valet: quomodo ergo Sacerdos eum ab ejusmodi debito absolvit, si ante Sacerdotalem absolutionem charitate interveniente absolvi jam meruit? Porro rarò ducitur argumentum efficax de sensu Authoris, ex iis solis, quæ sibi objiciens refert.*

85. Resp. 2. Sententiam Richardi esse, quod solus Deus ad cordis Contritionem absolvat, & absolvere solus possit à reatu culpæ: Sacerdotes verò absolvant à solo reatu pœnæ, ut patet ex toto libelli istius discursu, præsertim ex cap. 4. 7. & 10. Hinc cum ministerio Sacerdotis, juxta Richardum, culpa deleri nequeat, consequens est, deleri eam debere per proprium actum de se justificativum, qui Sacramento sine culpa deficiente sufficiat ad delendam culpam, & debitum pœnæ æternæ: quod ejusdem tractatus cap. 8. fatetur Richardus: *Scimus, inquit, quod verè pœnitens sine Sacerdotis absolutione æternam damnationem evadere potest, cum eam habere non potest... Notandum quod vinculum damnationis Dominus solvit conditionaliter.... Pœnitentem namque à debito damnationis absolvit sub tali conditione, ut eum oporteat, prout potest, Sacerdotis absolutionem querere, & ad ejus arbitrium debito more satisfacere. Nam, si sacro neglexerit, periculum æternum non evadit. Et cap. 7. Sola enim cordis confessio pœnitentis ad salutem animæ sufficit veraciter, cum articulus necessitatis, oris confessionem, & Sacerdotis absolutionem excludit. Unde rectè dicimus, quod tunc dominus absolvit. Sed quoniam oris confessio, & Sacerdotis absolutio à verè pœnitente exigitur, quam-*
diu in

*diuin hoc ipsum saculus conceditur, rectè quidem debere damnationis absolutio-
etiam Sacerdoti adscribitur. Denique ibidem cap. 4. ad illa Psalmi verbas:
Confitebor adversum me iniquitatem meam Domino, & tu remisisti impietatem
peccati mei: subdit Richardus: Ex hac prophetica sententia datur intelligi, quòd
ad veram contritionem, & confessionem cordis remittitur iniquitas veraciter pœni-
tensis ... Quod enim iniquitatis est, & impietatis statim ad veram pœnitentis
animæ contritionem remittitur.*

Hinc patet hunc authorem perperam à P. Lupo contra nos citari,
cum in Sacramento non agnoscat vim delendi peccata, quam solum
tribuit cordis contritioni, ac proinde meritò requirit charitatem, pro-
ut & nos requirimus cum quolibet Sacramento, quod caret virtute
primam gratiam conferendi. Vide dicta supra num. 53.

86. Denique dum Richardus dicit: *qui veraciter de suis criminibus pœ-
nitent, pro certo iam charitatem habent.* Quæro à P. Lupo, an loquatur de
quacumque charitate, seu dilectione Dei super omnia; an verò de
sola illa charitate perfectissima, quam ad Contritionem antonomasticè
dictam requirit P. Lupus? Si agat de charitate quacumque, jam con-
trarius est P. Lupo; cum universaliter dicat iniquitatem statim dimitti
ad veram contritionem, quod negat P. Lupus. Si verò loquatur de
charitate illa perfectissima, rursus opponetur P. Lupo, vel P. Lupus
sibi ipsi, qui negat charitatem perfectissimam requiri cum Sacramento,
& nihilominus exigi vult cum Sacramento eam charitatem, quam re-
quirit Richardus.

87. Alterum opponit Michaëlem Episcopum Merspurgensem in
sua Christiana de septem Sacramentis institutione, cujus fusissimum
profert testimonium ex concione 58. habita Anno 1543. quod, ne
quid videar omittere, hæc subijcio. *Atque hic quidem foret modus optimus,
ex Dei amore à peccatis desistere, ac proinde foret optandum omnes nos eo potius no-
mine horrere & vitare peccata, quòd ex amore Deum volumus offendere, quàm pœ-
nae formidine à peccato abstinere. Utinam omnium animi amore ejusmodi flagra-
rent, possentque ex animo dicere, quod quidam Deo devotus & integer Christianus
quandoque dixit ad Deum: Præsta mihi Domine Deus, ut diligam te, atque sic,
etiamsi damnandus sim, pœnam ipsam minis molestè feram. Verum non omnium
animi sunt ita constituti, ut ex amore Despectentiam & conversionem auspici-
entur, magisque se peccasse doleant, eò quòd Deum peccatis suis offenderint, quàm
quòd supplicium pertimeant. Hoc itaque rarum & infrequens est conversionis &
pœnitentia genus; ea autem usitatissima ratio est, pœnitentiam seu contritionem ob-
tinendi, ut scilicet quis perpendat multitudinem & enormitatem suorum peccatorum
& simul in memoriam sibi redigas minas gravissimas, quæ intentæ Deus impiis
& pœna-*

& peccatoribus. Considerat quoque severum illud & formidabile Dei iudicium, quos calamitates & terrores impij sentient, ubi terribilis illa & irrevocabilis Christi sententia in eos fuerit prolata: ITE MALEDICTI &c. Ex huiusmodi consideratione utique necessarium est, timorem in animis hominum exsistere: à timore autem concipitur pœnitentia, ut Augustinus ait..... Ceterum hic timor, qui ex peccatorum & supplicij consideratione hauritur, necdum est vera illa contritio, quæ Deo accepta est, & quæ ad misericordiam commovetur, quæque impetrat remissionem peccatorum. Nihilominus tamen est insar ministri veræ contritionis, nupotè ad veram pœnitentiam deferens ac perducens. Nam hic servilis timor primum REPRIMIT IN NOBIS PECCATA, FACITQUE CESSARE A VITIIS, qui est gradus ad veram pœnitentiam & contritionem. Et rursus infra: Nec jam, solum eâ de causâ dolet, quòd pœnam peccato commoveris, sed multo magis eo nomine, quòd Deum offenderis; imò iam de pœna tantopere sollicitus non est, cum ultro se obtuleris ad omnia ea libenter perferenda, quæ ipsi Deus pro peccatis impoſuerit, tantum ut favorem & amicitiam Dei queat recuperare. Atque hic est verus & castus timor, cum ex amore Deum timere incipimus, exeriturque hinc vera illa contritio, quam Deus vult valere ad obtinendam peccatorum veniam..... Hinc contritionis obtinende modum plerique omnes Catholici Patres tradiderunt.

88. Resp. Hunc authorem in verbis citatis agere de contritione antonomasticè dictâ, quam vocat contritionem veram: id manifestum fiet totam illam concionem & initium sequentis legenti: quod ne gratis dixisse videar illis, quibus hic author ad manum non est, hæc ostendo. Inprimis nostram Attritionem, ut veram pœnitentiam, laudat, in eadem concione pag. 334. ubi describens veram pœnitentiam ita loquitur: Prima vera pœnitentia pars est contritio, internus nimirum animi dolor, quo in conscientia sua incipit peccator perpendere, se in Deum peccasse, iramque ejus commoverisse, ac dolere se unquam deliquisse, secumque flatuit, vitam in melius commutare, & à solitis vitiis abstinere; neque id tantum rogat Deum, ut velit dare veniam peccatis suis; sed etiam in sua conscientia offert se se, ejusque animo paratus ad ferendum æquanimiter, quidquid ipsi Deus, vel per seipsum vel per alios legitimis modis pœna loco ferendum velit imponere. Atque hæc tria veram efficiunt Pœnitentiam, ubi & peccasse displicet, & vitæ emendandæ suscipitur propositum, atque animus paratus est perpeti, quidquid illi possit TEMPORARIÆ molestiæ occurrere, TANTVM VT POENIS SEMPITERNIS ABSOLVI QVEAT, quas se suis peccatis novis bene commertitum. Eum in modum affectus, est verè pœnitens.

89. Ecce dolere de præteritis, proponere emendationem, & velle solvere pœnam temporalem, tantum ut poenis sempiternis absolvi queat (quæ est ipsissima nostra attritio) est vera pœnitentia, & sic affectus, est verè pœnitens. Tum infra pag. 336. adfert verba à P. Lupo objectâ, quæ

quæ vel sola sufficerent, ad iudicandum, auctorem, dum dolorem in iis descriptum vocat contritionem veram, sumere pro Contritione, prout Attritioni opponitur (quæ vocis acceptio ulitata est apud Auctores, etiam juxta Catechismum Lovaniensium) 1. quia dicit, hunc modum fore optimum, & optandum esse, ut omnes ex amore Dei peccata horreant; ubi initio concionis agens de pœnitentiâ, pronuntiat, hanc esse necessariam. Adde, cum dicat modum pœnitendi ex amore Dei potius, quàm ex timore esse optimum, manifestè supponit esse aliam pœnitentiam, quæ non sit ex amore, nempe illam, quam in verbis proximè relatis descriperat. 2. Dicit hoc genus pœnitentiæ, quo magis, dolent se peccasse, quòd Deum offenderint, quàm pertimescant supplicium, esse raram & infrequens; quis autem dicet, eam pœnitentiam, quæ ad Sacramentum requiritur, & sufficit, esse raram & infrequentem? &c. 3. Dum dicit per timorem perveniri ad Contritionem seu amorem Dei, contra Lutherum agit; qui, quòd timorem crederet malum, nolebat pœnitentiam ullam à timore initium sumere.

90. His addo, quæ habet Michaël Episcopus concione sequenti; quæ ejus menti intelligendæ non parum subserviunt. Sic inchoat concionem §. Proximâ concione trium illarum partium primam tractavimus, quæ integram Deoque acceptam pœnitentiam constituunt, nempe contritionem, internum scilicet animi dolorem, quo dolet, & contristatur homo de commissis peccatis, proponens deinceps per gratiam Dei vitam in melius commutare, & à peccatis abstinere, & simul suspiriis & aliis piis studiis eò contendens, ut peccatis hucusque commissis queas exonerari. Audivimus illic hujusmodi contritionem, ut plurimum & præcipuè in animo peccatoris posse exoriri, si serio peccata sua commemoret, & perpendat, iisque opponas Scripturæ sacræ comminationes de pœnis & suppliciis peccatorum, unde tum timor in animo vel corde nascitur & existit. Neque tamen hic debet subsistere, ut ex tali tum peccatorum suorum, tum severa iræ Dei contemplatione solum timorem concipiat; sed dabit operam, ut veniam pariter speret ex bonitate & misericordia Dei. Namque beneplacitum est Domino super timentes eum, & in eis qui sperant super misericordia ejus. Solâ formidine terriè ob peccata, furum, flagitiosorumque est Pœnitentia, nec meretur gratiam, aut remissionem à Deo. Postea addit, debere admixtum esse propositum non peccandi in posterum, quòd debeat esse de peccatis omnibus &c.

In verbis hujus Auctoris hætenus allatis duo noranda sunt: 1. quòd asserat, timorem reprimere in nobis peccata, & facere cessare à vitis: quod est contra P. Lupum. 2. quòd timor, si ibi sistatur, non sit vera pœnitentia; sed quòd debeat insuper sperari venia, accedere propositum non peccandi &c. quod ipsum toties jam à nobis inculcatum est.

91. Videamus an P. Lupo faveat (quem antiquum & laudatissimum scholarum Doctorem vocat) Bandinus, qui in 4. distinct. 2c. Sic ait: Denique cum Pœnitentia semper necessaria sit, ille maxime laudabilis est, quæ non tantum habet timorem; sed & libertatem. Unde Augustinus: Nullus expectet, quando peccare non potest: arbitrii libertatem querit Deus, ut possit delere commissâ, non necessitatem, sed charitatem, non tantum timerem, quia non in solo timore vivit homo. Illa ergo, quæ in extremis agitur, non sic laudabilis est, quia ex timore magis, quàm ex charitate esse videtur (hæc ex Bandino P. Lupus pag. 46. quibus addo aliqua sequentia.) Quando scilicet magis te peccata dimittunt, quàm tu ea. Unde Augustinus; Si vis agere pœnitentiam, quando jam peccare non potes, peccata te dimittunt, non tu illa; & ideo sic pœnitenti securitas non promittitur. Si vis ergo à dubio liberari, age pœnitentiam, dum sanus es. Hactenus Bandinus.

92. Resp. 1. Hic tantum agi contra eos, qui pœnitentiam differunt ad extremum vitæ articulum, quæ suspecta apud omnes semper fuit, ex quocumque demum motivo concipiatur, quia tunc videtur quasi extorta & parum sincera. Neque hic agit Bandinus de motivo, ex quo dolor de peccatis concipi debeat: nam eandem pœnitentiam, quam à moribundo factam dicit non esse securam, statuit certam esse, & à dubio liberam, si fiat à rectè valente: certum autem est pœnitentiam sani & agri non debere differre motivo.

Resp. 2. cum agere de pœnitentiâ, quæ maxime laudabilis sit, quod ad rem non facit: non enim querimus, quid laudabilius sit, sed quid sufficiens ac necessarium.

93. Resp. 3. Bandinum in Sacramento Pœnitentiæ non agnosce-
re vim delendi peccata; sed censere, absolutionem non esse nisi indicium justificationis ante confessionem à Deo collatz ad contritionem cordis. Ita enim loquitur distinctione 18. pag. 377. Dimittit autem Deus peccata in cordis contritione ante confessionem....quia debuerunt aterna mortis solvi, & animam interius purgat. Et paulò infra: Sacerdos autem dimittit in confessione peccatum ministerio officii, quo potest ligare, & solvere: solus enim Sacerdos evangelicus & ligat, & solvit; hoc est, ligatum vel solutum à Deo ex officio ostendit; sunt olim legalis Sacerdos contaminabat, & mundabat leprosum; id est, contaminationem, vel mundatum ostendebat. Quam enim potestatem habebat esse in corpore, hanc habet ille in mente. Et ibidem dist. 19. pag. 382. sibi objicit: sed cum in contritione Deus dimittit peccatum, cur oportet quemquam deinceps Sacerdoti, hoc est, Eccl. sic confiteri? cui objectioni sic respondet: Arbitror inter ceteras causas, hanc esse præcipuam, ut per hoc Sacramentum unius, quæ est inter Christum & Ecclesiam, commendetur: ut, sicut sunt duo
in carne

in carne una, & in voce una, ita & duo sint in confessione una. Ecce quod confugerint ii, quibus huius Sacramenti vis ininus erat perfecta.

Hinc patet objectionem ex Bandino desumptam vacillare, ac ruere ex multiplici capite.

S. 5.

S. S. Bernardinus Senensis, Thomas de Villanova, Francis Salesius nobis minime adversantur.

E Pistolæ familiaris cap. 7. hos adfert P. Lupus, tamquam manifestos suæ sententiæ patronos, nostræ adversarios; cum tamen, ut jam videbimus, nec in minimo nobis adversentur.

94. Ex S. Bernardino Senensi hæc verba, loco non indicato, adfert P. Lupus pag. 69. *Ex his apertè elici potest, quod, qui contrititur principaliter propter timorem inferni, & non propter amorem Dei, non est in statu salutis; quia non dolet amore Dei, sed amore sui, ut si cessaret damnatio ex perpetrata culpa, cessaret & contritio illa. Sed secundum Scotum in 4. dist. 20. licet ad veram contritionem concurrat timor humilians, debet tamen concurrere amor inflammanus; unde etsi in peccatore inities timor pænæ, supervenient tamen amor talem timorem debes repellere. Ita S. Bernardinus Tom. 1. serm. 12. de vera contritione; Fet. 3. post Domin. 1. Quadrag. art. 2. cap. 2.*

95. Resp. omnino incongruè hæc contra nos adduci: nam 1. cum non distinguat inter dolorem requisitum in Sacramento, & extra illud; non est unde probetur, quodd per veram contritionem, de qua agit, non intelligat contritionem antonomasticè dictam: præsertim cum ibidem art. 1. cap. 3. præmiserit: *Ponunt Doctores differentiam inter attritionem & contritionem. Attritio enim est actus displicentiæ non cum privatione infirmitatis, sed contritio est actus charitatis informatus. Attritio enim oritur ex timore pænæ, contritio vero ex consideratione divinæ offensa.*

2. Quòd agat de contritione prout opponitur attritioni, inde datur intelligi; quòd contritioni, de qua hoc loco fuerat locutus, ejusdem sermonis art. 3. cap. 1. attribuat justificationem independentem à Sacramento susceptione.

96. Tertio. Quia S. Bernardinus censet, ante absolutionem Sacramentalem, vi contritionis culpam à Deo remitti, absolutionem autem esse remissionis præhabiti indicium, sic tamen ut gratiam præhabitam augeat: nam Tom. 2. sermone 27. (qui est de sacra Confessione) art. 1, cap. 3. sic habet: *Queritur, quid dimittat Sacerdos homini penitenti, cum*

per solam cordis contritionem ante confessionem crimina deleantur; tibi sunt claves Ecclesie, quas Dominus contulit Petro & successoribus suis; Quomodo enim liget Sacerdos penitentem, palam est; à quo autem eum absolvat, non claret. Ante confessionem verò Deus maculam culpa per cordis contritionem cum proposito confitendi terfit, & debitum aeternae mortis relaxavit. Qui enim contemnunt Deum maculam & contagium peccati dimittere ante confessionem, Sacerdotem verò in confessione debitum aeternae mortis relaxare, audiendi non sunt: sed potius ipse Deus merito sanguinis Christi ab utroque absolvit penitentem. Mundat enim à criminali, & statim charitatem, quae fuerat peccato mortua, habet; quare statim dignus aeternae gloriae iudicandus est. Ad quaestionem autem initio propositam non aliam adfert solutionem, quam quod Sacerdos ostendat peccatum esse remissum. Et ejusd. serm. art. 3. cap. 3. Similiter dicendum est de confessione adjuncta absolutioni, quia secundum quod in voto penitentis praecessit, à culpa liberabit: postea verò in actu confessionis & absolutionis gratia augetur.

97. 4. Denique videtur S. Bernardinus etiam admittere, quod cum Sacramento non requiratur contritio seu actus charitate informatus, ut dixit supra, sed sola attritio ex metu: nam cap. 3. proxime citato cum dixisset gratiam in absolutione augeri, subdit: *Es etiam peccata remittuntur, si praecedens dolor ad contritionem sufficiens non fuisse, &c.* Vide eundem Tom. 3. in tractatu de Confessione circa finem.

98. An P. Lupus melius examinarit, & feliciter adduxerit S. Thomam à Villanova auctorem domesticum, dispiciamus. Ex ejus sermone in Dominica Passionis, varia adfert, in quibus ad veram contritionem hic Sanctus amorem requirit, negatque sufficere timorem inferni. *Non de d'ans*, inquit, *vel de pœna &c.* sed dolendum est de peccato prout offensam Dei; sic ut abs nullum incommodum de peccato proveniret, neque esset infernus, etiam displiceret peccatum, quia Deus fuit offensus. ... Vera contritio ex amore Dei debet procedere, non ex timore aut amore sui. & rursus: Tertia conditio ... ut plus doleas de peccato, quam de quovis infortunio. si daretur optio, potius eligeres pati infernum, quam eligere peccatum.

99. Verum hæc omnia nihil omnino favent P. Lupo, quia ex tota illa concione manifestum est, sermonem illic esse de Contritione per se justificante, & prout species est Attritioni opposita. Nam sub initium sermonis expresse Contritionem, de qua agit, ab Attritione distinguit: *Solus dolor ille contritio est*, (inquit pag. 160.) *qui est propter Deum; unde Attritio & Contritio non tam differunt, quia contritio est dolor intensus, & Attritio est dolor remissus; sed magis, quia Contritio est dolor perfectus propter Deum (id est ex amore Dei, ut ipsemet explicat in verbis, quæ nobis obij-*

objiciuntur) & *Attritio est dolor imperfectus, & mixtus cum aliis respectibus.* Et infra: *Ex hac definitione possumus eluere quinque conditiones, quas debet habere dolor, ut sit perfecta & consummata contritio.* Contritio autem perfecta & consummata alia non est, quàm Contritio per se justificans: Ac demum enumeratis hisce conditionibus subiungit pag. 162. *Has conditiones debet habere dolor, ut sit perfecta contritio, quas si habuerit, procul dubio remittetur peccatum.* Quod probat ex Ezech. 18. Atqui hoc non competit Contritioni imperfectæ seu Attritioni, etiam juxta adversarios, cum Attritio ad illum effectum requirat actualem Sacramenti susceptionem, quod attritio sepe deesse potest; ergo agit de Contritione perfecta, prout ipsemet Sanctus exprimit.

Adde quod idem Auctor ibid. pluribus hortetur auditores, qui amorem Dei in se non sentiunt, ut saltem concitent dolorem ex metu inferni, aliorumque malorum; hunc autem dolorem, contra P. Lupum, pronuntiet esse valde bonum.

100. Sanctum quoque Salesium sibi facientem facere conatur P. Lupus, hæc adferens ex illius-l. 2. de Amore Dei, quæ latinè sic sonant: *Pœnitentia, quæ amorem quidem Dei non rejicit seu excludit, (quamvis sine illo sit) bona est & optanda pœnitentia; sed imperfecta, & quæ salutem nobis conferre nequeat, donec pertigerit ad amorem, & huic pœnitentia fuerit: unde, quemadmodum dixit Apostolus, si tradidero corpus meum ut ardeam, charitatem autem non habuero, nihil mihi prodest; sic quoque verè dicere possumus, licet pœnitentia tanta esset, ut copiosas lacrymas cieres dolor, &c. nihil omnino ad salutem tuam id proficeret, si sancto Dei amore carcamus.*

101. Apud illos, qui Salesium legerint, hæc obiectio refutatione non egebit: per se enim manifestum erit hæc extra rem objici: nam lib. cit. cap. 18. agens de pœnitentia, quæ est virtus omnino Christiana, asserit hanc plurima habere motiva, timorem gehennæ, desiderium gloriæ cælestis, turpitudinem peccati, pulchritudinem virtutis, & tum illo cap. tum sequenti, pœnitentiam ex horum motivorum aliquo conceptam, licet amorem Dei non involvat, sæpius bonam pronuntiat: plurimumque laudabilem, natum quidem ex amore nostri, sed qui legitimus, justus, ac rectè ordinatus sit. Et hanc pœnitentiam vocat imperfectam, addens amorem Dei esse pœnitentiæ perfectionem ac complementum. Quo loco haud dubiè ad Tridentinum respexit, quod pœnitentiam ex motivo metus sine amore Dei conceptam, vocat contritionem imperfectam seu attritionem; illam vado, quæ amorem habet pro motivo, perfectam. Ac tandem eod. cap. 19. subiungit ea, quæ adfert P. Lupus, quod nempe actus pœnitentiæ quantum

cumque vehemens, & quantascumque lacrymas eliciat, nisi amorem involvat, insufficiens sit, seu non proſit ad ſalutem, quod veriffimum eſt etiam in ſententia noſtra, & totidem ſerè verbis traditur à Tridentino, Seſſ. 14. cap. 4. aſſerente, contritionem imperfectam ſeu attritionem conceptam ex metu gehennæ, aut ſimili motivo ab amore diſtincto per ſe ad ſalutem peccatorem perducere non poſſe. Quodd autem S. Saleſius ibi tractet de juſtificatione, quæ obtinetur vi actus à pœnitente elicti, facilè probatur: tum quia in toto illo diſcurſu ne mentionem quidem facit Sacramenti: tum præcipuè ex iis, quæ tradit cap. ſequenti, nempe 20. ubi in initio diſcurſum de eadem pœnitentia ſic proſequitur: *Elle eſt ardente, parce qu'elle contient la vertu & propriété de l'amour, comme provenü d'un motif amoureux, & par cette propriété elle donne la vie de la grace..... en vertu du motif de l'amour d'où elle prend ſon origine, elle nous reconci- lie, & réunit à noſtre Dieu.* Et infra pag. 44. ſic concludit: *& pour le dire en un mot, ce commencement d'amour ſe mêle avec la fin de la repentance, & en ce moment du mélange, la penitence & contrition mérite la vie éternelle.* Ubi aſſerit pœnitentiam, de qua agit, involvere proprietatem amoris, ac vi hujus proprietatis vitam gratiæ tribuere, noſque Deo reconciliare, idque eo ipſo momento, quò initium amoris pœnitentiæ immiſcetur. Atqui hæc locum tantummodo habent in actu qui ſe ſolo juſtificat: ergo de hoc ſolo actu ſeu de contritione perfectâ hîc tractat.

102. Hic advertat lector, quantum ab hoc Sancto diſcrepet P. Lupus. Saleſius detestationem peccati ex metu gehennæ aut ſpe præmiî cœleſtis ſine amore Dei conceptam ſtatuit ſpeciem pœnitentiæ Chriſtianæ, eamque aſſerit bonam eſſe ac laudabilem. E contra P. Lupus dicit eſſe fucum contritionis ſeu pœnitentiæ, eſſe pœnitentiam Judæ, per eam Chriſtianos tranſire ad Judæos &c. Docet Saleſius, eodem momento, quo initium amoris pœnitentiæ accedit, fieri reconciliationem peccatoris, quod omnino negat P. Lupus.

S. 6.

De Roberto Cardinale Pullo, ejuſque Scholiſte Hugone Matthoud; & Joanne Morino.

103. P. Lupus pag. 23. præeunte Hugone Matthoud putat Robertum Pullum omnino favere ſuæ ſententiæ, de inſufficiencia noſtræ attritionis cum Sacramento. Verba Pulli, ex quibus id haberi poſſit, habentur in Pullo, Senten. parte 5. cap. 31. ubi ſic ait: *Qui ex ri-*

timore pœnitet, adhuc est servus, quoniam flagra formidat; nondum filius, qui patrem amans sperat hereditatem. Servus autem de habitaculo Sarræ ejicitur, quippe hæres non futurus. Quamobrem quisquis, dum pœnitest, solum timore angitur, nondum per pœnitentiam veniam merebitur. Verùm qui largitur timorem, ut ex timore pœnitendi necessitatem incutiat, is cum pœnitentiâ largietur amorem, ut sit pœnitens verè dignus. Hactenus Pullus,

104. Resp. Robertum Pullum, licet per *amorem* intelligeret castam Dei propter se & super omnia dilectionem, non rectè tamen contra nos adduci, ut patet ex dictis sæpe, & præsertim num. 53. Quia censet hominem non absolvere à culpa, sed in cordis contritione peccatum semper dimitti; absolutionem autem Sacerdotis tantùm designare remissionem, quam antea peperit cordis contritio, ut sic consolatio fiat pœnitenti. Ita docet Pullus parte 6. cap. 61. & duobus præcedentibus: necesse non est verba proferre, cum ea adferat P. Lupus Epistolæ pag. 51. & 53. fateaturque hanc fuisse illius Authoris sententiam. Idem docet de Baptismo, per hunc nempe non dimitti peccata, sed ante remitti per præviam Contritionem in adultis. Vide ejusdem partis cap. 13. & 27.

105. Dixi, licet per *amorem* intelligeret Pullus *amorem benevolentiz erga Deum super omnia*; nam sumplisse *amorem* & *charitatem* in latiore significatione non pauca persuadent. Senten. part. 3. cap. 11. cum dixisset legem veterem esse servitutis & mortis, nostram verò legem libertatis & gratiz, hanc sui dicti adfert rationem; quòd in veteri lege ad Dei cultum attraherentur metu & spe malorum & bonorum temporalium, nos verò spe bonorum permanentium, sive (ut fusiùs explicat cap. 14. pag. 107. col. 2.) timore gehennæ & spe gloriæ cælestis: tum subdit, in nostra lege, *quamvis timor Dei nihil præveniat, at charitas consummat*: nempe latius sumpta etiam pro amore concupiscentiæ seu desiderio gloriæ. Quod magis confirmatur ex iis, quæ præmiserat cap. 8. consummationem, quam hîc charitati, illic tribuens desiderio vitæ æternæ. *Et quidem Religio perfectionis, quæ usque Christianorum est, hujusmodi sordes non recipiens* (id est metum vel spem temporalium, ut constat ex antecedentibus) *alio timore, ejus scilicet, quò potest corpus & animam mittere in gehennam, inchoatur: alio desiderio, ut scilicet videatur Deus Deum in Sion, consummatur.* Denique cap. 10. ejusdem partis, dum quis in arcto constitutus eligit potius respicere omnino felicitatem temporale, quàm Deum offendere; illam vocat charitatem, quæ operis multitudinem peccatorum: Atqui lex Dei (in qua includitur abstinentia ab omni peccato) consideratione æternæ vitæ non tantùm servari potest,

cumque vehemens, & quantascumque lacrymas eliciat, nisi amorem involvat, insufficiens sit, seu non profit ad salutem, quod verissimum est etiam in sententia nostra, & totidem ferè verbis traditur à Tridentino, Sess. 14. cap. 4. asserente, contritionem imperfectam seu attritionem conceptam ex metu gehennæ, aut simili motivo ab amore distincto per se ad salutem peccatorem perducere non posse. Quòd autem S. Salesius ibi tractet de justificatione, quæ obtinetur vi actus à pœnitente elicit, facillè probatur: tum quia in toto illo discursu ne mentionem quidem facit Sacramenti: tum præcipuè ex iis, quæ tradit cap. sequenti, nempe 20. ubi in initio discursum de eadem pœnitentia sic prosequitur: *Elle est ardente, parce qu'elle contient la vertu & propriété de l'amour, comme provenüe d'un motif amoureux, & par cette propriété elle donne la vie de la grace.... en vertu du motif de l'amour d'où elle prend son origine, elle nous reconcilie, & réunit à nostre Dieu.* Et infra pag. 44. sic concludit: *Et pour le dire en un mot, ce commencement d'amour se mêle avec la fin de la repentance, & en ce moment du mélange, la penitence & contrition merite la vie éternelle.* Ubi asserit pœnitentiam, de qua agit, involvere proprietatem amoris, ac vi hujus proprietatis vitam gratiæ tribuere, nosque Deo reconciliare, idque eo ipso momento, quò initium amoris pœnitentiæ immiscetur. Atqui hæc locum tantummodo habent in actu qui se solo justificat: ergo de hoc solo actu seu de contritione perfecta hic tractat.

102. Hic advertat lector, quantum ab hoc Sancto discrepet P. Lupus. Salesius detestationem peccati ex metu gehennæ aut spe præmii cælestis sine amore Dei conceptam statuit speciem pœnitentiæ Christianæ, eamque asserit bonam esse ac laudabilem. E contra P. Lupus dicit esse fucum contritionis seu pœnitentiæ, esse pœnitentiam Judæ, per eam Christianos transire ad Judæos &c. Docet Salesius, eodem momento, quò initium amoris pœnitentiæ accedit, fieri reconciliationem peccatoris, quod omnino negat P. Lupus.

S. 6.

De Roberto Cardinale Pullo, ejusque Scholiaste Hugone Matthoud; & Joanne Morino.

103. P. Lupus pag. 23. præeunte Hugone Matthoud putat Robertum Pullum omnino favere suæ sententiæ, de insufficientia nostræ attritionis cum Sacramento. Verba Pulli, ex quibus id haberi possit, habentur in Pullo, Senten. parte 5. cap. 31. ubi sic ait: *Qui ex ri-*

amore poenitet, adhuc est servus, quoniam flagra formidat; nondum filius, qui patris amans sperat hereditatem. Servus autem de habitaculo Saræ ejicitur, quippe hæres non futurus. Quamobrem quisquis, dum poenitet, solum timore angitur, nondum per poenitentiam veniam mereatur. Verum qui largitur timorem, ut ex timore poenitendi necessitatem incutiat, is cum poenitentiam largiatur amorem, ut sit poenitens venia dignus. Hactenus Pullus.

104. Resp. Robertum Pullum, licet per *amorem* intelligeret castam Dei propter se & super omnia dilectionem, non rectè tamen contra nos adduci, ut patet ex dictis sæpe, & præsertim nro. 53. Quia censet hominem non absolvere à culpa, sed in cordis contritione peccatum semper dimitti; absolutionem autem Sacerdotis tantum designare remissionem, quam antea peperit cordis contritio, ut sic consolatio fiat poenitenti. Ita docet Pullus parte 6. cap. 61. & duobus præcedentibus: necesse non est verba proferre, cum ea adferat P. Lupus Epistolæ pag. 51. & 53. fateaturque hanc fuisse illius Authoris sententiam. Idem docet de Baptismo, per hunc nempe non dimitti peccata, sed ante remitti per præviam Contritionem in adultis. Vide ejusdem partis cap. 13. & 27.

105. Dixi, licet per *amorem* intelligeret Pullus *amorem benevolentie* erga Deum super omnia: nam sumpsisse *amorem* & *charitatem* in latiore significatione non pauca persuadent. Senten. part. 3. cap. 11. cum dixisset legem veterem esse servitutis & mortis, nostram verò legem libertatis & gratiæ, hanc sui dicti adfert rationem; quòd in veteri lege ad Dei cultum attraherentur metu & spe malorum & bonorum temporalium, nos verò spe bonorum permanentium, sive (ut fufius explicat cap. 14. pag. 107. col. 2.) timore gehennæ & spe gloriæ cælestis: tum subdit, in nostra lege, *quamvis timor Dei nihil præveniat, et charitas consummat*: nempe latius sumpta etiam pro amore concupiscentiæ seu desiderio gloriæ. Quod magis confirmatur ex iis, quæ præmiserat cap. 8. consummationem, quam hîc charitati, illic tribuens desiderio vitæ æternæ. *Et quidem Religio perfectionis, quæ usque Christianorum est, hujusmodi sordes non recipiens* (id est metum vel spem temporalium, ut constat ex antecedentibus) *alio timore, ejus scilicet, qui potest corpus & animam mittere in gehennam, inchoatur*: alio desiderio, ut scilicet videatur Deus Deum in Sion, consummat. Deniquè cap. 10. ejusdem partis, dum quis in arcto constitutus eligit potius relpuere omnino felicitatem temporalem, quàm Deum offendere; illam vocat charitatem, quæ operit multitudinem peccatorum: Atqui lex Dei (in qua includitur abstinencia ab omni peccato) consideratione æternæ vitæ non tantum servari potest,

test, sed etiam faciliè, juxta eundem Pullum cap. 9. ibidem: ergo juxta illum, ex hoc motivo despiciere terrena, est charitas.

106. Authori conjungo Scholiam Hugonem Matthoud, qui in observationibus ad Puilum parte 5. c. 31. ita scribit: *Ex his verbis Authoris, & ex aliis ad cap. 13. supra relatis, liquido constat, Attritionem ex solo metu gehenna conceptam (de ea enim sic delineata hic tantum loquimur) ut veram Sacramenti partem, nec voce tenus, nec significato, veteribus & Pullo contaneis Authoribus innouisse: ne merito scripserit Lopez, illius opinionis parentes fuisse Melchiorem Canum, & Henricum quemdam Salmanticensem; qui putant dolorem illum, quo solo metu inferni peccator concutitur, etiam sic cognitum, nec aliis elevatum sufficientem esse dispositionem, ut accedente Sacramento justificantem gratiam consequatur. Sed ut nova hæc opinio, sic periculosa, & tantum Scriptura sacra detrahens, quantum Sacramento concedere putat. Nova quidem; cum certum sit, eam tantum post Tridentinum Concilium emerisse &c.* Hæc objicit P. Lupus pag. 24. 25. 27. in quibus verbis totam suæ dissertationis doctrinam compendio traditam ab Hugone affirmat.

107. Nostrâ quidem parum interest, quod Attritionem nostram, ut insufficientem, rejiciat Hugo Matthoud modernus Author. Si Senonenses in hujus suæ sententiæ patrociniū accersere volebat P. Lupus, poterat non Hugonem tantum, sed & plurimos alios reperisse, qui subscriberent, neque huic tantum sententiæ, sed & plurimis aliis ante paucos annos rursus excitatis: sunt hic & in Galliis non pauci ab annis aliquot, quos omnes sciunt sententiam nostram rejicere; si modernos pro nobis adferre voluerimus, multum superabimus. Licet ergo, ut dixi, parum nostrâ intersit, quid senserit Hugo Matthoud, libet tamen ejusdicta examinare.

Duo quæpiam in ejus verbis habentur nobis aduersa; alterum; quod sententia asserens, cum Sacramento sufficere dolorem ex metu gehennæ, sit nova, & quam certum sit tantum emerisse post Tridentinum. Alterum, quod sit periculosa, seu suspecta de falsitate.

108. Quod ad primum attinet; manifestam falsitatem obtrudit Hugo Matthoud pro certa & indubitata veritate. Ut patet ex iis, quæ diximus supra cap. 3. & tractatu de Attritione cap. 8. s. 4. ubi non paucos adduximus, quæ nostram sententiam ante Tridentinum docuerunt. Præterea, ex eo, quod Pullo & cœtaneis illius fuerit hæc sententia ignota, malè infert Hugo, merito dici primum ejus auctorem fuisse Melchiorem Canum.

109. Quod ad alteram partem attinet; verba Hugonis supra parenthesi inclusa, nempe: *de ea enim sic delineata hic tantum loquimur* dubium mihi

mihî ingerunt, an vel omnino rejiciat nostram, vel omnino faveat sententiæ vestræ. Porro illic Attritionem solum delineat hoc modo, *ex solo metu gehennæ conceptam: Dolorem, quo solo metu inferni peccator concutitur.* Nostra autem attritio habet adjunctum propositum non peccandi in posterum, & spem veniæ; quorum mentionem cum non faciat Hugo, profiteaturque sollicitè, se tantum agere de ea, quam hic delineat; dubium est, an agat de nostra Attritione. Videtur insuper per illam parenthesisin excludere dolorem conceptum ex spe gloriæ cælestis, aliisque motivis à timore gehennæ distinctis. Si enim hæc omnia complectatur, non video quo serviat dicta parenthesis.

110. Cæterum quidquid de eo sit, an rejecerit nostram sententiam, nec ne, nego hunc authorem consentire P. Lupo: censet enim Hugo Marthoud, ad Sacramenta Baptismi & Pœnitentiæ requiri contritionem antonomasticè dictam, seu vi suâ justificantem; sic ut hæc duo Sacramenta non aliam habeant efficaciam, quam gratiam præhabitam augendi. Nam in annotationibus ad Pullum parte 5. cap. 13. volens excusare doctrinam Pulli, requirentis justificationem ante susceptionem Sacramenti, ita loquitur pag. 347. col. 2. *Secundum, quod illas suspensionem eximat ab authore, quodque vix in aliis scriptoribus coactancis adversas, illud est, quod aliquam sanctificantis gratiæ collationem tribuat Sacramento, etiam ab adultis suscepto, dum ad illud verè contriti accedunt. Quâ suppositâ veritate, nihil serè discrepat ab multorum recentiorum placito, qui secundum probabiliorē, & quam tutiorem credimus sententiam, de præmittenda necessariò Contritione ad susceptionem Sacramentorum Baptismi & Pœnitentiæ, sufficientem esse censent eorum efficaciam (quantum ad effectum principalem) si gratiæ sanctificantis augmentum conferant.* Ecce juxta Hugonem illis Sacramentis, quantum ad effectum principalem, qui est gratia sanctificans (ut nempe excludat characterem) tribuitur sufficiens efficacia, si gratiam augere dicantur, prout faciunt reliqua Sacramenta vivorum, ac propterea probabilior & tutior sententia est de præmittenda necessariò Contritione, non autem aliâ, quàm per se justificante seu perfectâ. An & quâ censurâ notanda veniat hæc Hugonis Marthoud sententia, aliis judicandum relinquo. Tantùm adveniat lector, tum, quod tandem deveniant, qui communem & triam Catholicorum viam deserunt; tum, quod rursus hic author malè nobis à P. Lupo opponatur, qui his Sacramentis virtutem adimit primò justificandi, Sacramentâ mortuorum cum Sacramentis vivorum confundens, contra unanimem Catholicorum omnium consensum.

111. Quæro ingerim à P. Lupo, an ipse Hugoni hæc in parte assentiat? si neget, taceri debet hunc authorem æquè sibi, quàm nobis adversari

adversari. Si requirenti Contritionem per se justificantem ad Sacramenti susceptionem, consentiat P. Lupus, huicque sententiæ conjungat mirabilem suam Contritionis per se justificantis descriptionem; quod nempe cum ea stare nequeat levissimus affectus ad rem quampiam creatam, vi cuius in ejus amissione lacrymas aut gemitum funderet; si, inquam, has duas sententias combinet, quid aliud egerit, quàm uno, ut ita dicam, impetu fideles passim omnes in desperationem & gehennam præcipitare.

112. Denique, actum etiam est de Attritione, quam adinvenit P. Lupus, quæ nempe aliquem, non tamen perfectum amorem Dei habeat adiunctum; hæc enim non est Contritio perfecta, seu per se justificans juxta P. Lupum: nam Hugo Matthoud, quem virum doctissimum indigerat P. Lupus, cum multis recentioribus asserit, sententiam requirentem cum Sacramento Contritionem perfectam, seu per se ante Sacramenti susceptionem sanctificantem, esse probabiliorē & tutiorem: hic ergo æquè valebit contra ipsum argumentum, quod contra nos format, quod nempe in susceptione Sacramenti, sub mortali sequenda sit via tuior. Restat ergo, ut deserto suâ de Attritione sententiâ, pronuntiet, mortaliter peccare, qui Sacramentis Baptismi & Pœnitentiæ non præmittunt Contritionem perfectam seu vi suâ justificantem. Videat jam P. Lupus, quos in labyrinthos se induerit, ex quibus nunquam se expediet, nisi deserto Hugone Matthoud in tritam à suis prædecessoribus viam fuerit reversus.

Hugoni subjungo alterum scriptorem modernum Joannem Morinum Congregationis Oratorii in Galliis Presbyterum, Hic Author solum pronuntiat, nondum omnino certum esse & exploratum Attritionem, de qua disputamus, cum Sacramento ad impii justificationem sufficere; in quo æquè vel magis dissentit à P. Lupo, quàm à nobis: quare non est quod huic immoremur.

113. Unum hic præterire non possum; quod nempe Morini verba ita conjungat P. Lupus; ut id, quod de alia sententiâ asserit Morinus, videatur dixisse de ea, quam tractamus. P. Lupus pag. 24. post relata ex Morino verba Ludovici Lopez, quibus sententiam nostram ut probabilem & non parum veritati & Concilio Tridentino consonam defendit, subiungit verba Morini sequentia: *hanc sententiam asserere probabilem, tum illi visum est aliquid insolitum audere.* Hactenus rectè ex libro 8. de Pœnit. cap. 4. num. 2. Pergit ibi P. Lupus; & addit causam, nempe Morinus, cur vilis fuerit Lopez aliquid insolitum audere: tum subiungit verba Morini petita ex ejusdem capituli apud Morinum num. 8. ubi ait:

ait: *hæc quæstio planè nova est, & omnibus Scholasticis ante hoc sæculum incognita* &c. Ecce, juxta P. Lupum, Joannes Morinus ejusdicti, quod Lopez sibi visus fuerit aliquid insoliti ausus, rationem adfert in his verbis: *hæc quæstio planè nova est &c.* quod ut verum esset, necesse foret Morinum in his postremis verbis agere de sententia Ludovici Lopez, quam retulerat nu. 2. falsissimum autem est, Morinum dicti capitis num. 8. agere de sententia Ludovici Lopez, & per consequens, de nostra, ut Morinum legenti non poterit non esse manifestum. Præmiserat Morinus ibidem nu. 7. sententiam quorundam, assentientium, *justificatum semel in Sacramento per Attritionem ex sola formidine pænæ conceptam non teneri amplius ex animo dilectionem Dei elicere*: live eum, quicum Attritione justificatur in Sacramento, liberari præcepto Deum aliquando super omnia amandis: & statim num. 8. dicit, hanc sententiam esse novam; &, ne dubium esse possit de qua loquatur, eandem rursus ibi exprimit: sic enim loquitur num. 8. *hæc quæstio planè nova est, & omnibus Scholasticis ante hoc sæculum incognita, videlicet, an Attritio ex sola formidine pænæ concepta, & Sacramento conjuncta dilectionem Dei suppleat*, ITA UT hoc modo habitualiter justificatus dilectionem illam salutis obtinendæ causâ elicere nullo umquam temporis momento teneatur. Nemo non videt duas hæc quæstiones diversissimas esse, nimirum: *An talis attritio sufficiat ad justificationem cum Sacramento* &, *an per attritionem hanc cum Sacramento justificatus liberetur obligatione hujus præcepti: diliges Dominum Deum tuum &c.* adeo ut totâ vitâ ei satisfacere non teneatur. Qui in prima harum nobiscum affirmativam tenent, passim omnes negant secundam; sicut enim justificatus manet aliis præceptis obligatus; ita & hoc, quod primum est maximumque mandatum, de Deo diligendo: quo etiam obligatur is, qui acceptam in Baptismo justificationem nunquam amisit.

114. Rursus Morinus eodem num. 7. dum ait: *Dilectionem Dei præceptum esse divinum, cui saltem semel, quamdiu vivimus, post peccatum commissum est obtemperandum*; antiqui scholastici omnes ad annum usque 1500. ut Patres præterea, longè copiosius, liberalius, & magnificentiùs de obligatione dilectionis divinæ statuerunt. Hic, inquam, agit contra eos, qui asseriebant justificatum semel cum Attritione ex metu per Sacramentum, nullo umquam tempore obligari ad elicendum actum dilectionis Dei. Hinc P. Lupus pag. 24. relatis proximis Morini verbis pessimè & planè contra authoris mentem subjungit: *affirmat Morinus servilem attritionem, ab istorum nullo fuisse etiam cum Sacramento judicatam obtinendæ justificationi sufficientem*. Cum aliud omnino, ut jam ostendimus, illo loco agat Morinus. Neque dicat P. Lupus, has duas quæstiones esse inter se

ita connexas, ut, qui primam affirmet, non possit secundam negare; id enim numquam probabit; non sequi, constat ex dictis. Credideram hunc authorem P. Lupo magis familiarem, quam ut sic ab illius mente aberraret.

§. 7.

An Adversariis faveat Petrus à Soto, Catechismus Romanus, Didacus Stella.

115. **V**enio ad Petrum à Soto, ex quo tria nobis P. Lupus objicit pag. 14. testimonia. 1. in sua assertione fidei Catholicæ pag. 34. col. 2. ad hæc confessionis Wirtenbergenfis verba: *Contritionem vocamus sensum divinæ iræ, seu dolorem aut pavorem animi ex agnitione magnitudinis peccatorum & gravis iræ Dei ortum.* Ita in Catholicis scholiis scribit Soto. Adde & verâ Dei dilectione ipsum super omnia bona asstimante; sine hac verò de qua dictum est; dimissa sunt ei peccata multa, quia dilexisti multum; contritio non vera est.

2. Ibidem ad hæc hæreticorum verba. *Contritionem Lex Dei in homine excitare solet;* Soto pag. 35. lit. A. hanc ponit correctionem. Imò reverâ sola gratia concedere. primò non intelligunt Catholicam doctrinam de Contritione, quam nos intelligimus veram illam conversionem cordis à peccato, quam petiti sibi dari à Deo, qui dicit: *converte me Domine &c.* Ipsi verò contritionem vel certe dolorem huic conjunctum, humanum quoddam opus, virium scilicet humanarum putantes, primò indigere sentiunt de illa, quæ tam predicata est & tam necessaria; deinde magni assertores gratiæ non debere gratiam querere; tunc cum maxime necessaria est, peccatori scilicet cupienti remissionem obtinere peccatis.

3. Sententiam Catholicam ita proponit Soto pag. 37. *Contritionem vocat Catholica Ecclesia perfectum animi dolorem de peccato voluntatis illi, quâ peccare libuit, oppositum, frangentemque duritiam illam cordis, quâ peccantes divina precepta & bonitati resistimus.* Dolor quidem peccatis imperfectus est ex quantitate aut qualitate fide procedens, & quantâvisque lacrymas & sensum doloris habeat, quo usque ex Dei charitate.... dilectioneque illius super omnia bona & amabilia procedat &c.

116. Resp. Primò, quòd hæreticos, asserentes, Contritionem esse opus humanarum virium & non ex gratia, redarguat Soto, non est ad rem: quis enim Catholicorum negat, requiri poenitentiam, quæ sit ex gratiâ? Attritionem autem ex metu gehennæ esse supernaturalem ostendimus in tract. de Attritione cap. 7. & consentiunt omnes, excepto cum paucissimis aliis P. Lupo.

117. Ref.

117. Resp. Secundò, Petrum à Soto hìc agere de Contritione perfectà, seu quæ sine cōfōrtio actualis Sacramenti justificat. Cōstat id ex plurimis, quæ dicto loco habet Soto : ac 1. quidem pag. 36. lit. H. ait. *Sed, quod nunc etiam dicendum est, perfecta illa Contritio, qualis descripta est.* Ergo in præcedentibus, unde primum & secundum testimonium desumpsit contra nos P. Lupus, descripsit Contritionem perfectà. Secundò pag. 37. post tertium, quod nobis objicitur, testimonium, subjungit Soto : *hæc Contritio semper, & ante legem & sub lege & revelata gratis tempore ad remissionem peccati lethalis necessaria est adultis.* Agit igitur de remedio universali, quo quovis tempore etiam in lege veteri peccata remittuntur; hoc autem non est aliud quàm Contritio perfectà, seu per se justificans. Tertid ibidem infra asserit, hanc Contritionem, cum talis AC TAM PERFECTA FVERIT, esse dispositionem ad justificationem, additque; *sine qua nunquam, & per quam semper peccatum mortale remittitur.* Atqui Contritio, per quam semper peccatum mortale remittitur, non est nisi Contritio perfectà & per se justificans. Quod ibidem dicit, sine hac contritione nunquam dimitti peccatum, intelligi potest, nunquam id fieri per se & vi actus, licet fiat accedente Sacramento. Si hæc explicatio displiceat, per me licet, ut illud, *sine qua nunquam*, intelligas planè universaliter; hinc enim tantùm sequetur, quòd Soto eandem illam Contritionem requirat accedente Sacramento, quæ semper, adeoque sine Sacramento actuali justificet, quæque requirebatur in veteri lege. Et sic intellectum Sotum perperam nobis objicies, ut patet ex dictis supra num. 53. & sæpissime hoc capite. Quartò denique, dum in eodem tertio testimonio dicit Contritionem ab Ecclesia vocari *perfectum dolorem*; aliàm verò dolorem, qui nondum procedit ex amore Dei vocat imperfectum, idem sentire videtur, quod cum Tridentino passim docent Catholici nempe dolorem, qui elicitur ex amore, esse dolorem seu Contritionem perfectam; eum verò qui ex metu gehennæ aut spe gloriæ, vel simili alio inferiore motivo procedit, esse dolorem seu Contritionem imperfectam. Atque hinc patet P. Lupum pag. 15. post relata Petri à Soto testimonia, nullo fundamento sic concludere : *Istud ipsum, quod ego in Dissertatione dixi, asserit esse Catholicam vetus Ecclesiæ confessionem.*

118. Ex Catechismo Romano duo in rem præsentem P. Lupus pag. 22. adfert testimonia; tertium, quod ibi subjungit, cum aliò spectet, infra tractabimus. Primum peritum est ex part. 2. cap. 5. num. 7. ubi sic habet. *Credere enim oportet ... præterea motus timoris consequitur, & suppliciorum acerbitate propostâ animus à peccatis revocatur....* huc deinde accedit

spes impetrandæ à Deo misericordiæ, quæ erecti vitam & mores emendare consiliumus. Postremò charitate corda nostra accenduntur, ex qua liberalis ille timor probis & ingenuis filiis dignus oritur; atque ita unum illud veritatis, ne qua in re Dei Majestatem ledamus, peccandi consuetudinem omnino deſerimus: hisce igitur quasi gradibus ad hanc præstantissimam pœnitentiæ virtutem pervenitur. Alterum testimonium petitur ex ejusdem cap. num. 24. quod sic proponit P. Lupus: Essentialem Contritioni dolorem affirmat (Catechismus) illum, quo non ex incurſo gehennarum reatu, sed EX AMISSA DEI GRATIA ET INNOCENTIA, quod palam est castæ dilectionis, AFFICIMVR.

119. Resp. primum testimonium perperam adferri; neque enim illic quidquam dicitur quod à nobis non admittatur, nempe per illos gradus perveniri ad hanc præstantissimam pœnitentiæ virtutem. Imò si velit P. Lupus, addam libenter unum adhuc gradum; nempe, quodd postremò non tantum simpliciter charitate, sed ardentissimâ quâpiam & perfectissimâ corda nostra accendantur, ita ut jam terrena omnia despicat anima, & uni Deo firmissimè adhæreat; nemo tamen dixerit me per hoc à ratione veræ pœnitentiæ excludere amorem minùs perfectum; ergo similiter, quodd Catechismus gradus pœnitentiæ enumerans postremo loco tradat eam, quæ ex amore est, seu timore filiis digno, per hoc non negat, quin dolor ex timore sit pœnitentiæ sufficiens cum Sacramento: hoc enim speciale est in duabus pœnitentiæ speciebus, imperfectâ scilicet ac perfectâ; quodd imperfecta, licet verè pœnitentiâ sit, via tamen simul sit ad perfectam, & quidam quasi gradus ad illam. Unde, dum Catechismus docere voluit, quibus veluti gradibus ad pœnitentiæ virtutem ascendatur, non tantum potuit, sed debuit (etiam supposito, quodd nostram sententiam apertè tradat) eâ, quâ fecit ratione, in enumerandis gradibus procedere.

120. Alterum testimonium ex num. 24. minùs adhuc ad propositum facere patebit, si tantum ipsa verba Catechistini ob oculos ponantur; hujus numeri titulus hic est, *Quare peccati deſectatio vulgò à Theologis Contritio appellatur?* Et subditur in responsione: *nullus alius dolor, vel ex parentum & filiorum obitu, vel cujusvis alterius calamitatis causâ susceptus, hoc nomine appellatur: sed illius tantum doloris proprium est nomen, quo ex amissa Dei gratia atque innocentia afficimur.* Hoc loco Catechismus solummodo asserit nomen Contritionis non attribui dolori suscepto ob ereptos parentes, filios, bona temporalia &c. sed soli dolori de peccatis: an autem dolor ille proveniat ex motivo amoris Dei, an ex alio, ne verbum quidem facit: quomodo ergo hoc loco invenit P. Lupus, quodd contritioni essentialis sit casta Dei dilectio? nam dolere de amissa gratia

gratia justificante, quæ jus ad gloriam tribuit, uti & de innocentia amissa, tam spectat, in id magis ad amorem concupiscentiæ, quam ad amorem amicitiae.

121. Porro licet Catechismus Romanus aperte diceret (quod tamen non facit) ad veram Contritionem necessarium requiri amorem amicitiae in Deum super omnia, nihil juvaret causam adversariorum; cum ipsemet author Catechismi postea dicat, se agere de ea Contritione, quæ vi suâ justificat. Nam num. 30. querens, *quæ sit propria Contritionis vis & virtus* hunc ejus effectum assignat. *Quia etiam statim ut eam mentibus nostris concepimus, peccatorum remissionem nobis à Deo tribui alio loco ejusdem Prophetæ verba declarant &c.* Hoc autem non competit, nisi Contritioni vi suâ, & independentem à Sacramenti susceptione actuali justificanti. Et rursus paulo infra ait: *Ex quo licet cognoscere veram Contritionis, de qua supra dictum est, eam vim esse, ut illius beneficio omnium delictorum veniam statim à Domino impetremus.* Ubi notandum, quod Contritionem, quam vocare solemus, & ipse alibi vocat perfectam, hæc vocet veram. Præterea num. 26, qualis se quantus esse debeat dolor in perfecta Contritione inclusus, demonstrat ex eo, quod *perfecta Contritio sit charitatis actio, quæ ab eo timore, qui filiorum est, proficitur.* Quo loco manifestè agit de contritione per se justificante, quam cum Synodo Tridentina *perfectam* appellat: & de hac agi fateretur P. Lupus. Ex quo ulterius infero Authorem Catechismi cum Tridentino agnovisse aliam Contritionem, quæ non esset charitatis actio; aliàs enim ineptissimè probaret dolorem, qui in perfecta Contritione includitur, esse vehementissimum, ex eo, quod *perfecta Contritio sit charitatis actio*; si omnia Contritionem, etiam imperfectam, credidisset esse charitatis actionem. Et hoc arbitror sensu subjungit num. sequenti: *si id minus consequi possimus, ut perfecta sit* (id est, ut num. præc. dixit, ut sit charitatis actio) *vera tamen & efficax contritio esse possit.*

122. Postremum pro se adfert Didacum Stellam qui in cap. 6. Lucæ pag. 168. ita loquitur: *Si tantum dolorem & penitentium tuorum peccatorum habueris, & illorum causâ toi lacrymas fuderis, quæ sunt guttæ aquæ in mari, si hanc penitentiam & dolorem habueris solum, vel præcipue cavens, ne in infernum eas, certissime scias te hæc solâ ratione damnandum fore: nam in peccato duo considerare debes: alterum offensam, quam adversus Dominum tuum commisitisti; alterum vero malum, quod tibi ipsi comparasti, quia te ipsum ad æternam penam obligasti: si igitur te peccati tui poenitet propter inferni cruciatus, quænam quædam Deum offenderis, manifestum est te potius id cavere & fugere, quod contra te est; quam id quod est adversus Deum: unaque sit ut te ipsum plus quam Deum diligas;*

Idoque

Ideoque nunquam peccatum tibi remittetur, quantumvis gravissimum dolorem habeas, nisi te poenitueris Deum offendisse: hunc dolorem vocant Scholastici Attritionem, quæ filia est amoris proprii, in Contritio filia est amoris divini. Hactenus Didacus Stella; & ex illo P. Lupus.

123. Resp. Licet hic author præ omnibus hæctenus recensitis videri cupiam primâ fronte possit nobis adversari, nullo modo tamen favere P. Lupo. Nam cum nullam mentionem hoc loco faciat Author Sacramenti Poenitentiae, unde, quæso, probabunt Adversarii, quod hic non agat de contritione per se & sine actuali Sacramento justificante? ad quam, quin amor requiratur, nec disputamus, nec dubitamus. Imò quod de Contritione hoc sensu agat, positivè suaderi possit ex verbis ultimis, quibus ait, dolorem ex metu, secluso Dei amore, vocari à Scholasticis Attritionem; Contritionem verò esse dolorem ex amore Dei: ego dum dico dolorem de peccatis debere esse ex amore Dei, intelligit de Contritione, prout hæc ab Attritione distinguitur, & huic tanquam altera species opponitur: hanc autem debere esse ex amore fateamur constantissimè. Unde ulteriùs patet, licet Author in verbis relatis expressè ageret de dolore requisito unâ cum susceptione Sacramenti, nihilominus perperam nobis illum opponi; nam solum sequeretur, quod cum Sacramento Poenitentiae exigat Contritionem, prout hæc Attritioni opponitur: hoc autem æquè Adversariorum placitis, quàm nobis repugnat. Non parum etiam repugnat P. Lupo, dum Attritionem dicit apud Scholasticos vocari dolorem, qui sit ex amore proprio, illum verò, qui ex amore Dei, Contritionem; ubi è contra Adversarii negant sufficere ad Contritionem specificè sumptam, quod dolor sit ex amore Dei; sed volunt hunc amorem Dei debere inesse etiam Attritioni, aliàs fore Contritionis fucum. Censet etiam contra Adversarios hic Author in cap. 3. Lucæ, Poenitentiam ex timore servili procedentem revocare peccatores ab inordinato amore creaturarum, per timorem illos cohiberi ab illecebris, & voluptatibus &c. Denique Didacus loco citato non dicit, debere esse amorem Dei super omnia, quem tamen requirit Lupus.

124. Concludo hoc Caput satis prolixum, sperans fore, ut quilibet satis hinc perspectam habeat, quàm inefficacia & nulla sint ea testimonia hæctenus examinata, quæ pro se adfert totâ Epistolâ P. Lupus; cum proinde immerito illis relatis subdere pag. 70. *innumera adduci possint ejusmodi testimonia: verim quibus hæc testimonia non succederint, nec si quis ad prædicandam veritatem à mortuis surrexerit, credens.* Nam, licet fatear similia his, quæ hæctenus attulit ad rem inter nos contra istam minime facientia testimonia

testimonia produci posse plurima, non requiro tamen miracula, sed firmas rationes & liquidas auctoritates, quæ id assint, quod affirmat P. Lupus, aut id rejiciant, quod nos tenemus. Quænam autem ad hoc necessaria omnino sint, exposui supra §. 1. quæ si observare voluer, videbit sibi deesse, quos sibi consentientes, nobisque adversantes merito proferre queat.

CAPUT VI.

Quomodo P. Lupus duos primos articulos diluat.

E Pistolæ familiaris capite 5. conatur P. Lupus aliquot articulos, seu accusationis (sic enim vocat) capita expurgare. Quid in hac re præsterit, hoc & sequentibus capitibus examinabimus.

125. Ac primò quidem pag. 27. *Primum*, inquit P. Lupus, *accusationis caput est, quod voce ATTRITIO abutar adversus communem intellectum, affirmans, ut vera sit, debere esse germanam Dei & quidem affectu saltem super omnia dilectionem.*

Rectissimè id notatum fuit, plurimi enim refert, receptas usu vocum significationes agnoscere, ac retinere; ex his enim pendet definitionum in Synodis intellectus, quæ facillimè eludentur, si unicuique licitum sit, quam voluerit, vocibus subicere notionem. Ostendì eam vocem in sensu nostro constantissimè usurpatam post Tridentinum, etiam ab hujus Universitatis Scriptoribus; adduxi multos ante Tridentini tempora eandem agnoscetes vocis *Attritio* nomenclaturam.

126. Quid ad hæc P. Lupus? statim convitio excipit illos, qui dicunt Attritionem ex metu sufficere cum Sacramento, eos vocans *hodieos Laxones*. Verùm id hoc loco non agitur, an sufficiat nec ne, sed omnino diversa, nempe de vocis significato quaestio est. Idem, quod nos, per Attritionem intelligunt Gabriel, Estius, & novissimè Joannes Morinus lib. 8. de Pœnit. cap. 4. num. 4. Licet quoad ejus cum Sacramento sufficientiam non perinde nobis assentiantur. Tum rursus aliò digreditur P. Lupus, nempe ad firmandam mirabilem illam suam & novam Contritionis definitionem. Ego ab uno in aliud vagantem non insequar, sed ea quæ sparsim, & sine ordine adfert, suis locis refutabo.

127. Tandem pag. 29. in medio, cum attulisset varias species charitatis, ut natam, nutritam, adultam, robustam, & totidem ex his

enascens de peccatis dolores, subiungit: *Et has species seu classes, quod in distorto seu durato per peccata corde non quasvis, sed grossiores dumtaxat affixivas cupiditates frangant, posterior atque vocavit Attritionem.* Quod probat ex D. Thoma in Supplemento q. 1. art. 1. ubi ait hoc interesse inter fractionem & comminutionem seu contritionem; quod frangi dicatur, quod in magnas partes dividitur; cominui verò, seu conteri id, quod in partes minimas reducitur.

128. Verum nihil hic D. Thomas dicit de cupiditatibus affixivis, nihil de casta Dei super omnia dilectione, nihil denique de Attritione, prout Contritioni opponitur, de qua hic quaestio. Imò vel ex hoc solo D. Thomae articulo efficaciter rejicitur illa à P. Lupo excogitata Attritionis descriptio. Nam D. Thomas ibidem dicit dolorem, qui ad remissionem peccati requiritur, per similitudinem ad contritionem in materialibus vocari Contritionem; ergo censet per dolorem seu Contritionem cordis requisitam ad justificationem, fieri comminutionem in partes minimas, unde non agnoscit divisionem P. Lupi in partes grossiores. Porro quid intelligat per comminutionem in partes minimas repertam in cordis Contritione, ibidem explicat D. Thomas, nempe, quia ad dimissionem peccati requiritur, quod affectum peccati homo dimittat. Tum pergit: ideo actus ille, quo peccatum dimittitur, Contritio dicitur per similitudinem. Ergo juxta D. Thomam, qui affectum peccati dimittit, jam non tantum in partes grossiores frangitur, sed conteritur, seu in partes minimas per similitudinem reducitur. Atqui qui habet Attritionem ex metu gehennae, qualem nos requirimus, dimittit affectum peccati, ut manifestum est; ergo juxta D. Thomam non in partes grossiores, sed in minimas reducitur, & per similitudinem à rebus materialibus desumptam conteritur. Nihil ergo pro excogitata sua Attritionis descriptione subsidii habet in D. Thoma, quem unicum in illius patronum asceverat.

Ut autem P. Lupus praeferat, quod in titulo praemisera, ostendere debuerat, quod minimè facit, significationem vocis, Attritio, quam nos tradimus, non fuisse circa & post Tridentini tempora usitatissimam. Hinc enim petendum est, quid per Attritionem intellexerit S. Synodus.

129. Alteram accusationem adducit P. Lupus pag. 30. his verbis: *Insignem accusationem continent haec praefati Clerici verba (Haec est Attritio de qua hic disputatio instituitur, in qua reperiuntur jam dicta, non interveniente perfecta charitatis, seu Dei propter se dilecti motivo)* Quid in his meis verbis contineatur accusationis non video: dicto cap. 2. explicueram, quid apud
 Auctores

Authores passim intelligatur per vocem, Attritio, nempe dolor de peccatis cum proposito, ex metu gehennæ, accedente spe veniæ: addens de Attritione in hoc sensu à me disputationem institui.

At, inquires, dicitur, *perfecta charitatis*: perfectam autem charitatem minimè requiri ad Attritionem cum Sacramento sufficientem, constanter docent illi, contra quos disputo.

130. Quam frivola sit hæc oppositio, primo intuitu videbit, qui, quæ dicto loco scripsi, vel obiter legerit. Ubi ne locus esset cavillationi, explicationis & claritatis loco subjunxi, *Sen Dei propter se dilecti motivo*. Causam item, cur amorem amicitiae erga Deum vocarim charitatem perfectam, ibidem exposui, nempe ad distinctionem ab amore concupiscentiae, quem charitatem Dei, & quidem super omnia, aliqui vocandum censent, quos illic produxi, & rursus aliquos supra num: 64. Lubuit ergo P. Lupo in re clara & manifesta, ad æquivocationem recurrere.

131. Eiusdem formæ est quod subjicit ibidem P. Lupus: ubi adfert hæc mea verba: P. Lupus *scietur Davidem, Magdalenam, aliosque non videri habuisse actum vera Contritionis*. Ad quæ, quasi falsum ac gravissimum crimen ipsi impigissem, exclamat P. Lupus: *Non dixi unquam, & spero Deo me custodiente, numquam dicere. Qui quod simile quid dixerit, anathema sit. Inter veram & perfectam, uti charitatem, ita & Contritionem est grande intervallum. Quin Regim Propheta ac Magdalena ex vera charitate poeniterint, solus negare possis antiquorum Sanctorum & veteris legis blasphemus osor Marcion aut Manes*.

132. Sed quorsum, quæso, hæc exclamationes & anathematismi? accusationem fingis, ut aërem serias; neque hoc, licet dissimules, ignorare potuisti, si legeris, quæ scripsi. Monui initio cap. 12. me in illius decursu sumere Contritionem antonomasticè, & prout Attritioni opponitur, ac sine Sacramento actuali justificat: & rursus num. 300. unde memorata verba desumpsit P. Lupus; rursus dico, me agere de Contritione hoc sensu: quam ibidem ostendo à P. Lupo statui talem, ut passim impossibilis sit; tunc addo; Porro cum satis intelligat hic Author talem actum passim esse quasi impossibilem, scietur Davidem, Magdalenam, aliosque non videri habuisse actum vera Contritionis. Subjungo denique P. Lupum spem facere, ut etiam modo aliqui cum sola Attritione salventur. Quæ omnia evidenter ostendunt, me, cum Lovaniensium Catechismo & Authoribus passim, sumpsisse Contritionem, pro actu se solo justificante, quæque ab Attritione tamquam opposita species distinguitur. Signum est nihil solidi habuisse, quod in me carperet, quando tales tibi opponit accusationes.

133. Eodem s. repetit P. Lupus, quod D. Petrus, quando cum Christo in carcerem ire spondit, habuerit charitatem, sed parvam ac invalidam. Verum hoc planè extra rem est: qualis ejus charitas fuerit, non egi; hoc dixi, ex eo, quòd S. Petrus ad vocem ancillæ negarit, colligere P. Lupum, quòd non habuerit amorem se solo justificantem: id ex illo rectè sequi, rursus inficior; aliàs enim, qui Contritionem per se justificantem à se semel elicitam certò sciret, certus quoque esset, numquam se in posterum peccaturum mortaliter, adeoque & certus de salute; si enim postea peccaret, jam antecederet, juxta P. Lupum, non habuisset talem contritionem, siue actum effectivè efficacem. Quod punctum in sua epistola ne verbo quidem attingit. Mihi tamen persuadere non possum, nec audeo, consequens illud à P. Lupo admitti.

Hinc pater malam ibidem esse hanc P. Lupi collectionem: *Hinc mea verba, per timorem solum citra charitatem de peccatis concepta Contritio est Contritionis fucus, recta sunt & vera.* Quomodo enim id sequitur ex eo, quòd charitas D. Petri fuerit parva & invalida?

C A P U T VII.

An timor nequeat cohibere peccata interna.

134. **T**ertiam accusationem proponit pag. 31. his verbis: *Aliud accusationis punctum est, quòd dicam, latentem in corde cupiditatem servili gehennarum metu fruari duntaxat, & compelli à peccatis externis, non sanari & evanuari.* Hæc opinio, inquit bonus Clericus, paradoxa est. Hactenus P. Lupus: hinc me appellans bonum Clericum, quem pag. 8. vocarat Clericum nescio quem; fortè interea majorem nactus est notitiam.

Quæ clarè à me dicta fuerant, obscuris verbis involvere conatur. Cap. 3. tract. de Attritione ostendi evidentè, quòd metus gehennæ æquè possit retrahere à peccatis internis, quàm ab externis, & oppositam opinionem meritiò vocavi paradoxam. Deinde ibidem cap. 5. ostendi dari posse timorem gehennæ, qui omne prorsus mortale actuale quantumvis internum positivè excludat: congesti plurimorum Patrum, & in his S. Augustini, testimonia pro hac veritate lumine naturæ notissima; dissolvi, quæ ex ratione opponebantur; explicavi loca Augustini, quibus suam sententiam stabilire conantur Adversarii; annotavi testimonia perperam à P. Lupo adducta.

135. Quid ipse ad hæc? ad rationes à me adductas ne verbum quidem

quidem facit, tantum abest ut eas vel in minino vacillare ostendat, quod quia non potuit, maluit dissimulare, & in verbis quibusdam æquivocationes committere, ut videretur aliquid saltem carpsisse: explicationes testimoniorum S. Augustini ex ipso Augustino petitas reliquit intactas. Quare nullo modo exsequitur, quod in titulo proponit: *Diluitur tertia assensio*: restat ergo, ut ejus opinio sit verè paradoxa, & quidem æquè, quàm si quis fingeret amoris Dei semper conjunctum esse affectum malum, secretum tamen, & ad quem intellectus non reflectat, prout ipse statuit esse actum timori necessariò connexum, de quo cap. seq.

At inquit P. Lupus epist. pag. 34. *Addo hanc propositionem (servilis gehennarum metus compescit & auferit sola peccata externa) esse mali commatis, nec unquam à me assertam.* Necesse est hinc memorià lapsum esse P. Lupum; nam in sua dissertat. pag. 69. ait: *quod gehennarum metus solam malum & alia membra compescat.* Idem tradit pag. 77. & alibi. At alio loco, inquit, dixi etiam cohibere executionis imperium, seu pravi operis efficax decretum, Resp. nec id à me fuisse dissimulatum, uti videre potuit in tractatu de Attritione num. 25. & 60. quibus locis ex cohibitione inefficacis decreti à P. Lupo admissa argumentum desumpsit: unde non habet, quod hinc justè cueratur.

136. Pergit P. Lupus tum hinc, tum alibi, sparsim, ut solet, novis testimoniis firmare paradoxam illam opinionem, quod metus gehennæ cohibere nequeat à peccatis internis, sed à solis externis, & horum efficacibus imperiis. Porro licet videri quis possit abuti lectoris patientiâ, dum testimonia profert, aut refutat, quæ contra veritatem manifestissimam adferuntur, dabit tamen, spero, lector mihi veniam, si ea quæ profert P. Lupus, breviter examinem, ut appareat quàm inselliciter Authores pro se congerat, & perperam adducat.

Ac 1. quidem pag. 31. dicit se patenter sensisse cum Hugone à S. Victore, cujus ex Miscellaneorum 1. lib. 4. tit. 71. pag. 131. hæc ibidem profert verba. *Triformis est odor vite. Non delinquere, quod agit timor servilis. Nolle delinquere, quod operatur timor filialis. Non posse delinquere, quod confert gloria perennis. Primi sunt servi, secundi filii, tertii beati.*

137. Resp. Hæc malè sine dubio, & mente Hugonis non examinata à P. Lupo opponi, alias non objicienda: Hugo enim P. Lupo adeo adversatur quàm qui maximè: neque id potuerat ignorare, si, ut debebat, examinasset, quid per timorem servilem intellexerit Hugo.

Certum est, Hugonem à S. Victore per timorem servilem intelligere solum illum, quo timetur pœna ab hominibus inferenda; patet

ex libro 4. Allegor. in Lucam pag. 164. verba ejus retulimus supra num. 55. servilem autem timorem hoc sensu acceptum solum cohibere ab opere malo externo evidentissimum est: ut ostendimus tract. de Attritione cap. 3. & tradit Hugo loco citato his verbis: *servilis timor poenam, quæ ab hominibus inferitur, metuit, & ideo ei sufficit cessare à malo opere.* Unde, qui hoc timore agitur, si insuper absteineat à pravis desideriis inefficacibus, id non vi hujus timoris facit, sed alia ex causa.

138. Timorem verò gehennæ vocat Hugo timorem initialem; expressa ejus verba habes supra num. 55. De hujus autem timoris efficacia, quàm contrarius sit P. Lupo, verba Hugonis ex lib. 4. Allegor. loco citato manifestum facient: ubi sic loquitur: *Initialis verò timor, quia eam, quam Deus comminatur poenam, declinare satagit: nequaquam sibi sufficere videt, ut ab illicita se operatione contineat: quia ei qui cor intrinsecus, non est satis ad probationem, si innocens fueris actio, nisi etiam ipsa cordis cogitatio ante ejus oculos sincera & impolluta appareat.* Præmiserat autem hunc timorem cum perverso opere etiam pravas cogitationes refecare. Et rursus lib. 1. Miscell. tit. 108. pag. 60. *Ecce praeambulos Dei, spiritum, commotionem, & ignem. Non venit Dominus ad te, nisi prius isti veniant. Spiritus est terror iudicii æterni, qui si in cor peccatoris impigerit, & montes superbia dejicit, & petras duritiae dissolvit.* Eundem sensum sine dubio habent quæ tradit Hugo eodem lib. tit. 118. *Cum ad delectationem præcipitem impellit desiderium culpa, cohibet à delectatione timentem providentia poenæ. In hoc enim quod cernis, quod post culpam poena sequitur, siue in correctione, siue damnatione; refranatur à culpa siue in opere, siue in delectatione. Timor ergo frantum, ipse timor, cohibet & stringit effluentem animum, & sistit ad tolerantiam, ostendens facilius MALAM CONSCIENTIAM vincere, quàm malam conscientiam tolerare, & eligit durum, ut durius evadat. Eadem illic pulchrè deducit de desiderio vitæ æternæ, ejusque vi ad impedienda peccata, & adversa alacriter toleranda. Quæ verba quibus oculis legerit P. Lupus, assequi nequeo, dum ea tamquam sibi faventia profert Epistolæ pag. 34.*

139. Ex his patet malè rursus P. Lupum pag. 50. interpretari Hugonis verba petita ex quæstionibus in Epist. ad Rom. ubi cum Hugo in fine quæstionis 194. rursus definitivè timorem servilem, qui prohibet manum à malo opere, reseruat malè voluntates; quæ juxta Hugonem supra, est definitio timoris, quo timeretur poena humana, non autem quo metuitur gehenna; subjicit Hugo, *de quo queri potest &c.* Ubi contra claræ Authoris mentem hanc parenthesin interfecit P. Lupus: *de quo (VTIQUE SERVILI GEHENNARVM METV) queri potest &c.* Ex his concludo Hugonem manifestè à nobis stare, cujus viri autoritas quantà fuerit

ta fuerit apud hujus AcaDEMIAE Doctores, colligitur ex Adriano, Quodlibeto 1. fol. 9. litt. H.

140. Secundò pag. 23. profert verba Roberti Pulli ex par. 5. cap. 31. *Pœnitentiam plerumque parit timor in illo, qui timet ardere, non peccare. Vir certè malus, quoniam vir bonus plus horret culpam quàm gehennam. Ille prœvidens pœnam, reprimat culpam; si impunè liceret, repressam exerceret. Nec potest bonus esse, quisquis illicita vellet, si auderet. Quodam enim modo id voluntas affectat, quidquid solum ex necessitate recusat. Nam, quod coactus facis, id te facere verum est, id te velle falsum est. Qui ergo ex timore pœnitet &c. Quæ supra retulimus num. 103.*

Respondet primò; verba intermedia, quæ omittit P. Lupus, dubium faciunt, de cujus pœnæ timore hic agat Pullus, an à Deo, an ab hominibus intentatæ. Nam post illa verba, *id te velle falsum est*; pergit Pullus: *voluntas nimirum universam supergressa violentiam jus propriæ libertatis intactum defendens, servitutem corporis grassatoris opponit injuriis.* Si enim de timore gehennæ, quam supra nominarat, toto hoc loco agit, non video, quid ad rem faciat servitus corporis & injuria grassatoris.

141. Resp. secundò; Pullum agere de eo, qui, licet timeat ardere, parvipendit tamen peccatum, seu habet hunc voluntatis actum; peccarem, si possem impunè: qui sine dubio vii malus est. Non dicit autem omnem illum, qui timet, sic debere esse affectum: præsertim cum, ut vidimus supra num. 105. asserat consideratione æternæ gloriæ, iter ad illam fieri leve & suave. Illud autem iter est observantia mandatorum & abstinencia à peccato. Denique parte 3. cap. 11. de timore gehennæ ita pronuntiat: *Timor ex Deo dictus est profusse. Sed quis timor? utique non ille, quem Dominus prohibet dicens; NOLITE TIMERE EOS QVI OC- CIDVNT CORPVS. Num ergo ille, quem subdit dicens? ILLVM AVTEM TIMETE, QVI CORPVS ET ANIMAM POTEST MITTERE IN GEHENNAM. Qui procul dubio doctum spiritus est; unde illud; INITIVM SAPIENTIÆ TIMOR DOMINI: & illud: REPLEBIT EVM SPIRITVS TIMORIS DOMINI. Hæc certè dici nequeunt de hoc actu, peccarem nisi timerem infernum, ergo censet Pullus non omnem gehennæ timorem esse talem.*

142. Rursus tertio pag. 35, opponit P. Lupus Petrum Pictaviensem parte 3. cap. 18. ita loquentem: *Servilis timor facit hominem cessare à peccato, sed non ab omni peccato. Esi enim cesset hic per timorem servilem à malo opere, non tamen à mala voluntate, quæ mortale peccatum est. Voluntatem enim habet peccandi, sed cessat tantum propter pœnam.*

Resp. antequam hinc concludatur, contrarium nobis esse Petrum Pictaviensem

Pictaviensem, ostendi deberet, quòd per timorem servilem idem intel-
ligat, quod nos: si enim intelligat vel timorem poenæ, quæ metuitur
ab homine, vel timorem quidem gehennæ; sed inefficacem, seu cui
conjuncta sit hæc voluntas, mallem peccare nisi esset infernus, ne in
minimo quidem nobis adversetur. Miror autem P. Lupum tum in
Dissert. sua, tum in Epistola familiari adeo sæpe pro se adducere Pe-
trum Pictaviensem, quasi alicujus momenti sit ejus autoritas, cum
tamen ipse pag. 55. adductis hujus Authoris verbis, quibus asserit, Con-
fessionem non esse nisi *Sacramentum veteris testamenti: non esse opus Dei,*
sed hominis: nec habere aliquam vim nisi ex charitate; tum, inquam, de Petro
Pictaviensi subjungat ibidem P. Lupus: *Circa prima Christianæ fidei fun-*
damenta primi illi Scholastici fuerunt adeo sædè hallucinati. Unde licet hic Au-
thor sensisset timorem gehennæ non posse excludere omnem peccandi
voluntatem, sed necessariò annexam habere concupiscentiam pecca-
minosam; quis non videt, eodem modo responderi posse, adeo sædè
hallucinatum in re tum ex ipso naturæ lumine, tum ex Patrum ac
Doctorum & Fidelium consensu manifestà?

143. Quartò: Repetit sæpe decantatum D. Augustini unum alte-
rumve testimonium, ad quæ centies jam à diversis responsum est.
Quid hoc est aliud, quàm eadem semper obtrudendo, videri velle
semper bellare?

Denique pag. 32. exhibet locum Driedonis, quem adduxi in tracta-
tu de Attritione cap. 11. §. 6. ostendique pro me facere. Ab utra parte
stet Driedo, judicabit, qui illum sine assutis à P. Lupo explicationi-
bus legerit.

CAPUT VIII.

*Consequentias ex sua doctrina eductas firmat
potius, quàm refutat P. Lupus.*

TRia ex principiis P. Lupi necessariò consequentia deduxi in
Tractatu de Attritione cap. 4. §. 1.

Primum est, quòd, qui mortaliter peccavit ante Baptismum,
numquam baptizatum verò qui peccavit, non nisi in rarissimo calu
posse justificari sine novo peccato mortali.

Alterum, quòd peccator eliciens Attritionem fiat hypocrita in sen-
su à Luthero asserto.

Tertium,

Tertium, quod constitutur magis peccator. Hæc, & præcipue primum, à se asserta dici, ægrè fert P. Lupus, vultque, ut præfert titulus, à se amoliri; quod tantum abest ut faciat, ut etiam ea magis confirmet,

§. I.

Primum confectaneum.

44. **H**oc proponit P. Lupus Epistolæ Famil. pag. 35. ubi ait affirmasse me, ex ipsius doctrinâ legitimè sequi, quòd is, qui ante Baptismum mortaliter deliquit, numquam possit justificationem obtinere, nisi novum peccatum mortale committat: baptizatus verò, si peccet mortaliter, non nisi in rarissimo casu justificari possit, nisi novo mortali admissio.... Egregia profectò est scelèrum pœnitentia, quæ non nisi cum novo scelere peragi potest. Sic est, hæc dixi. Quid ad illa P. Lupus? Ejusmodi, inquit, pœnitentiam esse monstruosam, & ipse profiteor. At ejus assertionem mihi imponi, est majus monstrum. Non dixi id ab illo assertum, sed ex ejus doctrina consequens esse; utque tergiversationi locus non sit, pono hic ordine propositiones ab ipso assertas, quibus admittis non potest illud non sequi.

145. Prima propositio: Timori servili annexa est servilitas, neque hæc ab illo separari potest, nisi per veram Dei super omnia dilectionem seu charitatem.

Secunda propositio: Servilitas illa est latens & secreta cupiditas.

Tertia propositio: Hæc latens seu secreta cupiditas est peccatum mortale.

Quarta: Omnis vera pœnitentia nondum baptizati semper debet inchoari à timore servili, qui postmodum per succedentem in ejus locum charitatem expellatur. Pœnitentia verò baptizati ab illo timore inchoari debet regulariter.

Ex his legitimè sequitur ergo non baptizatus numquam, baptizatus verò rarissimè justificari potest sine novo mortali: nemo rectè illationis gnarus negaverit. Quare dico cum S. Augustino lib. 2. contra Lit. Petilianî cap. 48. Si ista, quæ ex illis deducitur, sententia vobis displicet, quoniam revera omnibus displicere debet, illa tollite unde nascitur, illa corrigite unde rebgatur: illa enim non præcedant, & ista non sequitur.

Porro P. Lupus in Epistola sua Familiari non tantum nullam ex enumeratis propositionibus, in Dissertatione Dogmat. assertis, retractat, sed è contrario omnes magis confirmat, & dilucidius explicat.

146. Ac circa primam quidem propositionem querit P. Lupus

Epistolæ pag. 45. ubi illam docuerit : *Dictam*, inquit, *servilitatem esse actum servili gehennarum meui NECESSARIO CONIUNCTVM*, ego ubi dixi? Id tradidisti non uno loco, nempe necessariò conjunctam illam esse meui servili, si desit charitas : ita loqueris in tua Dissertatione pag. 83. Porro voluntatem seu servilitatem illam excludi non posse, nisi per veram, affectu saltem super omnia, charitatem, etiam supra demonstratum est. Idem tradis pag. 69. in fine & alibi. Exprimis id luculentius in Familiari tua Epistola pag. 40. ubi de timente gehennam, citra charitatem, pronuntias, quòd seipsum supra Deum diligat per timori adhuc annexam, & A SOLA DEI CHARITATE SEPARANDAM servilitatem. Imò tamquam punctum fidei id venditas ibid. pag. 36. Quòd ab hoste hoc (id est malà cupiditate) non nisi per diffusam à Spiritu Sancto æternalem charitatem liberentur corda nostra, est unum ex immobilibus fidei Christianæ fundamentis.

147. Propositionem secundam, quòd nempe illa servilitas, sit latens cupiditas, sive actus à voluntate elicitus, tradit constanter P. Lupus in sua Dissertatione pag. 61. 62. 71. & passim alibi, eam vocans fœdum animum, quo quis vult & optat &c. quo concupiscit latenter, à quo constituitur osor justitiæ & ipsius Dei, qui sit affectus distortus &c. Et ne dubio ulli possit esse relictus locus, clarissimè mentem suam expressit P. Lupus in Epistola Familiari pag. 32. in fine & 33. ubi asserit, per pravam cupiditatem intra cordis claustra latentem, & per odium justitiæ punientis, nullo pacto intelligi, relictum ex priore patiente voluntate virium, maculam, aut reatum, sed cum Augustino stabilem distorta mentis AFFECTVM ac præparationem à scholasticis jam pridem ceptam vocari voluntatem virtutalem, quam esse VERVM, sed secretum, quia ab intellectus super ipsum reflexione separatam, VOLUNTATIS MOTVM, ideoque per ipsum, dum pravus est, hominem continuari, ac permanere ACTVM PECCATOREM ex Augustino possit lucidè ostendi, & res ipsa clamat. Habemus ergo P. Lupum apertè fatentem, quòd servilitas seu latens cupiditas timori necessariò conjuncta, non sit habitus ex peccato relictus, nec macula, aut reatus peccati ante commissis; sed quòd sit verus voluntatis motus, seu actus à voluntate elicitus, sed secretus adeò, ut intellectus illum non advertat.

148. Tertiam propositionem; quòd latens illa cupiditas sit peccatum mortale, tradit in terminis P. Lupus in Dissertationis indice, verbo *Cupiditas*, & in textu pag. 72. ubi cum dixisset, ab ista latente cupiditate constitui hominem justitiæ osorem ac inimicum, subdit: *Qui fratrem suum odit, & ablatum velis, homicida est, reusque peccati mortalis: quanto magis tantius suprema ac incommutabilis justitiæ, id est ipsius divine Majestatis adversarius*

adversarius & hostis. Ubi vides hanc servilitatem timori necessariò conjunctam, seu latentem illam cupiditatem, esse peccatum mortale, etiam ipso homicidio gravius juxta P. Lupum. Vide eundem pag. 61. & 71. &c. & rursus in Epistola Famil. pag. 35. *Per charitatem non sanata servilitas proprium commodum diligit, ut finem ultimum; quod quis dubitet esse MORTALE PECCATUM?* Item pag. 64. generaliter asserit, omnem timore actum & agentem perseverare in mortaliter prava voluntate.

Quarta propositio ab eodem traditur in Dissertatione, præcipuè capite ultimo, & in Epistola Famil. pag. 13.

149. Ex his igitur à P. Lupo assertis sic formo argumentum: Omnis timor (dum abest charitas Dei propter se super omnia dilecti) habet necessariò sibi annexam servilitatem, seu latentem cupiditatem, quæ mortale peccatum est: atqui poenitentia non baptizati, semper; baptizati verò, regulariter debet inchoari à timore, qui sit ante introductam charitatem, quandoquidem timor à charitate expelli debeat: Ergo poenitentia nondum baptizati, numquam; baptizati verò, non nisi rarissimè esse potest sine novo peccato mortali. Quam consequentiam à me ex illius Dissertatione deductam, manifestiorem reddidit per ea quæ in Epistola Familiari scripsit: tantum abest, ut me in hoc puncto accusatoris partes egisse ostendat, aut accusationem (si ita vocanda est) diluat, quod tamen promittit in titulo.

150. At, inquit P. Lupo Epistolæ suæ pag. 35. *Aliud est, quempiam ad incussum gehennarum metum, & ex ipso solo de peccato formatum dolorem in peccati illius prioris cupiditate persistere, aliud per ejusmodi dolorem & metum committi novum peccatum.* Primum dixi &c.

Ecce hinc P. Lupo, dum vult videri refutare, admittit quæ dixi omnia: neque enim in verbis, quæ supra ex me retulit, asserui, illud mortale, quod in justificatione impii necessariò intervenit, committi per ejusmodi dolorem & metum: sed simpliciter intuli, juxta P. Lupum justificari non posse peccatorem, nisi novum admittat mortale. Quod à se dictum fatetur P. Lupo, & ex ipsis verbis proximè relatis convinci potest.

151. Admittit enim peccatorem ad incussum gehennæ metum, & ex ipso solo formatum de peccato dolorem in peccati illius prioris cupiditate persistere. Quæro, cujus peccati, aut potiùs cujus objecti cupiditate? sine dubio illius, circa quod antea peccando gratià excidit (neque enim arbitror dicturum, quòd, qui v.g. furto aut rapinà peccavit, debeat ad incussum gehennæ metum velle fornicari aut mentiri &c.) ergo est cupiditas objecti sub mortali prohibiti, & per consequens & ipsa peccatum mor-

tales est. Ergo peccator, quando ex puro metu gehennæ peccatum detestatur, peccat mortaliter circa illud idem objectum, circa quod prius peccaverat. Atqui poenitentia nondum baptizati, semper; baptizati verò, regulariter inchoari debet à tali timore, quem postmodum succedens charitas (quæ juxta P. Lupum est poenitentia proximè sufficiens) expellat: ergo non baptizati poenitentia, numquam; baptizati verò, non nisi rarissimè, obtineri potest sine novo mortali. An ergo cuiquam videbor immeritò dixisse: egregia enim verò hæc est scelerum poenitentia, quæ nonnisi cum novo scelere peragi potest? An aliquid P. Lupo imposuisse?

152. Dicit fortasse P. Lupus per hoc tamen nondum haberi, quòd justificatio obtineri nequeat sine novo mortali, sed tantum quòd peccator, dum timorem elicit (qui necessariò prævius est ad justificationem) maneat in priori ista voluntate peccaminosa, quæ proinde non sit novum peccatum, sed idem illud, quod ante commissum fuerat, & hucusque sine interruptione continuatum. Hunc sensum præferre videntur hæc illius verba: *in peccati istius prioris cupiditate* persistere: quod etiam indicat, dum sæpissime repetit, à latente hac cupiditate cor non liberari, nisi per actuale Dei propter se super omnia dilectionem.

153. Si hæc est mens P. Lupi, prout esse satis manifestè apparet, novum hæc habemus, & magis stupendum paradoxum: quòd nimirum is, qui in peccatum mortale lapsus est, illud ipsum continet, donec postea justificationem assequatur, vel saltem ad eam impetrandam seipsum disponat per amorem Dei propter se & super omnia dilectionem. Per consequens, quòd, qui semel turpiter concupivit non suam, & non nisi post mentes elicit amorem Dei propter se super omnia, toto tempore intermedio persistat actualiter in mortali concupiscentia illius objecti. Quòd, qui die cinerum mortaliter peccat comestione carnum, & poenitentiam differt usque ad Pascha, toto Quadragesimæ tempore mortaliter delinquit concupiscentiæ cibi prohibiti, & sic de reliquis. Hæc quàm aliena sint non tantum à Theologorum, sed & omnium fidelium sensu, & quàm gratis omnino excogitata, nemo non videt. Sanè si vera hæc essent, Confessarius illius, qui confitetur v.g. turpem concupiscentiam, numquam deberet interrogare, quoties concupierit, sed tantum quamdiu post illam concupiscentiam distulerit, Deum amore amicitiz super omnia amare. Inutilis etiam redderetur questio de multiplicitate numerica peccatorum per actus interruptionem, nisi is interruptatur amore Dei super omnia: præsertim cum, juxta P. Lupum, frænata & laxata, seu latens & patens cupiditas sint ferè ejusdem forditatis & noxæ.

154. Concludo : Peccator , qui ex solo gehennæ timore cum spe veniæ peccata detestatur , juxta P. Lupum necessariò habet adjunctam cupiditatem mortaliter malam : vel igitur , toto tempore inter peccatum & timorem intermedio , eodem modo mortaliter concupiscebat ; vel primùm cum timore interruptam priùs concupiscentiam resumit . Si posterius dicas , sequitur novum à peccatore committi peccatum , dum seriò poenitentiam inchoat , videlicet à timore , à quo , in principiis P. Lupi , poenitentiam non baptizati , semper ; baptizati verò , ordinariè necesse est inchoari . Quòd si dixeris , toto tempore intermedio inter commissum peccatum & elicitam sufficientem poenitentiam , necessariò persistere peccatorem in concupiscentia objecti , circa quod ante peccavit , quæ perseveret etiam tunc , quando ex timore gehennæ peccatum detestatur , veniam à Deo poscens & sperans : si , inquam , hoc dixeris , quamvis falsum sit , licet tamen verum esse admitteretur , nondum tamen enervaretur id , quod dixi de peccato novo ; quia physicè & quoad rem ipsam loquendo , æquè peccat & quidem de novo , qui hoc instanti liberè concupiscit objectum sub mortali prohibitum , sive illud ipsum concupierit inmediate ante , sive non . Sic , qui immediate ante concupivit conjugatam , si jam concupiscat non conjugatam , committit peccatum novum ; ergo etiam si pergat in concupiscentia illius conjugatæ . Quidquid interim sit de eo , an in ordine ad confessionem instituendam , quando intervenit continuatio ejuldem peccati , censendum sit peccatum unicum an multiplex .

155. At , inquit P. Lupus Epistolæ pag. 33. *Nonne professi usurarii , meretrices , latrones , licet actus de professione non cogitent , ob paratam tamen in prava opera mentem , sordent in continua voluntate sumendi , sortandi , rapiendi ea mentis habitudo non est aliud , quàm voluntatis ab intellectus supra ipsum reflexione spoliatus motus : latet & quasi dormis , idcirco à quibusdam exstimatur non esse actus .* Quæ res P. Lupo est adeo manifesta , ut addat : *Res ipsa clamat .*

156. Verùm non facilè tibi erudent alii , voluntatem actu ferri in objectum , de quo intellectus ne cogitat quidem . Verùm cur dicis illos non cogitare actu ? poteras enim eadem operà & verosimilitudinis specie dixisse , usurarium nullo non momento cogitare de usuris , & meretricem de actibus libidinosus ; & , ne quoad hoc convincereris , addere poteras , quòd sit actus intellectus latens , ad quem illorum nemo reflectat , hoc enim dicendo coactus non fuisses statuere actum voluntatis circa objectum incognitum . Verùm si quis eodem , id est , nullo fundamento astruat , charitati quantumvis perfectæ individuatam

comitem adhærere actualement ad prava concupiscentiam, quâ, quæso, ratione illum oppugnabis? Neque enim in experientia subsidium reperies; dicit enim esse actum adeo secretum ac latentem, ut nullus humanus intellectus quantumvis perspicax super illum possit reflectere. Si dixeris amorem Dei ratione tui necessarium excludere omne peccatum, adeoque & illam concupiscentiam mortaliter malam; id si neget, non aliâ ratione probabis, quàm quæ simul id convineat de timore gehennæ, de quo agitur. Si denique responderis, gratis & pro libitu fingi talem concupiscentiam eum charitate stantem, idem reponet de concupiscentia persistente cum metu gehennæ. Similiter si quis dieat, eum, qui à peccato præterito jam iustificatus est, eo ipso quo actum charitatis iustificativum intermittit, rursus recidere in pristinam illam actualement concupiscentiam; quid, quæso, illi oppones? Denique quid repones? si aliquis asserere voluerit, eum, qui mortale in quopiam genere, v.g. furti admiserit, non tantum in concupiscentia rei alienæ persistere, donec per penitentiam respiciat, sed & omnia omnino objecta sub mortali prohibita concupiscere, sed per actus secretos adeo & latentes, ut intellectus non reflectat. Ecce quibus assertionibus concupiscentia illa latens & secreta æquè patrocinari possit, quantum tu. Hæc autem omnia uno velut ictu rescantur, dum dicitur gratis & omnino malè astrui adesse illos actus, quorum nec experientia, nec ratio ulla firma præbet indicium: imò quos non adesse solidissima ratio manifestat.

157. Recurres, fat scio, ad Augustinum; eodem enim loco addis, id ex laudato Augustino posse lucidè ostendi. Verum nullum ex illo hætenus testimonium protulisti, in quo dicat Augustinus, hominem, qui peccavit, toto tempore, donec amorem Dei propter se super omnia eliciat, idem peccatum actu continuare, aut timorem gehennæ efficacem non excludere omne omnino peccatum. E contra pro mea sententia protuli ex S. Augustino, aliisque Patribus clarissima testimonia, & objecta dissolvi: irrefragabili ratione convici, timorem gehennæ excludere posse quodcumque peccatum internum. Profecto nulli sunt S. Augustino, ejusque apud alios auctoritati iniquiores, quàm qui conantur, illum facere manifestis, ac lumine naturæ notis veritatibus repugnantem, dum possunt earundem veritatum majori fundamento facere patronum. Quod si D. Augustinus, quod minimè fecit, tecum sensisset, uterer verbis ipsius Augustini, quibus responderet Juliano, sui erroris patronum Chrysostomum appellanti, sic Chrysostomum alloquens: *Si quod ipse sentis* (videlicet Julianus) *te sentire clarifies, nunquam*
ac unum,

te unum, pace tua dixerim, tot & talibus in ea causa præferre possemus.

158. Verùm & ad Apostolum Joannem provocat P. Lupus, quasi hic tradidisset, peccatorem donec Deum amet amore amicitia super omnia, assidue persistere in prava circa idem objectum voluntate: *Dixi id*, inquit, *fietus auctoritate S. Joannis Apostoli*: QVI NON DILIGIT, MANET IN prava sua cupiditatis, natique ex ipsa reatus MORTE. Quàm perperam adducatur hoc testimonium, patet ex dictis supra cap. 4. §. 1. Ubi ostendimus hoc loco agi de charitate fraterna. Deinde, cui umquam Theologorum aut interpretum incidit, hic à S. Joanne asseri, quòd, qui peccavit, persistat actualiter in eodem peccato, donec amorem Dei super omnia eliciat? Quo igitur Authore, aut fundamento hanc interjicit parenthesin, in prava cupiditatis morte, id est, in concupiscentia actuali? Denique si libebat aliquid interponere de tuo, pari fundamento poteras dixisse, manet in morte omnis prava cupiditatis, sic ut quovis momento circa objecta omnia prohibita actualiter peccet, donec amorem Dei eliciat. Poteras dixisse, quòd, qui venialiter peccavit, toto tempore illud continuet, donec Deum super omnia amet &c.

§, 2.

Secundum & tertium conseltaneum.

Quinta, inquit P. Lupus pag. 36. accusatio est: *Ex eadem doctrina sequitur, peccatorem, dum Attritionem elicit, fieri hypocritam hoc sensu, quòd exterius à peccato abstineat, latente interius peccaminosa voluntate, adeoque quòd exterius facit, non faciat ex animo & sincero corde..... quòd constituatur hypocrita eo sensu, quòd id passim asserit Lutherus.*

159. Ad quæ sic respondet ibidem P. Lupus: *Duo hic convolvuntur. Primum est, quòd facta per solum servilem metum bona opera sint, non Christiana ex divina infusionis dono, sed judaica ex lege justitia: alterum, quòd talis justitia sit semper hypocrisis, faciatque hypocritam. Addit autem infra non esse hypocrisim, quia non est justitia hyltrionatus & simulandi studium.*

Responsio hæc nullo modo tangit punctum, de quo hic sermo est; neque in illatione à me facta involvitur duplex ille sensus, quem, ut aliquid dicat, hic comminiscitur P. Lupus. Nam, an talis Attritio sit Christiana justitia an judaica, hoc loco non tractamus: neque etiam assertum hic à nobis est, quòd talis dolor faciat hypocritam hoc sensu, quòd interveniat justitia hyltrionatus & simulandi studium, sive sic, ut ab externo opere abstineatur animo alios fallendi, objecta exteriore justitiâ.

justitiâ. Addidi quo sensu faciat hypocritam, hoc videlicet, quod exterius à peccato abstineat, latente interius peccaminosa voluntate, adeoque quod exterius faciat, non faciat ex animo & sincero corde: id est, ut ibidem dixi, eo sensu faciat hypocritam, quo id passim asseruit Lutherus. Quæ consequentia ex propositionibus superiori s. relatis & stabilitis, adeo est manifesta, ut eam negare ausus non fuerit P. Lupus; contentus asseruisse, quod non sit justitiæ histrionatus & simulandi studium, quæ ad hypocritism requiri censet: de quo quidquid sit, mea non interest, sufficit esse hypocritam eo sensu, quo id asserui, & quo, sarente P. Lupo in Dissert. Dogmatica pag. 81. hypocritism etiam Augustinus aliique intellexerunt, & quo sensu se hypocritism sumere, passim inculcat Lutherus.

160. Quod addit P. Lupus ibidem, in hoc nec damnatum esse, nec damnari potuisse Lutherum; confidenter asserit, quod non probat. Constat damnatum Lutherum in eo, quod diceret dolorem ex metu gehennæ elicuit facere hominem hypocritam: illud autem, facere hypocritam, explicuit Lutherus eo sensu, quod nempe exterius à peccato abstineat, latente interim in animo prava cupiditate, ut ex ejus verbis relatis in priorè tractatu num. 32. constat. Unde ergo probat P. Lupus, quod in hoc damnatus non sit, imò nec damnari potuerit?

Ex his ulterius manifestum sit, rectè intulisse me; ergo juxta P. Lupum rectè & Catholicè quoad hoc sensit Lutherus, nec fuit censuræ obnoxius. Inferendum fuerat, inquit P. Lupus, ergo pravè sensit Lutherus, fuitque censuræ obnoxius. Verùm, licet libenter admittam, pravè illum sensisse, id tamen ex præmissis ibi positis inferre non potui, nec repugnat aliquid, quod revera falsum est & pravum, suppositâ tamen quorundam principiorum veritate verum rectumque esse.

161. Sextam exponit accusationem in his à me dictis verbis contentam: Ex iisdem principiis sequitur, quod, qui asseritur constituatur magis peccator; addis enim veteribus peccatum novum, quod est simpliciter & propriè constitui magis peccatorem: & in hoc sensu passim loquitur Lutherus, dum dicit, fieri magis peccatorem. Verùm in quo peccat hæc sequela?

Hanc accusationem sic diluit; Non constituitur magis peccator per Attritionem ex metu gehennæ seu per servilem metum, licet sub tali Attritione adhuc peccetur, seu perseveretur in priori mala voluntate, & post acceptum servilis timoris spiritum homo perseveret peccator, & osor justitiæ, non per ipsum timorem, sed per timore isto non evacuata latentem peccandi voluntatem. Quia tamen à peccatis externis, & ab ipsorum patrandorum efficacibus imperiis libe-

liberatur per eundem timorem, nequaquam major, sed longè minor per ipsum fit, & constituitur peccator. Ita P. Lupus pag. 37.

162. Resp. hoc rursus est extra chorum saltare; nam, an ipse timor peccatum sit, alibi egi, & id infra refutare conatur P. Lupus, sed nullo successu, ut ibi videbimus. Hoc loco non dixi aliud, quàm quòd is, qui atteritur, constituatur magis peccator, undecumque demum id proveniat. Quod cum ita esse fateatur P. Lupus, supervacaneum esset pluribus id prosequi: Id egi in tractatu de Attritione, nec quidquam eorum, quæ illic à me dicta sunt, ab Adversario refutatur; aut convellitur. Neque (ut ibidem ostendi) quòd homo per timorem absterneatur à peccatis externis, impedit, quominus is, qui timet gehennam, constitutur magis peccator, accedente nimirum ad priora novo illo peccato interno. Et ipse Lutherus, dum asseruit, timentem gehennas constitui magis peccatorem, recurrit ad latentem illam cupiditatem, fallus nihilominus per timorem cohiberi homines à peccatis externis.

163. Neque aliam producit solutionem P. Lupus ad eam, quam vocat accusationem septimam pag. 38. Protuleram in tract: de Attritione num. 62. verba S. Augustini; quòd per timorem contineat se homo à peccato, & rejecto Lutheri in dictum testimonium inepto additamento; *coninet se à peccato, sicut externo*; addideram, si sic intelligeret Augustinus, quomodo adderet per timorem fieri consuetudinem iustitiæ, cum fiat consuetudo peccandi in sententia P. Lupi: & rursus infra dixeram, juxta illum timor servilis augeat & roborat consuetudinem malorum operum in corde.

164. Ad hæc exclamat P. Lupus: *Servilis Attritio, si non nisi ejusmodi accusationum artibus possit fulciri, palam est eradicanda plantatio, quæ non est à Patre.* Quid autem hic sibi imponi queratur, indicarat paulò ante, ubi ait: *Respondeo, aliud est internorum peccatorum consuetudinem per servilem gehennarum metum fieri, augeri, roborari; aliud ipsam cum & sub tali timore perseverare.* Et rursus infra asserit, se nec cogitasse, quòd peccata interna, ipsorumque consuetudo per ipsum timorem fiat, augeatur, roboretur. Ecce rursus totam solutionem, quòd id non fiat *per timorem*. Cæterum non negat, quin consuetudo peccandi augeatur & roboretur, dum quis ex timore gehennæ peccata sua detestatur; modo non dicatur id fieri per timorem: Ad quod

Resp. 1. neque in prioribus verbis ex me relatis dictum est, quòd ea consuetudo fiat *per timorem*, ut patebit ea legenti.

Resp. 2. rectissime dictum esse, augeri consuetudinem peccandi non tantum ratione adjunctæ pravi cupiditatis, sed etiam per ipsum timo-

rem : cum etiam asserat P. Lupus, timorem charitate destitutum esse mortaliter malum , ut ostendi in tract. de Attritione cap. 6, n. 108. & rursus clariùs ostendam infra cap. decimo.

C A P U T IX.

An Attritioni ex metu intrinsicum & essentiale sit, nasci ex amore sui-ipsius.

E Pistolæ Familiaris pag. 39. & sequentibus fusè discurrit P. Lupus de bonitate timoris servilis, sæpius repetens, quòd sit bonus officio & substantià, ut nempe multitudine verborum ejus sententia maneat involuta.

165. Tum pag. 40. ita loquitur : *Errorè continent hæc accūsatoris verba (nasci ex amore sui-ipsius essentiale est alicui, de quo disputamus) utique servili gehennarum metui. Hæc item verba (ei ex suis intrinsicis convenit, quòd pro motivo habeat amorem sui, & non Dei propter se dilecti.)*

Quid hæc mea verba erroris contineant, demonstratum oportuit, neque enim lector intelligens credet id nudè affirmanti.

Actus, de quo disputamus, est detestatio peccati ex motivo metus: sic ut in hoc motivo voluntas ultimè sistat, nec progrediatur ulterius ad nobilissimum motivum Dei propter se dilecti. Tali actui ex intrinsicis & specifica sua ratione competere, quòd nascatur ex amore sui, nemo dubitaverit; quin id fatentur Adversarii, identidem nobis obijcientes, quòd ille actus sit amor sui-ipsius, quòd per illum homo seipsum amet & non Deum &c. Actus nostri speciem sortiuntur ab horum alterutro, nempe vel ab objectis præsertim formalibus, vel ex diverso in illa tendendi modo. Si speciem sumunt ab objectis formalibus, erit utique id illis intrinsicum & essentiale: neque enim quidquam adeo intrinsicum est actibus nostris vitalibus, quàm tendere, vel non tendere in hoc aut illud objectum formale. Cum ergo actus, de quo agitur, pro motivo formali ultimato & adæquato habeat seipsum & bonum suum; nasci ex amore sui-ipsius, non potest non esse intrinsicum & essentiale illi actui, & specificè distinctivum ab actu, qui pro motivo formali ultimato haberet bonitatem Dei propter se dilectam. Unde sicut nulla potentia efficere potest, ut actus, qui tendit ultimè in Deum, idem manens in Deum non tendat; ita actus, qui in amore sui conquiescit, non potest idem manens in Dei bonitatem; tamquam motivum ultimum, tendere.

166. Mirum proinde est, quod ait P. Lupus pag. 40. *eundem numero timoris actum modo posse in proprio timentis commodo habere & filii, modò referri in Deum, ut finem principalem. Quòd natales mutare, & modo ex IMPVRO, quo semetipsum in semetipso, modo ex casto, quo seipsum in Deo diligit homo; nasci possit successivè etiam numero eadem timoris substantia. Quam doctrinam ait tradi à D. Thoma art. subsequenti, id est, 2. 2. quæst. 19. art. 6..*

167. Verùm hoc longè magis mirum est, quòd pro hac sua sententia adferat dictam D. Thomæ quæstionem, cum ibi art. 5. omnia contraria diserte doceat. Titulus art. 5. est: *Utrum timor servilis sit IDEM IN SUBSTANTIA cum timore filiali?* In cuius quæstionis resolutione ita loquitur S. Doctor. *Cum timor servilis poena refugiat malum, filialis verò culpam, necessario specie distinguuntur filialis ac servilis timor. Tum pergit in corpore: Respondendo dicendum, quòd proprium objectum timoris est malum: & quia actus & habitus distinguuntur secundum objecta, necesse est, quòd secundum diversitatem malorum, & timores specie differant. Differt autem specie malum poena, quod refugit timor servilis, & malum culpa, quod refugit timor filialis. Unde MANIFESTVM EST, QVOD TIMOR SERVILIS ET FILIALIS NON SINT IDEM SECVNDVM SUBSTANTIAM, SED DIFFERVNT SPECIE. Et ad primum argumentum in contrarium, quod erat huiusmodi: Ita videtur se habere timor filialis ad servilem, sicut fides formata ad informem; quorum unum est cum peccato mortali, aliud verò non. Sed eadem secundum substantiam est fides formata & informis: ergo & idem est secundum substantiam timor servilis & filialis. Ad hoc, inquam, argumentum sic respondet D. Thomas: *Ad primum dicendum, quòd fides formata & informis non differunt secundum OBJECTVM: sed differunt solum per aliquid EXTRINSECVM, scilicet secundum præsentiam & absentiam charitatis: & ideo non differunt secundum substantiam; & ideo non est similis ratio. Ergo juxta D. Thomam idcirco fides formata & informis non differunt in substantia, quia tantum differunt penes aliquid extrinsecum, nempe præsentiam vel absentiam gratiæ sanctificantis; non est autem similis ratio de timore servili & filiali, quia nimirum hi timores differunt per aliquid intrinsecum, nempe secundum objectum, à quo actus specificatur; sciretur igitur timori servili intrinsecum & essenziale seu specificum esse, quòd feratur in tale suum objectum, sive, quòd sit amor sui. Non magis autem potest idem numero actus vitalis modò esse huius speciei, modò alterius, quàm possit idem numero actus esse modò amor Dei, modò odium eiusdem. Neque D. Thomas eju'dem quæst. artic. 4. aut 6. vel verbum facit, quòd idem numero actus possit esse modò timor servilis, modò filialis.**

168. Quod autem art. 6. in corpore, ait, timorem servilem secundum suam substantiam manere posse cum charitate: nullo modo per hoc indicat, posse eundem numero timoris actum modò esse servilem, modò filialem (quod expressè negaverat art. præcedenti) sed tantum quòd timor pœnæ in genere consideratus, id est, ratione unitus è speciebus sub genere timoris comprehensus, possit stare cum charitate, cum qua servilis timor specificè consideratus nequeat consistere: prout ipsemet hoc loco sese explicat, & nos ex professo tractabimus infra. Eodem modo dum art. 4. ait accidere timori, quòd bonum, cui contrariatur pœnia, timeatur tamquam finis ultimus, vel quòd ordinetur ad Deum, non vult eundem numero actum modò posse esse servilem, modò filialem; sed tantum quòd timori abstractim seu genericè considerato accadat esse servilem vel filialem; quia nempe censet dari posse timorem pœnæ etiam absque charitate, qui tamen servilis non sit, ut fusiùs dicitur infra. Sic dici potest animali accidere, quòd sit rationale vel irrationale, adeoque homo vel brutum; & hoc indicat D. Thomas eodem art. 4. ad 3. dicens: *Timor servilis secundum suam substantiam non importat nisi timorem pœnæ; sive timeatur, ut principale malum; sive non timeatur, ut principale malum.*

Ea, quæ P. Lupus hic adfert ex Hugone à S. Victore, refutata sunt supra, ubi mentem illius pluribus exhibuimus: quæ verò ibidem ex Augustino producit, spectant ad caput sequens.

C A P U T X.

*An servilem gehennarum metum dampnaverit
peccati P. Lupus.*

169. **Q**ueritur P. Lupus in Epistola Familiari pag. 44. quòd per fas & nefas voluerim, servilem gehennæ metum ab ipso fuisse peccati damnatum: hoc autem ut ostendat per nefas factum, recurrit ad consuetam illam Jansenii, & frivolum distinctionem; quòd nempe sit vitium timentis; non autem ipsius timoris; quam distinctionem, quia à pluribus solidè convicta est, hic non refuto; contentus breviter ostendere, justissimè à me fuisse dictum quòd timorem gehennæ, conceptumquæ ex illo motivo peccati dolorem, ipse malum ac peccaminosum pronuntiarit, nisi simul adsit charitas Dei propter se.

170. Actus de cuius bonitate ac malitia inter nos disputamus, est is, quo propter spem gloriæ cælestis, aut ex metu gehennæ homo peccata detestatur, sic ut desiderium gloriæ, aut poenæ timor, sit illius detestationis motivum formale ultimum & adæquatum, qui actus sistit in amore sui-ipsius. De tali actu pronuntiat P. Lupus in sua Dissertatione pag. 20. IMPVRISSIMAM AVARITIAM ET CONCVPISCENTIAM esse istiusmodi dilectionem..... Si propter illa, quæ præstat, Deus amatur, non utique gratis amatur, quia jam illud, propter quod diligitur, ei, quod DICTV quoque NEFAS est, amiserit. Et pag. 71. Gehenna metus ex proprio sui-ipsius amore nascitur, adeoque qui ob illam solum, & non Christum Dominum, à gravi peccato abstinet, non solummodo plus illam timet, sed & se-ipsam supra Dominum diligit, quod est etiam COGITATV HORRENDVM. Denique pag. 68. de timore ait: Oritur non ex casto Dei, sed ex mercenario amore sui-ipsius, quo homo sibi bene vult esse, non solum in hac vita, sed etiam in futura: porro sui-ipsius amorem, quo homo non in Deo, sed in seipso seipsum diligit, esse FONTEM IMPVRVM, & OMNIS DISTORTI AFFECTVS PRIMAM RADICEM, est unum è fundamentis doctrine Catholice & Augustinæ. Atqui actui, de quo disputamus, formalissimè competit esse amorem sui subiecti; id enim fatemur tam nos, quàm adversarii; ergo ille actus secundum se formaliter, & seclusà etiam illà internâ concupiscentiâ, quam necessariò timori annexam vult adversarius, est turpissima avaritia; & concupiscentia, est dictu nefas & cogitatu horrendum, habet motivum, seu fontem impurum & omnis distorti affectus radicem. Hæc autem omnia dici non possunt, nisi de actu malo & quidem graviter, neque poterat clarioribus verbis illius malitiam exprimere; quare malè queritur, id sibi per nefas imponi.

171. Et, quod mirum magis est, in ipsa Epistola Familiari, longè clariùs mentem suam exponit de illius actus malitia; sic enim loquitur pag. 43. circa finem. *Suam Attritionem Accusator vult ex casta Dei dilectione non procedere.* Ita est, sic sentio cum Tridentino & Doctoribus passim omnibus. Hinc infert ibidem P. Lupus; ergo juxta incommissa S. Augustini dogmata, PECCATVR in tali Attritione, & cum suo, ex quo oritur, proprio hominis in semetipso amore in unum conflata opus est OMNINO PECCATVM. Attritio autem ex timore gehennæ, est actus ortus ex amore sui, & ex illo tamquam motivo formali, adeoque præcipuo objecto conflatus, ergo juxta illum talis actus est omnino peccatum. Ecce manifestè peccati damnat actum, quo quis detestatur peccata commissæ, & proponit in posterum non peccare, idque ex motivo, vel gloriæ adipiscendæ, vel evadendi gehennam; sic ut in illo motivo sistatur, nec progressus fiat ad motivum Dei propter se dilecti. Profr. Quid debuerat P. Lupus vel non

conquestus fuisse, id sibi imponi, vel id retractare, aut ostendere, procul esse à suo sensu, & non illud ipsum clariùs admittere. Pergit ibidem hanc doctrinam magis inculcare: *Ex laudatâ, inquit, illius & frequenter per eundem Augustinum inculcatâ Apostoli regulâ; quidquid non est ex fide, quâ non tantum Deo, sed & in Deum credimus* (id est juxta P. Lupum, quidquid non est ex motivo amoris Dei propter se super omnia dilecti) **PECCATVM EST.** Quod ad Dei gloriam nondum elevatus homo seipsum in seipso, & proprium commodum tanquam finem ultimum diligit, & gehennam timeat uti nunc principale, ideoque & **MORTALITER PECCET**, supra audivimus à D. Thoma. Hinc non vera distortio cordis conversio, sed merus dumtaxat conversionis finis est ista Attributio servilis. Et rursus eadem pag. 43. *In omni officio, & omni prorsus opere, quod non sit intentione bona fidei, hoc est, ejus, quæ per dilectionem operatur* (id est juxta P. Lupum, in omni opere, quod non sit ex motivo amoris Dei super omnia dilecti) *peccari ob legitimi finis defectum, & integrum ejusmodi opus esse tenebrosum, imo plenum NIGREDINE PECCATORVM, docet illuc lucidissime, & multis adversum alia Pelagianorum somnia S. Augustinus confirmat.* Et rursus ibidem: *Hinc ergo & servilis gehennarum metus, si cum impio suo proprii amoris sente componas in unum opus* (id est, si eum consideres prout in se à parte rei existit absque abstractione metaphysica) *tenebrosus est atque PECCATVM.*

172 Ecce, si P. Lupo credimus, detestatio peccati commissi, & propositum non peccandi in posterum concepta ex metu gehennæ, ibi sistendo, peccatum est, & quidem mortale. Inò & ipse actus spei, si hæreat in proprio suo objecto tam materiali quàm formali, peccatum mortale est. Ecce juxta illum, tantos Patronos, nempe S. Augustinum & D. Thomam, habuit Lutherus, dum identidem declamavit, per Attractionem ex metu gehennæ conceptam hominem constitui magis peccatorem. Hinc admittere jam cogitur P. Lypus, eum, qui atteritur, constitui magis peccatorem, augeri, & roborari consuetudinem peccatorum &c. Cur ergo supra ægrè tulit à me dictum esse, quod juxta ipsum *per timorem* augeatur consuetudo peccandi? Cur, si ita est, hic queritur sibi falsò, & per nefas imponi hanc assertionem: *Quod timor gehennæ malus sit?*

173. Hoc mirabuntur multi, similia dogmata per nefas imponi Sanctis Doctoribus Augustino & Thomæ Aquinati, & hujus quidem mentem explicabimus infra. Loco verò D. Augustini delinquo ex lib. 4. contra Julianum cap. 3. sub finem, quia explicatus est à Ripalda, Morantes & Authoribus passim omnibus, hic non immoror: vide Latanum artic. 5. pag. 42. & 43. ubi adfert, & refutat hunc Lutheri

Lutheri errorem, *Quod anime in purgatorio sine intermissione peccent, in eo quod horrent poenas, & quarunt requiem..... Donec posito timore incipiant amare voluntatem Dei in tali poena: & plus Dei voluntatem amet, quàm poenam timeat &c.* Asserit itidem Latomus, si Lutherus in Christum oculos direxisset, vidisset etiam amorem quietis & suam molestiam non esse peccatum. Ac denique locum Augustini dicentis, malum esse frui creaturis sine amore Dei, explicat, quando creaturæ exhibetur summus amor, quæ tamen non est summè diligenda. Neque testimonium Augustini ullam habet difficultatem, nisi apud eos, qui volunt charitatem seu dilectionem nihil aliud significare, quàm amorem Dei propter se super omnia; oppositum autem manifestè evincunt, tum ea, quæ dixi supra n. 64. tum in tract. de Attritione cap. 2. circa finem & cap. 5. §. 4. ubi respondi ad testimonia S. Augustini: & passim alibi.

174. Quæro jam à P. Lupo, quæ ratione conciliaturus sit has duas suas assertiones, quarum prima est; quod timere gehennam sine actu charitatis peccatum sit, prout manifestè asserit in verbis paulò ante relatis; ex quo sequitur, quòd per ipsum talem metum homo constituatur magis peccator. Altera, quòd propter hoc ipsum dogma meritò damnatus sit Lutherus. Hanc enim tradit Epistolæ suæ pag. 37. his verbis: *Aliud est per servilem Attritionem, aut per servilem penitentiam inchoatum metum peccari, aut hominem constitui peccatorem, & opem iustitiæ; aliud sub tali, aut ipsi talem Attritionem, & metum adhuc peccari, seu perseverari in priori quâpiam mala voluntate.... summum inter hæc duo est chaos firmatum. Primum, ex quo hominem per servilem metum fieri magis peccatorem sequitur, blateravit Lutherus, ideoque meritò est damnatus Tridenti. Damnatus ergo re Judice est Lutherus in Synodo Tridentina, quòd assereret, per servilem Attritionem, seu per servilem metum peccari; atqui illi propositioni identicæ est hæc: Attritio servilis, seu servilis metus est peccatum; idque, ut contendis, docuit S. Augustinus & D. Thomas. Vide jam, quid inde consequens sit.*

175. Cum autem P. Lupus pronuntiet actum, de quo disputamus peccatum esse, nihil ipsum juvat, quòd fateatur esse bonum, ac solo officio & substantiâ, non autem fine aut radice: nam hoc ipso indicat non esse absolute loquendo bonum; bonum enim est ex integra causâ, malum ex quovis defectu; sive, ut ipsemet de hac re agens loquitur Epi. Famil. pag. 43. *Composita sequuntur causam suam seu partem debiliorem.* Porro quid sit esse bonum officio, explicat ibidem P. Lupus: *Servilis gehennarum metus, si cum impuro suo proprii amoris foris componas in opus unum, tenebrosus est, atque peccatum; si ABSTRACTIM ipsum in seipso solum consideres,*

lucidum

lucidum est officium, et insque rectus, utilis, bonus. Ergo timor servilis, si consideretur prout est à parte rei, seu secundum objectum tam materiale quàm formale, juxta Adversarium tenebrosus est, & peccatum. Si verò abstrahas per mentem à fine seu objecto formali, id est, si abstrahas ab eo, an sit servilis, bonum est officium & bonus actus. Hoc autem aliud non est, quàm chymericam bonitatem huic actui specificè spectato tribuere, quam in quovis serè peccato erit reperire: nempe quòd si actum in se malum, per intellectum abstractivè considerem, abstraendo nimirum ab eo, quod actum specificat, seu malitiam ei communicat, ut si odium Dei abstractivè concipiam, quà odium.

176. Porro quòd hæc adferat P. Lupus, aut quid sibi ex abstractiva illa consideratione subsidii speret, non video. Damnatum esse fatetur Lutherum, quòd dixerit, per servilem Attritionem, seu per servilem metum peccari: malitiam autem hanc petebat Lutherus tum ex latente concupiscentia, tum ex hoc, quòd ei actui deesset charitas; an autem servilis metus sub consideratione illa abstractiva peccaminosus sit nec ne, nec inquisivit, nec determinavit Lutherus; neque, licet de illo actu abstractim considerato aliquid in alterutram partem asseruisset, curæ fuisset Patribus Sacrosanctæ Synodi circa abstractionem aliquam metaphysicam damnare hominem, qui in pluribus tam palpabiliter, & tam grossè, ut loquitur Adversarius, erravit: & sanè cui bono definire, an metus pænæ abstractim consideratus bonus sit malusve, uti & de quibulvis circa alia peccata abstractionibus; modo constet eos actus phylicè & secundum se spectatos malos esse, quo modo consideratum metum gehennæ malum esse pronuntiat P. Lupus. Hoc ergo & nihil aliud in Luthero damnavit Synodus, quàm quòd assereret Lutherus, timorem servilem gehennæ absente charitate malum esse & peccaminosum.

C A P U T X I.

*An P. Lupus rectè explicuerit locum Tridentini
de Attritione.*

177. **H**unc Tridentinæ Synodi locum ex sess. 14, c. 4. illam vero contritionem imperfectam, qua Attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur &c. explicarat P. Lupus in sua Dissertatione Dogma-

Dogmatica cap. 15. in fine, & cap. 16. non de actu illo, qui pro motivo detestationis peccatorum habet metum gehennæ, sed de actu planè diverso, qui priori succedat, & cujus motivum formale sit Dei bonitas propter se super omnia dilecta; huncque amoris actum vult esse illum, quem Synodus vocat Contritionem imperfectam, seu Attritionem conceptam ex metu tamquam termino conversionis à quo: omniaque, quæ Tridentinum illic pronuntiat de Contritionis imperfectæ bonitate, supernaturalitate &c. vult attribui debere illi actui amoris Dei super omnia, non autem detestationi peccatorum conceptæ ex motu vel metus in eo sistendo.

Hanc verborum Tridentini explicationem dixi esse novam, neminemque à me repertum, qui eam saltem expressè tradiderit, & multis rationibus cap. 8. §. 2. adductis clarè demonstravi, hanc explanationem planè alienam esse à mente & verbis Tridentini Attulì num. 127. Sylviūm dicentem, quòd timor servilis bonus sit, & ad salutem perutilis, fide æertum esse, definitum in Tridentino; quod ipsum ex Synodo colligunt omnes scriptores.

178. Verum quod in reliquis solet, ita quòque hic, ne facta quidem mentione rationum à me adductarum (tantum abest ut eas dissolvat) sic loquitur Epistolæ pag. 45. *Hanc doctrinam Accusator affirmat novam, gratis excogitaram ad evadendam vim Concilii, & à nemine hucusque clarè traditam.* Hoc autem refutare aggressus ibidem P. Lupus, nihil omnino adfert, quod ad propositum faciat, aut vel in minimo convellat id, in quo me queritur partes accusatoris egisse.

Sic enim ibi respondet: *eam* (id est explicationem verborum Tridentini, de qua est sermo) *clarè expressam à Concilio, & à nemine hucusque traditam*, quos non notato loco, aut verbis illic enumerat. Nonne hic rectè uteret verbis statim ex ipso referendis: *visu hoc, in infelicitate dignum est.*

179. Quæstio inter nos est, an verborum Tridentini explanatio à P. Lupo tradita, nova sit, gratis excogitata, & à nemine hactenus tradita; ego affirmavi esse talem; negat Adversarius, idque ut probe, profert Synodum Senonensem celebratam dudum ante Tridentinum; Fisscherum, qui decem annis antea gloriòse occubuit; item articulos hujus Facultatis Synodo anteriores, alios denique authores, qui ante Tridentini tempora, vel saltem ante celebratam hanc sessionem sciam sua scripta ediderant. An fortè illi omnes spiritu prophetico prævidebant, quibus verbis Catholicam de Attritione doctrinam postmodum conceptura esset Synodus Tridentina, ut jam tunc verba futura explicarent?

carent? Quis non videat, proferendos fuisse Authores Synodo posteriores, qui in hoc sensu verba Synodi acciperent: verum cum hos reperire non posset, ne nihil agere videretur, eos obtrusit, ex quibus verborum Tridentini explicationem peti posse, nemo censuerit.

180. Præterea illa ipsa, quæ adfert ex antiquioribus Tridentino, nihil omnino servant illius scopo. Damnavit, inquit, Senonense hunc Martini I utheri articulum: *Non licet inducere homines ad poenitentiam per timorem gehennæ*. Hunc articulum damnant omnes nostræ sententiæ Authores, negant nihilominus Synodum Tridentinam in verbis supra relatis ex l. 14, cap. 4. loqui de actu amoris Dei propter se. Quid igitur ex Concilio Senonensi petitur subsidii pro illa explicatione gratis excogitatâ?

At, inquires, juxta Senonense, licet inducere homines ad poenitentiam per timorem gehennæ: ergo timor gehennæ non est poenitentia.

Ad hæc Concilii Senonensis verba responsum est à me supra num. 82. ostensumque, quo sensu timor gehennæ non sit poenitentia.

181. Hic addo, licet Senonense dicto loco per timorem gehennæ intelligeret, non ignavum illum & hebetem timorem, quo homo non sinit se trahi, ad confugiendum ad Dei misericordiam, ad detestanda præterita, & ad propositum in posterum, qualis esse potest etiam in eo, qui actu peccat, de quo in tract. de Attritione n. 92. licet, inquam, per timorem gehennæ non intelligeret nudum illum timorem, sed comprehenderet sub timore ea omnia, quæ nos ad Attritionem requirimus, nihil adhuc nobis adversaretur definitio dicti Concilii Senonensis. Nam Lutherus non solum asserbat, Attritionem ex metu gehennæ non sufficere cum Sacramento, adeoque requiri detestationem peccati ex amore Dei seu justitiæ: sed insuper, cum timorem poenæ contenderet esse malum & peccaminosum, negabat licitum esse, inducere homines ad poenitentiam illam amore formatam (quam solam volebat esse bonam) per timorem gehennæ. Hæc duo asserta diversissima sunt, & secundum prorsus independens à veritate prioris: nam siye Attritio ex metu gehennæ supponatur esse dispositio sufficiens ad justificationem cum Sacramento, siye non: falsissimum nihilominus est, non licere homines inducere ad poenitentiam per timorem gehennæ, aut hunc timorem peccaminosum esse. Unde Catholici qui olim negarunt (et supra vidimus cap. 5.) vel qui etiam nunc negant, Attritionem ex metu sufficere cum Sacramento, asserunt nihilominus timorem bonum esse, rectè illum peccatoribus inculci, & sic induci ad poenit-

pœnitentiam. Unde ex eo, quod dicat Senonense, licitum esse inducere homines ad pœnitentiam per timorem gehennæ, perperam inferuntur: ergo timor gehennæ, seu, Attritio ex metu illius concepta non sufficit cum Sacramento, seu non est pœnitentia; cum abstrahendo ab eo, an sit pœnitentia, an sufficiens, nec ne, manifestè erronea & damnable sit hæc assertio: timor gehennæ malus est, aut illicitum est, inducere homines ad pœnitentiam per timorem gehennæ. Denique cum, ut dixi supra num. 119. dolor peccatorum ex metu conceptus sit simul via seu gradus ad pœnitentiam ulteriorem, nempe ad Contritionem procedentem ex amore Dei; rectissime simul starent hæc duæ definitiones in terminis: *Licet inducere homines ad pœnitentiam per timorem gehennæ seu per Attritionem*: & hæc altera: *Attritio sufficit cum Sacramento, estque ipsa etiam propriè dicta pœnitentia*. Imò per primam definitionem sterneretur veluti vja ad secundam. Quà igitur inferendi formâ, ex eo quod definiat Senonense, licere homines ad pœnitentiam inducere per metum gehennæ, inferri poterit? ergo metus gehennæ seu Attritio non sufficit cum Sacramento, vel, non est vera pœnitentia ex mente illius Concilii.

182. In ejusdem sui dicti confirmationem adducit art. 4. hujus facultatis; sed nec hic ipsi ullo modo faver, ut ostendi in tract. de Attrit. cap. 11. §. 1. Alios plures ibi citat; sed, cum eorum verba non referat, nec locum indicet, ubi id tradant, signum est ei minus favere, quàm faveat decisio petita ex Concilio Senonensi.

Denique pag. 46. recurrit ad ipsa Tridentini verba, in quibus clarè exprimi asserit suam hanc sententiam, quòd nempe detestatio peccati ex metu gehennæ tantum sit via ad alium actum ex motivo Dei super omnia dilecti conceptum, qui à Synodo asseratur esse Attritio, & sufficiens dispositio, ad percipiendam in Pœnitentiæ Sacramento justificationem.

183. Verùm, si ita clarè illic exprimatur sententia P. Lupi, cur ante ipsum nemo verba Tridentini hoc sensu intellexit? Cur omnes explicarunt de actu, cujus motivum ultimum & adæquatum est timor gehennæ? vel si quos habebat, qui in ea explicatione facem ei præstulerunt, cur saltem unum aliquem ex illis non adduxit; ut ostenderet novam eam non esse, nec gratis excogitaram, quod hoc §. susceperat ostendendum? Profectò nova adeo; & contra communem Authorum intellectum, verborum Tridentini explicatio, non erat obtrudenda, nisi rationibus aut autoritate probè firmaretur, dissolverenturque ea omnia, quæ attuli in tract. de Attrit. cap. 8. §. 2. quæ

manifestè ostendunt, non posse in sensu Aduersarii explicari verba Tridentinæ Synodi.

184. Addo hic authorem domesticum Libertum Fromondum, qui ad illa Apostoli verba: *Non accepistis spiritum seruientis necum in timore*, cum dixisset timorem pœnarum esse honestum, & bonum, quando non adest simul hic actus; vellem peccare si non esset pœna; subiungit à Tridentino definiti sess. 14. cap. 4. Attritionem à tali metu ortam, esse donum Dei, & Spiritus S. impulsam, ac proinde intelligit Tridentinum iuxta communem explicationem contra P. Lupum. Quo modo etiam intellexerunt alii tui in hac Academia prædecessores.

C A P U T XII.

De supernaturalitate Attritionis.

Attentionem, quæ pro motivo habet aut adeptionem gloriæ cælestis, aut evasionem gehennæ, esse actum supernaturalem; seu salutariter bonum ac meritorium, probatum à me fuit in Tra& de Attrit. cap. 7. allatis plurimum Patrum testimoniis, ac communi Doctorum consensu, eorum etiam, qui Luthero resistunt, nempe Rossensis & Eckii. Ostendi Lutherum & Jansenium illius actus supernaturalitatem similiter negasse.

185. Ad hæc P. Lupus Epist. Famil. pag. 47. *Risu*, inquit, *imò miseratione dignum est, quod me, ubi sensilem gehennarum meritum esse quidem à Deo inculsum motum, non tamen supernaturale, ac inculsum gratie donum scripsi. Accusator dicat esse Jansenistam ac Lutheranum.* Verum nusquam dixi, ipsum esse Jansenistam aut Lutheranum, solum exhibui Jansenii ac Lutheri verba, ex quibus ostendatur idem cum his sensisse. Quod ipsum in sua Epistola admittit P. Lupus, laudans in hac parte sententiam Hæreticorum, de quibus ita loquitur pag. 13. *Solum gehennarum seruile in meritum aut ex ipso solo natum de peccatis dolorem rectè adducit id est hæretici morum esse salutariter non bonum: seu non esse supernaturalem.* Quid igitur risu vel commiseratione dignum est, quod illis, quorum sententiam hic tamquam rectam & sanam approbas, dixerim te consensisse?

Pergit eadem pag. 47. *Quid triviale gehennarum meritum sit iudicium ex lege, non Christiana ex diuina infusionis dono iuritia, est Christiani dogmati fundamentum adeo immobile, ut nullus orthodoxorum neque huc legatur de ipso vel dubitasse.* Addit solum actum, qui habet admixtum motivum amoris, esse germanum

manum divinae per JESUM Christum gratiae donum, semper Ecclesia sensit.

186. Mirabuntur summo opere omnes, potuisse hanc tam confidenter à P. Lupo asseri. Attritionem ex spe prœmii caelestis, aut metu gehennae absque amore Dei propter se super omnia dilecti, esse actum supernaturalem, seu ex gratia, asserunt quotquot post Tridentinum scripserunt Orthodoxi Auctores, si P. Lupum cum paucissimis excipias; id etiam tradidit Estius, estque communis Ecclesiae sensus: id contra Lutherum urserunt Rossensis & Eckius: *Ab initio* (inquit Eckius) *resistimus haecenus & dicimus, quia timor et amor servilis sit donum Spiritus sancti... fallax Lutherus, quod nescias varias Spiritus S. gratias distinguere...* sed non quovismodo ratio paterna est per amorem iustitiae. Et alia quae tractat de Attrit cap. 7, retuli: id manifestè tradunt Patres ibidem adducti, & id ipsum definit Tridentinum, idque tam manifestè, ut vix reperire sit, qui de hoc dubitet. Quare non video, quâ veritatis specie dicere potuerit P. Lupus, neminem orthodoxum haecenus dubitasse, quin dolor de peccatis ex metu gehennae concensus, sit actus non supernaturalis, & semper sensitse Ecclesiam quoddam illi actus non sit ex gratia.

187. Denique eodem Epistolae loco addit Adversarius: *Verum haec omnia parerga sunt, & quæstia à principalis quæstionis examine diverticula.* Si ita est; cur ad illa in tua de Attritione dissertatione confugisti; uti & illi, qui tibi in hac sententiâ præluxerunt? certe illa à vobis adducta me retellere, non fuit diverticula quærere, sed vestra premere vestigia. Ceterum cum non possit Attritio ex metu esse dispositio ad gratiam in Sacramento percipiendam, nisi supernaturalis sit, seu ex gratia; nemo hujus controversiæ, vel mediocriter gnarus censerebit, extra rem esse, de Attritionis supernaturalitate inquirere; nisi dicendum sit ipsam Synodum Tridentinam parerga, ac diverticula quævisse, dum sess. 14. cap. 4. antequam statuat, Attritionem ad gratiam in Sacramento Pœnitentiæ impetrandam disponere, prius definit dictam Attritionem, *Donum Dei esse & Spiritus S. impulsum, non adhuc quidem inhabitans, sed tantum moventis, quo pœnitens adjuvens viam sibi ad iusticiam parat.*

CAPUT XIII.

*De consequentia deducta ex definitione Contritionis
à P. Lupo tradita.*

188. **E**Xposueram in tract. de Attrit. cap. 12. Sententiam P. Lupi de Contritione, per se & independenter ab actuali Sacramento justificante, eamque in summam redigens, & inde inferens, dixeram num. 300. Sensus P. Lupi est, quod peccator quomodocumque demum ex amore Dei, & quantumcumque de peccatis doleat, non possit tamen sine actualis Sacramenti consortio justificari, si erga rem quampiam creatam sic afficiatur, ut illam cum aliquo doloris sensu amitteret, vel non consequeretur. Hinc si conjux morti vicinus optet, vitam sibi à Deo prolongari, quæ res familie suæ componat, quod uxori & liberis subveniat, quibus videt aliqui desore victui necessaria &c. ac nihilominus mortem juxta Dei beneplacitum paratus sit acceptare, cum aliquo tamen dolore & gemitu; non poterit talis eluere Contritionem, quæ impetrandæ justificationi per se sufficiens sit: ac proinde si sit in mortali, ac defu copis Confessoris, actum est de æterna illius salute.

189. In toto hoc discursu nihil omnino displicet P. Lupo, nisi postremum illud, quod nempe eo casu actum sit de talis conjugis salute; huic autem ut consulat, asserit Contritionem imperfectam ex Charitate Dei elicitam (id est, juxta ipsum, quam Tridentina Synodus Attritionem vocat) licet aliàs sine Sacramento actuali non sufficiat ad justificationem, in mortis tamen articulo sine illo justificare. Verba illius sunt Epistolæ pag. 48. *Verum imperfectam Charitatem, & Contritionem ubi ego dixi in mortis exitu sine actuali Sacramento non justificare? non solum robustam & adultam, sed nutritam etiam atque dumtaxat natam justificare omnino asserui, & multis ostendi.* Vult igitur P. Lupus homines sine ea Contritione, quam Trid. sess. 14. c. 4. vocat Charitate perfectam, sed cum solo actu, quem Synodus ibidem appellat Contritionem imperfectam, seu Attritionem, justificari in mortis articulo, si necessitas excludat Sacramenti susceptionem.

190. Dum addit, se id omnino asseruisse in dissertatione dogmatica, crediderim memoriâ lapsum: nam in dicta dissert. post utrumque agitatum hanc quæstionem, tandem concludit pag. 46.: *Quare videtur incerta esse res hæc, neque profunde nimis inquirenda.* Hinc subdit: *Omni curâ satagere nos oportet, ut neque sine necessario Sacramento ad Dominum abeamus ipsi, & nemo per nostram negligentiam abire cogatur.* Præmiserat insuper pag.

pag. 45. D. Augustinum eos, qui cum tali pœnitentia sine Sacramento moriuntur à vita aeterna non excludere, sed ad divine miserationis incertum dimittat remittere. Tantùm abest ut id omnino asseruerit. Quidquid sit, in Epistola familiari absolute asseruerat, Attritionem ad salutem sufficere, si citra culpam morientis desit Sacramentum : quod an meritis, & cum fundamento dicatur, videamus.

191. Primò Synodus Tridentina sess. 14. cap. 4. ita loquitur: *Illam verò Contritionem imperfectam, quæ Attritio dicitur Quamvis sine Sacramento pœnitentia per se ad justificationem perducere peccatores non possit.* Quo loco teste P. Lupo definitur, nullam Attritionem, seu imperfectam Contritionem sine actuali Sacramento justificare. Verba ejus in Dissert. Dogm. pag. 56. sunt: *Porro nullam imperfectam Contritionem sine actuali Sacramento justificare, definit disertis verbis Tridentina Synodus.* Si Synodus disertis verbis definit, nullam Attritionem sine Sacramento justificare; quòd, quòd, tandem assertur tam justificare, quoties urget periculum mortis, si inculpabiliter desit actuale Sacramentum: adeoque omni eo casu justificare, quo præcipue ejus effectus de siderari potest: sic ut, qui solam Attritionem elicit, ita securus esse possit, ac si Contritionem eliciisset. Deinde si meritis ab universalis illa Tridentini definitione excipiatur casus mortis, cur non similiter excipi poterit casus, quo Parochus sibi conscius peccati mortalis, cogitur sine prævia confessione celebrare? cur negat eo casu etiam justificare solam Attritionem, aut cur ad vim Eucharistiæ recurrit?

192. Secundò D. Augustinus Epist. 180. consultus ab Honorato Episcopo, an ministris Ecclesiæ, tempore incursionis hostilis, licitum sit, populum sibi creditum deserere, ac ad loca tutiora se subducere; respondet id minime licere, cujus hanc assignat causam: *An non cogitamus, cum ad istorum periculorum pervenitur extrema, nec est potestas ulla fugiendi, quantus in Ecclesia fieri solet ab utroque sexu, atque ab omni ætate concursus, aliis Baptismum flagrantibus, aliis reconciliationem?..... ubi si ministri desint, quantum exitium sequatur eos, qui de isto saculo vel non regenerati exeunt, vel ligati? Quantus est etiam ludus fidelium juvenum, qui eos secum in vitam aeternæ requie non habebunt? Quantus denique gemitus omnium, & quorundam quanta blasphemia de absentia ministrorum & ministrorum? vide quid faciat malorum temporalium timor, & quanta in eo sit acquisitio malorum aeternorum.* Si autem ministri adsint &c. Præmiserat item in eadem Epistola Augustinus: *Nec ideo tamen propter ista (id est, propter mala ab hostibus inferenda) quæ incerta sunt, debes nostri officii esse certa desertio, sine quo est plebi certa perveniens.* Quo loco D. Augustinus palàm supponit aliquos defectu ministrorum,

rum, & per consequens Sacramentorum perire, qui si ab illis deserti non fuissent, salutem fuissent consecuti, neque de horum interitu tamquam de re dubia & incerta loquitur Augustinus (prout illum indifferenter explicat P. Lupus) sed loquitur planè asseveranter ; ait enim : *Quantum exitium sequitur illos? Quanta acquisitio malorum aeternorum sine quo, est plebi certa perniciēs; &c.* Nempe quia in tanto hominum ad Baptismum aut Pœnitentiam concursu, plurimi non aliam adferunt dispositionem, quàm eam, quæ actualis Sacramenti consortium requirit ad salutem. Ita hunc Augustini locum intellexit Latomus Tract: de secreta Confess. Pag. 107. *Et tamen, inquit, aperte docuit Cyprianus, & Augustinus, quosdam ex eo damuari, quod sine Sacramentis decesserint, qui fuissent salvati susceptis Sacramentis.* Ubi insuper pro eadem sententia citat Leonem, Fabianum, ac Patrum Canones, addens sic tenere Ecclesiàm; verba Latomi habes supra num. 22. Nec aliter D. Augustinum intellexit Cunerus Petri: Vide Tracta: de Attrit. Num. 250. Id etiam tamquam certum supponit Vega lib. 13. cap. 24. dum ait: *Ideo salutem hominum adinere dicitur, quisquis mortis tempore pœnitentiam eis denegat, quia plerumque per Sacramentum pœnitentiæ justificantur, qui aliàs perirent.* Quod, si autem vera est sententia P. Lupi, falsum erit, quod ob defectum ministrorum, aut ministerii in conferendis Sacramentis Baptismi, & Pœnitentiæ, exitium sequatur eos, qui sine dictis Sacramentis moriuntur; falsum erit, fugam ministrorum esse certam plebi perniciem &c. Quia in illo articulo vel habent dispositionem requisitam & sufficientem ad justificationem cum Sacramento, vel illam non habent: Si non habeant, non pereunt ex defectu ministri, sed propriâ culpâ, æquè perituri suscepto cum tali dispositione Sacramento. Si verò illam dispositionem habeant; vi huius solius, sine actuali Sacramento, quo citra culpam careant, justificantur, & salvantur, si P. Lupo credimus.

293. Tertiò, dispositionem, quæ cum Sacramento actu suscepta justificat, non sufficere etiam in articulo mortis sine Sacramento, communissimè censent Doctores, idque fideles passim habent tamquam indubitatum post Tridentinum, & vix ullos reperies, qui id non afferant, vel potius supponant, si illos excipias, qui his duobus Sacramentis virtutem denegant, peccata primò remittendi. Hinc tanta illa sollicitudo, tum fidelium in accersendo ad moribundum Sacerdote, tum præcipuè proborum Sacerdotum, ut in illo articulo accurrant, gravissimèque culparentur, qui ea in parte deprehenderentur negligentes. Hinc etiam plurimi Sacerdotes etiam peste, aliove morbo contagioso infectis, cum vitæ propriæ periculo assunt, non dubitantes,

tantes, quin per Sacramenti poenitentiae administrationem plurimos ad salutem sint perducturi, qui alias fuerant aeternum perituri. Profecto non parum ea cura & sollicitudo minueretur, si fideles sibi persuaderent, in illo articulo eandem dispositionem ex parte peccatoris, quae sufficit cum Sacramento, satis quoque esse ad salutem, dummodo moriens citra suam culpam Sacramento careat. Si Tamburinus aut alius quispiam hanc sententiam tradidisset, quot quantisque censuris fuisset impetratus? Verum, ut P. Lupus à se primum excogitatum Contritionis per se justificantis definitionem quocumque denum modo tueretur, necesse illi fuit ab Augustini aliorumque Patrum citatorum à Latorum, & à receptissima Doctorum sententia, ac fidelium unanimi consensu recedere.

194. Hanc mirabilem Contritionis descriptionem rursus tradit, & stabilire conatur in Epistola Familiari; in qua pag. 28. ita loquitur: *Perfecta Contritio* (id est per se justificans) *perfectam involvit Charitatem, ex ipsa procedit ac per ipsam formatur, ideoque omnes originalis libidinis, licet non motus, tamen affixivos assensus* (id est vi quorum in amissione doleret, gemitus funderet &c.) *excludere non tantum debet, sed & superasse. Esse debet super omnia ista non tantum affectu, sed viribus insuper & effectu. Hinc omnes ab illa corporeas voluptates, & secularium vitiorum incentiva, omnes alienas ac vanas cogitationes, purpuram, & quosvis saeculi honores comminus, supprimi, sanari, abhorre-ri, & mentis nostram plene, quantum fert praesens vita, divinis complanari regu-lis, laudati Patres affirmant.* Ecce juxta P. Lupum, ut aliquis elicere possit Contritionem perfectam, id est, juxta ipsum, per se justificantem, pertigisse debet ad supremum culmen perfectionis in hac mortali vita possibilis. Idque vult affirmari à Patribus, quos eodem loco adducit; examinemus illorum testimonia, aliorumque ab ipso alibi objecto-rum.

195. Primò adfert S. Hilarii verba: *Contritio ergo illa, sive confectio est, quae in nobis corporeas voluptates, & secularium vitiorum incentiva comminuit, dignosque nos dignatione Domini praestabit, & secundum dictum Prophetam cor contritum & humiliatum Deus non spernes.*

• Resp. Licet S. Hilarius hoc loco ageret de Contritione & confectio-ne cordis, quae fit per actorem Dei, nihil omnino urgeret nos hoc testimonium; dum enim dicit per Contritionem corporeas voluptates, & secularium vitiorum incentiva comminui; gratis id explicueris de aliis voluptatibus aut vitiis, quam quae mortalia peccata sunt; praeser-tim cum eadem columnâ paulò infra dicat, confringi inextplebiles cupiditates, illecebrosas lascivias, ferventes iras, inanes superstitiones &c.

Deinde non recurrit S. Hilarius ad admirabilem illam P. Lupi distinctionem inter assensus affixivos, & volaticos. Denique non dicit solam illam Contritionem sine Sacramento justificare.

196. Dixi, licet loqueretur de Contritione seu confectione, quæ sit per castam Dei super omnia dilectionem. Nam reuera illic agit de confectione, quæ sit per terrorem, ac timorem iudicii; explicans enim pag. 198. col. 2. illud Pl. 2. *Reges eos in virga ferrea, tanquam vas figuli confringes eos*: asserit quibusdam hæc videri adversa bonitati divinæ, ut gentes, quas filius poposcit, & accepit in hæreditatem & possessionem, terrore virgæ ferreæ regat, & modo vasis figuli confringatur: & paulò infra exponens, quæ sit illa virga ferrea, addit: *Quia omnis Dei sermo, quo ex errore in veritatem Dei retrahimur, quo per COMMINATIONEM TERROREMQUE IUDICII ad innocentis & sanctæ vitæ viam regimur, virga est nuntiatus: per quam intra disciplinam divini metus cohibiti, moderati ac prudentis rectoris monitu coercemur.* Et rursus pag. 199. col. 1. *Cum unicuique nostram doctrinæ TERROR regimen perfecta beatitudinis admoneret.....* Hæc ergo virgâ ferreâ reges, ita ut confringat, & conterat. Et statim subiungit verba, quæ in suæ sententiæ patrocinium adducit P. Lupus. Denique concludit ibidem: *Sic petitas atque obtentas hæreditatis suæ gentes Deus confringat, & conteret, ut reformet: confringit enim Deus in omnibus omnes inexplebiles cupiditates, & illecebrosas lascivias, & serventes iras, & inanes superstitiones, & tumentes fastus, & impias opinionis. Reformet autem nos ad rationabilem vitæ usum contemptu pecuniæ, luxu pudore, iræ moderatione, veri, scientiæ, communionis vivendi, religionis officiis: cum per doctrinæ regimen TERROREMQUE IUDICII in has virtutes post illa vitia reviviscimus.*

197. Ergo S. Hilarius per confectionem & contritionem indictis Plâmi verbis expressam, intelligit extirpationem vitiorum, eorumque reformationem in opera vitii contraria; illam statuit obtineri per virgam ferream; per virgam autem ferream ubique intelligit terrorem & timorem iudicii, nullibi factâ mentione amoris Dei propter se & super omnia. Quare omnino perperam hunc pro se adfert P. Lupus, cui hic sanctus Pater planè adversatur, asserens per timorem iudicii vitiorum incentiva in nobis comminui &c. Nobis ergo telum contra se subministravit, tantùm abest, ut invenerit gratis excoGITATæ Contritionis patronum.

198. Opponit 2. S. Basilium in Pl. 33. sic loquentem: *Contritio cordis demolitio est, & suppressio humanarum cogitationum. Quicumque enim presentia despecteris, sequæ verba Dei addixerit, & suam ipsius mentem iis contradiderit intelligendis, quæ supra hominem & longè diviniore sunt; hic demum est* qui

qui tribulatio sine contritione est corde, idque sacrificium obnullis, quod minime consumitur apud eum.

Resp. in hoc testimonio nulla rursus fit mentio amoris Dei: defectus autem presentium, & applicatio ad intelligendum Dei verbum, haberi possunt ex motivo timoris, quem eadem homilia paulò supra hic S. Pater luculentissimè laudaverat tamquam frænum, quo vitiosæ cupiditates cohibentur. Deinde non recurrit ad distinctionem inter assensus affixivos, & volaticos. Quid ergo hic subsidii pro P. Lupo? Denique Basilii illic scribens in ea Pl. verba: *Prope est Dominus iis, qui tribulatio sunt corde, & humiles spiritu salvabit: asserit in illis sermonem esse de adventu Domini in carne, conformiter ad id, quod habet Isaias: Evangelizare pauperibus misit me, sanare contritos corde.* Quid verò per contritionem intelligat, explicat ipse ibidem: *Jam quando medicus mittebatur contritis corde: prope, inquit, est Dominus vobis, duo humilibus, & qui per contritionem salutem & animi elationem expunxistis à vobis: prope adest, jam jam vos effecturus gaudio & ad longanimitatem deducturus.* Et immediatè subdit verba, quæ pro se adducit P. Lupus. Hinc patet sensum S. Basilii hoc loco esse de Contritione, quæ per suppressionem factus & superbix reddit animum paratum, ad Christi in carne venientis verba excipiendâ, iisque mentem tradendam seu applicandam: Quid hoc, quæso, ad institutum nostrum? Similiter quod adfertur ex S. Dorotheo Archimandrita: *Contritio cordis est, si id vagari non permittas in alienis & vanis cogitationibus.* Sive, ut habetur in meo exemplari: *Contritio cordis est non permittere ipsum murmurare cum alienis cogitationibus.* Hoc, inquam, ad rem propositam nihil facit, ut tum ex dictis, tum per se manifestum est.

199. Tertiò objicit ex B. Laurentio Justiniano. *Primum sacrificium, propter quod homo ad perfectionem proficit iustitiam, est sacrificium contriti cordis pro perpetrato scelerum suorum.* Nam contritio sola est, quæ facit animum abhorere purpuram, desiderare cilicium, amare lachrymas, fugere risum & veram seclari iustitiam. Ita B. Laurentius, in Ligno vitæ Tract. de Virtute Iustitiæ cap. 6. Locum non indicavit P. Lupus; credo, quia vergatur ne eo capite tantum inspecto collabasceret objectio.

200. Resp. igitur in illis verbis B. Laurentium asserere, quodd primùm sacrificium, quo ad perfectionem Iustitiæ attingatur, sit dolor de peccatis commissis, qui faciat abhorere purpuram &c. quantum hoc necesse est, vel ad vitandum peccatum ejusve periculum, vel ad satisfaciendum pro commissis; quo ideo non tantum non agit de charitate illa Dei perfectissima, quam adinvenit P. Lupus; sed ne quidem de

Dei dilectione tractat, saltē determinatē, sed ut summum indeterminatē, in quantum loquitur de Contritione seu detestatione peccatorum, ex quocumque demum motivo. Manifestum id fiet consideranti locum Laurentii. Nam illo cap. 6. quærit in titulo. *Quibus studiis exerceatur anima, ut ad perfectionem veræ justitiæ attingat, & quæ sit ipsius perfectio?* tunc in contextu asserit hominem ad perfectionem veræ justitiæ duci per varia sacrificia, quæ pergens ordine recensere, ita loquitur: *Primum enim sacrificium.... est sacrificium contriti cordis &c.* supra; hoc ponit tamquam primum, quia qui veram justitiā ac perfectionem sectatur, ante omnia desolvere debet peccata & ab his mundari. Tum pergit: *Aliud sacrificium est corporis propter Deum mortificari....* Tertium verò sacrificium, propter quod impletur justitiā, & Deus promeretur, est, cum misericors proximorum compatimur ex corde.... Est & aliud sacrificium, quod pro amore justitiæ homo Deo offert, id est, cordis igne DIVINI AMORIS inflammati. Si igitur vis à vitis perfectē purgari & justitiā perfectā obtinere, in quantum pravales, accende in te ignem divini amoris. Nam si dulcedinem divini amoris gustaveris, de temporali detestatione non curabis, tantōque ardentius justitiæ opera implebis, quanto amplius celesti dilectione abundaveris, & tunc Deo suavissimum incensum adolebis, cum cer tunc ejus pio sanctoque amore flagraveris. Quintum autem sacrificium, per quod justitiā consummatur, si Deo inviter offeratur, est sacrificium laudis.... hæc est, quæ civis celestis laudificat, & beatos facit &c. Ecce B. Laurentius Justitiā gradatim ascendens à primo gradu ad quintum, qui perfectionem justitiæ consummat: quartum sacrificium, & aliud à prioribus, assignat charitatem seu divinum amorem; ergo in primo gradu seu sacrificio non egit, saltē determinatē, de amore Dei propter se, & super omnia, multò minùs de amore illo perfectissimo, pro quo illum adducit P. Lupus.

201. Hic adverte, quomodo vocem, Contritio, P. Lupus pro libitu accipiat, modò prout species est Attritioni opposita, modò prout genus est, & communis tam Attritioni, quam Contritioni: sic in quatuor testimoniis proximè adductis, licet in illis nec verbum sit de amore erga Deum, vult nihilominus Contritionem ibi sumi antonomasticè, sive pro ea, quæ vi suā justificat. Alibi verò, ut supra vidimus, dum author quispiam requirit amorem in Contritione, sine ulla probatione vult accipi Contritionem in illis testimoniis genericè, prout etiam Attritionem complectitur, inde inferens etiam Attritionem debere esse dilectione formatam.

202. Objicit quartò, quæ habet Catechismus Romanus parte 2. cap. 5. num. 26. *Summum verò & maximum dolorem ex peccatis, quæ com-*
missa

missa sunt, suscipiendum esse, ita ut nullus maior excogitari possit, facile erit huius rationibus demonstrare. Nam cum perfecta contritio sit charitatis actio, qua ab eo timore, qui filiorum est proficitur: patet eundem contritionis & charitatis modum statuentum esse. At quoniam charitas, quæ Deum diligimus, perfectissimus est amor, hinc fit, ut contritio vehementissimum animi dolorem coniunctum habeat. Ut enim maximè diligendus est Deus, ita qua nos à Deo alienant maximè detestari debemus. In qua etiam illud observandum est, eodem loquendi genere charitatis & contritionis magnitudinem in sacris litteris significari. De charitate dictum est: diliges Dominum Deum tuum ex toto corde tuo. Rursus, quod ad contritionem attinet, clamat Dominus per Prophetam; Convertimini in toto corde vestro.... Illud etiam animadvertendum est, ut quemadmodum S. Bernardo teste nullus finis & modus charitati præcitur (modus enim, inquit ille, diligendi Deum, est ipsum diligere sine modo) ita peccati detestationi nullus modus definiatur. Sit præterea non solum maxima, sed vehementissima, atque adeo perfecta, omnemque ignaviam & socordiam excludat. Ita author Catechismi Romani; ex quo sic colligit P. Lupus pag. 23. Contritionem & Dei dilectionem rectissime asseris ambulare eisdem magnitudinis & quantitatis passibus; ideoque tot esse contritionis species seu classes, quot sunt dilectionis. Quare uti hæc, ita & illa alia est nata, quædam nutrita, alia adulta, robusta alia, alia perfecta. Et hæc (nempe perfecta Contritio seu per se justificans) esse debet sine fine & modo, ex toto corde, vehementissima, maxima, excludere omnem socordiam, atque ignaviam, id est omnem affixum cupiditatis assensum: id est, juxta P. Lupum, omnem talem affectum, vi cuius in amissione rei gemitum aut lachrymas funderet.

203. Resp. 1. in verbis Catechismi nihil haberi, per quod magis excludantur assensus affixivi, quàm volatici, aut contra: nam cum illi amores volatici venialia peccata sint, æquè ac affixivi, adeoque utrique sint quædam socordia & ignavia, si ex eo, quòd debeat contritio esse maxima, vehementissima, sine fine, sine modo, omnem ignaviam & socordiam excludens &c. rectè sequatur, quòd debeat excludere amores affixivos, sequetur, etiam excludi debere volaticos: ac proinde omnino gratis additur ab adversario, id est, omnem affixum cupiditatis assensum.

204. Resp. 2. sensum authoris Catechismi esse, quòd, cum Contritio perfecta debeat esse ex dilectione amicitie, hæc autem dilectio consistat in eo, quòd velit bonum amici propter se, sive etiam absentiam ejus, quòd illi malum est, eodem passu sine dubio procedant & augeantur perfectio amoris Dei & perfectio detestationis peccati. Dum autem dicit, dolorem in Contritione debere esse summum

& maximum, ita ut nullus major excogitari possit, nihil aliud vult indicare, quàm quoddam debeat illa detestatio esse super omnia mala, sicut amor, quo diligendus Deus, debet esse super omnia. Clarum id est, ex verbis Catechismi; nam debere esse summum, maximum &c. probat ex eo, quoddam Contritio perfecta sit Charitatis actio, Charitas autem, quâ Deum diligimus, sit amor perfectissimus, præcepta his verbis, *Diliges Dominum Deum tuum ex toto corde tuo*. Atqui in illo præcepto non præcipitur alius actus, quàm amoris Dei propter se super omnia: ergo idem est de dolore & detestatione reperta in Contritione. Porro, ne dubium superesset, ipse Catechismi author explicat, quomodo Charitas erga Deum debeat esse summa, dum ibidem subdit: *Omniibus verò rebus Dei amorem anteponendum esse, ita ut ne vitæ quidem conservandæ causâ peccare liceat, apertè nos docent illa Domini verba*; QVI AMAT PATREM AUT MATREM PLUS QUAM ME &c.

205. Reliqua quæ P. Lupus Epistolæ Familiaris pag. 59. & 60. pro mirabili suâ contritionis per se justificantis definitione depromit, vel ad rem omnino non faciunt, vel solum probant, quoddam habere animum ab omni affectu non tantum affixivo, sed etiam volarico erga rem creatam planè liberum, & etiam, si vis, delectabiliter mori & patienter vivere, sint charitatis aliqua major perfectio, quod nemo negaverit; hinc tamen minimè probatur, nullam aliam charitatem, nisi perfectissimam illam, & hominibus passim vix possibilem, necessariò requiri ad contritionem suâ vi sine Sacramento actuali justificantem; pro qua sententia authores querere, est frustaneo sese labore fatigare.

CAPUT XIV.

*An justè queratur P. Lupus, læsam auctoritatem
S. Augustini, & aliorum SS. Patrum.*

Suscipit P. Lupus Epistolæ Famil. pag. 48, defendendam auctoritatem S. Augustini. Rectissime id quidem, si contra eos agat, qui illam læserunt.

206. Pag. citatâ ita loquitur: *Grandem hunc Ecclesiæ solem (Augustinum) esse per Apostolicas in Cornelium Jansenium Constitutiones eclipsarum, & utriusque de virtuti Dei gravî doctrinam illi uno damnatam à Sede Apostolica, priorum in Belgio aures cum offensione & scandalo frequenter audiverunt.*

207. Hæc P. Lupi justa querela est; sed quæ me, meique similes nullo

nullo modo tangit. Hi enim, ut tum in thesibus, tum in libris plurimis de hac materia editis videre est, id unum totis viribus semper contenderunt, quinque illas damnatas propositiones S. Augustino perperam, & per calumniam aut inſcitiam, adſcribi: eaque ex hoc S. Patre protulerunt, in quibus manifeſtè tradit doctrinam damnatæ planè contrariam. Quare credo P. Lupum conqueri (quod juſtiſſimè factum) contra eos, qui per ſas & neſas hominibus in Theologicis & in S. Auguſtino minùs verſatis, perſuadere conati paſſim ſunt, doctrinam à recentiore illo Authore traditam, & damnatam, illam iſſam eſſe, quam in ſuis ſcriptis poſteritati reliquit magnus Auguſtinus, adeo ut nec ovum ovo ſimilius eſſe poſſit, fruſtraque laboretur in diſcrimine vel minimo aut aſſignando, aut inveſtigando. Hos ego judico rectiſſimè à P. Lupo reprehenſos, tamquam grandi illi Eccleſiæ Soli injurioſos. Quòd ſi ex ſimilium hominum dictis quandoque alii intulerint; ergo etiam S. Auguſtini doctrina damnata eſt, rectam illationem & conſequentiam attenderunt, ac indicant; tam antecedens, quam conſequens conſtanter interim negantes.

208. Tranſeo igitur ad aliud punctum, quod me concernit. In ſua Diſſertatione Dogmatica cap. 16 quaſierat P. Lupus; rectène Synodus Tridentina dixerit, quòd ſervilis gehennæ metus non faciat hominem magis peccatorem? Reſponderatque, rectè dicere; *Etenim, inquit, loquitur cum Auguſtino.* Ad hæc repoſui in Tra&: de Attritione num. 34. *Ecce rationem, cur rectè deſinat Tridentinum* (nempe quia idem docet cum Auguſtino) *Ego verò è contra dicendum autumo; nempe, dum Conciliorum dictis conſentientia reperiuntur in Auguſtino, præcipuum robur Auguſtino à Conciliis accedere: ſuam vero Conciliorum definitionibus veritatem confirmatam integram ſtare, ſive idem dixerit Auguſtinus, ſive oppoſitum; quod obiter contra tales loquendi modos volui indicatum.*

209. Leſam à me in his verbis non tantum D. Auguſtini, ſed & omnium generatim Eccleſiæ Patrum authoritatem expoſtulat P. Lupus; ita loquitur pag. 48. *Etiàm S. Auguſtinum impetis Accuſator.* Et pag. 49. *Non adverſus ſolum Auguſtinum, ſed generatim adverſum omnes Eccleſiæ Patres ſcripſit etiam Accuſator.* Neſcio cur omnes alios Patres hic appellat P. Lupus, niſi fortè S. Auguſtinus ſit omnes Patres; nam aliorum Patrum ne memini quidem. Rejeci hanc cauſalem: ideo rectè loquitur Synodus Tridentina, quia idem docuit Auguſtinus; reje&torus ſimiliter quamcumque aliam priori ſimilem, ut hanc; ideo rectè loquitur Synodus, quia loquitur cum S. Cypriano, vel quia cum S. Ambroſio. Si propter hoc aſſerat P. Lupus, me adverſus S. Auguſtinum & omnes Sanctos

Quos Patres scripſiſſe, eoſque impetiiſſe, injuſtè ſine dubio queritur, violatam à me SS. Patrum authoritatem : nam illam cauſalem rejicere, eſt iſſis D. Auguſtini aliorumque Patrum veſtigiiſ inſiſtere. Nonne Sancti Patres ac Pontifices nos docuerunt, quatuor prima Concilia Generalia (& eadem de poſterioribus eſt ratio) recipienda eſſe velut quatuor Evangelia? Sicut ergo minùs rectè quiſ diceret; idcirco rectè loqui Evangelium, quia eodem modo loquitur S. Auguſtinus; ita nec ea ratio adterenda eſt pro veritate definitorum à Conciliis. Cum enim conſtet Concilia Generalia ob aſſiſtentiam Spiritus Sancti in definiendo errare nullo modo poſſe, non rectè definitionis inſallibilis veritas remittitur ad authoritatem illius, qui tali inſallibilitate præditus minimè eſt; ſed è contra ex ipſa Conciliorum definitione colligendum eſt, an hic aut ille Sanctus Pater in eo, quod docuit, veritatem certò ſit aſſecutus. Sic D. Auguſtinus, cum in duobus Conciliis Africanis definitum eſſet contra Pelagianos, naturam ſine gratia ſibi non ſufficere; hujus definitionis veritatem & firmitatem, ab Apoſtolicæ Sedis reſponſo, tamquam controverſiæ inſallibiliter diremptivo, petendam cenſuit: ita enim loquitur ſerm. 2. de Verbis Apoſt. in fine: *Jam enim de hac cauſa duo Concilia miſſa ſunt ad Apoſtolicam Sedem: inde jam reſcripta venerunt: cauſa finita eſt.*

210. Neque periculo caret dicta cauſalis: Ideo rectè loquitur Tridentinum, quia ſentit cum Auguſtino. Hanc enim, qui ut legitimam admittit, quid reſpondebit, ſi quoad ſenſum Scripturæ, v. g. circa creationem ſucceſſivam hujus univerſi, D. Auguſtino ab aliis Patribus diſſentiente, Synodus aliqua ſententiam horum definiat? Quid reſpondebit hæreticis paſſim clamantibus & cavillantibus, à Tridentino aut aliis Conciliis definita eſſe quædam cum doctrina D. Auguſtini pugnantia, ac propterea non rectè eſſe definita?

211. Ut autem probet P. Lupus, me in hoc injurium fuiſſe D. Auguſtino, hæc adfert; Quòd Concilia sæpe profiteantur, ſe ſequi Sanctos Patres, ſeu paternas traditiones &c. Inter Sanctos autem Patres quiſ ambigat eſſe S. Auguſtinum, præſertim in materia de gratia & juſtificatione. Verùm quâ, quæſo, novâ formâ ex his inferre poterit P. Lupus; ergo idcirco rectè definit Synodus, quia loquitur cum Auguſtino; aut illum D. Auguſtini authoritatem violare, qui hanc cauſalem minùs probat?

At, inquit, Concilia, ante definitionem, SS. Patrum ſcripta conſuluerunt, imò & ex S. Auguſtino multa definivit Synodus Tridentina &c. Ita ſit: ſed quomodo hinc ſequitur; ergo ideo rectè definivit, quia

quia ex Augustino? Hæc nimirum erat consequentia probanda, ad quem finem nihil omnino subserviunt illa omnia, quæ hæc profert P. Lupus.

CAPUT XV.

Examinatur mens D. Thomæ circa puncta inter nos controversa.

212. **P**rima ex D. Thoma, tum cap. 7. a pag. 64. tum sparsim alibi, testimonia profert P. Lupus, quibus pleraque à se dicta nititur probare. Ego satius judicavi, omnia in unum locum & hoc caput remittere, quàm diversis locis illius circa diversâ doctrinam exponere, & objectis respondere; ut nempe hac ratione S. Doctoris mens, P. Lupo planè opposita, clariùs omnibus innotescat. Et, ut ordinatè procedamus, primò ostendemus, quid intelligat D. Thomas per timorem servilem, 2. quid sentiat de vi timoris ad retrahendos homines à peccato. 3. Quid doceat de actu spei. 4. Quid de bonitate & laudabilitate timoris. 5. Quid de ejusdem actus supernaturalitate. 6. Quotuplex Divo Thomæ sit amor Dei. 7. Denique, cum de actu in Sacramento poenitentiae requisito & sufficiente D. Thomas morte præventus in Summa non scripserit, solvemus, quæ ex illius scriptis pro Attritionis insufficientia deprompsit P. Lupus; uti & ea, quæ adducit ex supplemento. Ex quibus judicari poterit, utrum meliori jure pro nobis citari possit S. Doctor.

213. Primò igitur, ut meliùs percipiatur, quid per timorem servilem intellexerit D. Thomas, paulò altius repetenda est. S. Doctor 2.2. quæst. 1. art. 2. quadruplicem assignat timorem; nempe mundanum seu humanum, servilem, initialem, & filialem; asserens timorem in hac divisione non sumi in tota sua latitudine seu universalitate, sed tantùm, secundum quod per ipsum aliquo modo ad Deum convertemur, vel ab eo avertimur; sive, ut loquitur ibidem ad primum: *Hæc autem distinctio timoris ascenditur in ordine ad Deum.*

214. Timorem mundanum seu humanum vocandum censet non omnem illum, quo timentur mala temporalia, ut sunt amissio bonorum, pœna, aliaque quæ ab homine timeri possunt incommoda; sed istum tantummodò timorem, quo quis metu mali ab altero infligendi per peccatum à Deo recedit. Nam ejusdem quæst. art. 3. cum hanc

statuisset conclusionem: *Cum timor mundanus à mala sit radice, scilicet ab amore mundi, semper malus necessario est.* Ut constet, de quo timore mundano, seu de quo amore mundi hoc pronuntiet, ita subdit in Corp: *Amor mundanus propriè dicitur, quo aliquis mundo innititur tanquam FINI. ... Timor autem ex amore nascitur.* Porro mundo inniti, seu inhærere tanquam fini, non est hærere in motivo timoris, seu non referre ulterius ad Deum propter se dilectum tanquam finem; sed est, ita amare bona, vel sic fugere mala temporalia, ut quis, ne bona amittat vel illa mala incurrat, paratus sit Deum offendere, vel de facto offendant. Ita seipsum in eadem quæst. explicat D. Thomas art. 2. in Corp: *Cum enim, inquit, objectum timoris sit malum, quandoque homo propter mala, quæ timet, à Deo recedit: & iste dicitur timor humanus vel mundanus.* Item art. 3. argumentum secundum, quo ostendatur timorem mundanum non semper esse malum, est huiusmodi: *Ad timorem mundanum videtur pertinere pena, quæ per potestates seculares infligitur: sed per huiusmodi penas provocamur ad bene agendum ad Rom. 13. ergo timor mundanus non semper est malus.* Cui argumento sic respondet D. Thomas: *Ad secundum dicendum, quod potestates seculares, quando infligunt penam ad retrahendum à peccato, in hoc sunt Dei ministri, & secundum hoc timere potestatem secularem, non pertinet ad timorem mundanum, sed ad servilem vel initialem.* Et rursus ibidem ad argum. 3. nempe, quod timere malum, nobis naturaliter insit, adeoque nec malum; ita respondet: *Ad tertium dicendum, quod hoc est naturale, quod homo refugiat proprii corporis detrimentum, & damna temporalia rerum. Sed quid homo propter ista recedat à iustitia, est contra rationem naturalem.* Eodem sensu dixerat ad primum; laudabile esse, non revereri homines, quando ne errantur, aliàs esse vituperabile. Denique eadem quæstione art. 2. ad 4. *quod prædicti tres timores respiciunt penam diversimodè. Nam timor mundanus, scilicet timor servilis, respicit penam à Deo avertentem, quam quandoque inimici Dei infligunt vel comminantur*

Ex his redditur manifestum, quid juxta D. Thomam sit inniti mundo tanquam fini, seu amare bona, vel timere mala temporalia veluti finem; nempe sic amare vel timere, ut propter illa per peccatum à Deo recedatur; & hunc propriè esse timorem mundanum seu humanum: non autem, dum quis ea amat vel timer, non tamen ita, ut ad ea obtinenda vel evitanda velit Deum offendere.

215. Porro sicuti hîc locutus est D. Thomas de timore mundano, sic inferiùs discurret de timore servili. Artículo 6. quærit: *Utrum timor servilis remaneat cum charitate?* Quam quæstionem hac ratione dissolvit: *Dicendum quod timor servilis ex amore sui causatur: quia est timor pena, qui est detrimentum.*

detrimentum proprii boni. Unde hoc modo timor pœnæ potest stare cum charitate, sicut & amor sui. Eiusdem enim rationis est, quod homo cupiat bonum suum, & quod timeat eo privari. Amor autem sui tripliciter se potest habere ad charitatem. Uno enim modo contrariatur charitati, secundum quod aliquis in amore proprii boni FINEM constituit. Alio verò modo in charitate includitur, secundum quod homo se propter Deum & in Deo diligit. Tertio modo à charitate quidem distinguitur sed charitati non contrariatur, puta cum aliquis diligit seipsum secundum rationem proprii boni: ita tamen, quod in hoc proprio bono non constituit FINEM. Sicut & ad proximum potest esse aliqua alia specialis dilectio, præter dilectionem charitatis, quæ fundatur in Deo; dum proximus diligitur ratione commoditatis, consanguinitatis, vel assensus alterius conditionis humane, quæ tamen referibiles sit ad charitatem. Sic ergo timor pœnæ includitur uno modo in charitate... hoc pertinet ad timorem castum. Alio autem modo contrariatur charitati, secundum quod aliquis refugit pœnam contrariam bono suo naturali, sicut PRINCIPALE MALVM contrarium bono, quod diligitur ut FINIS: & sic timor pœnæ non est cum charitate. Alio modo timor pœnæ distinguitur quidem secundum substantiam à timore casto, quia scilicet homo timet malum pœnale * non ratione separationis à Deo, sed in quantum est nocivum proprii boni, nec tamen in illo bono constituitur ejus FINIS: unde nec illud malum formidatur, tamquam PRINCIPALE MALVM. Et talis timor pœnæ potest esse cum charitate. SED TIMOR POENÆ NON DICITVR ESSE SERVILIS, NISI QUANDO POENA FORMIDATVR SICVT MALVM PRINCIPALE, ut ex dictis patet. Nempe, prout citatur in margine articulo 2. hujus quæst. ad 4. verba dedimus supra.

216. Hoc loco D. Thomas triplicem distinguit timorem pœnæ: primum, quo quis pœnam metuit tamquam malum principale, sive sic; ut in bono proprio constituat finem: id est, prout supra explicaverat de timore mundano, sic ut paratus sit peccare, vel etiam actu peccet ad evitandam dictam pœnam: & hunc timorem asserit contrariari charitati; quod idem dixerat art. 4. de timore servili, de quo illic agit. Alterum verò assignat timorem, qui adjunctum habeat amorem Dei, quo quis se diligit propter Deum & in Deo. Tertium denique, quo aliquis sine dilectione Dei propter se, seipsum diligit secundum rationem proprii boni, seu timet malum pœnæ, in quantum hoc est proprii boni nocivum: sic tamen, ut in hoc non constituat finem; id est, juxta D. Thomam, sic ut non sit paratus peccare, seu de facto peccet, ad illud bonum consequendum, vel ad illud malum evitandum.

O 2.

tandum.

* Ita habent sex diversæ apud nos editionis exemplaria, quamvis in duobus tribusve aliis editionibus omittatur particula, non, quam tamen requirere videtur contextus, & illa particula oppositiva, sed. Quod hic volui indicare.

tandum. Hunc autem timorem asserit stare cum charitate, & non vocari servilem, id est non esse propriè servilem (conformiter ad id, quod supra dixerat de timore mundano) nam hunc ipsū timorem laxissimè ipsimet D. Thomas vocat servilem: Similiter art. 8. dicit hunc timorem servilem aliquo modo vocari initialem, quod admitti nequit de timore mundano vel servili strictè & propriè dicto. Atque hac ratione optimè datur percipere, coherrentiam doctrinæ D. Thomæ, quoad hos duos timores, mundanum & servilem, ut de utroque pariformiter loquatur; nec enim poterat sine inconsequentia, non eodem modo discurrere de timore Dei seu gehennæ, quo locutus fuerat de timore poenæ ab homine infligendæ; utrumque timorem distinguens in diversos timendi modos, nempe unum, quo timetur malum poenale tamquam *finis*, sic ut ad illud vitandum quis peccet; alterum, quo timetur idem malum, sed non tamquam *finis*, quæ omnia magis confirmabuntur ex sequentibus.

217. Quando timor est servilis juxta primam acceptionem, sic nimirum ut in fuga poenæ, seu amore proprii boni constituitur *finis*, hunc interpretes ad hanc quæstionem, vocant servilem objectivè, seu ex parte objecti; & talis timor est absolutè & simpliciter malus, ac peccaminosus (prout de timore mundano accepto in eadem significatione pronuntiat D. Thomas supra, semper esse malum) ac proinde timor hoc modo servilis, nullo modo consistit cum Charitate, sed ei contrariatur. Præter timorem servilem in hoc sensu, alium agnoscunt interpretes ad art. 4. hujus quæstionis; nempe illum, qui sit servilis ex parte subjecti, sic ut timor servilis hoc modo acceptus, significet timorem, qui est in servo; id est, in peccatore & injusto, quem timorem D. Thomas illo art. 4. appellet malum ex parte servilitatis, seu extrinsecè: quia nimirum is, in quo dictus timor reperitur, est malus ratione peccati habitualis, licet ipse timor secundum se, & quatenus pro objecto habet poenam, sit simpliciter bonus: & hanc esse mentem D. Thomæ affirmat Bannez ad dictum art. 4. probatque ex eo, quòd D. Thomas ibi adferat exemplum fidei informis, quam constat denominari informem ex parte subjecti: item ex eo quòd dicat: *Quod contingit in non habente charitatem.*

218. In iis, quæ hætenus de timore mundano & servili diximus, habemus nobis consentientes omnes passim D. Thomæ Interpretes. Videri possunt Bannez, Pesantius, Jlsambertus, Malderus, Sylvius, aliique passim qui ad art. 4. quæstionis 19. datarum expositionum vel alterutram, vel utramque adhibent. Bannez in dictum locum duo addit Notanda.

Primum est; quia, inquit, tempora sunt periculosa, & Lutherani timorem inferni aiunt esse peccatum; tutius est, cum quaeritur, an timor servilis sit simpliciter malus, distinguere ut S. Thomas distinxit, quòd nempe timor servilis objectivè sit simpliciter malus, servilis autem subjektivè sit simpliciter bonus. Ratio est, inquit Bannez, ne fortè videamur in sermone conformari cum errore Lutheranorum, si dixerimus esse simpliciter malum. Item, quia in usu Theologorum timor servilis non accipitur illo modo, ut dicat servilitatem objectivè, sed subjektivè.

219. Alterum, quodd Concilium Tridentinum sess. 6. can. 8. definiens contra hæreticos de timore, non vocaverit timorem servilem, sed timorem gehennæ: quia nimirum timor servilis diversis modis accipitur, & aliquo sensu est simpliciter malus.

220. Hinc corrumpunt omnia argumenta P. Lupi, quibus ex D. Thomæ autoritate probare nititur, timorem gehennæ (si desit charitas actualis) aut necessariò annexam habere concupiscentiam actualem peccaminosam, aut ipsum timorem, juxta D. Thomam, peccatum mortale esse. Nam quæ de alio timore, de quo inter nos nulla est controversia, merito pronuntiat S. Doctor, ea perperam applicat P. Lupus auctori timoris, quem in Attritione involvi dicimus, & de quo disputamus. Quod nihil aliud est, quàm æquivocatione rem claram involvere & obscurare.

221. Secundo: doctrina D. Thomæ est, quodd timori servili seu gehennæ, insit vis, hominem ad Deum convertendi, & faciendi ut cesset à peccato. Sic 2.2.q. 17. art. 8. in corp. ait: *Sicut enim aliquis introducitur ad amandum Deum per hoc, quòd timens à Deo puniri CESSAT A PECCATO, ut Augustinus docet &c.* quod repugnat P. Lupo asserenti, omnem illum peccatorem, qui gehennam metuit, peccatum mortale actu continuare. Et ibidem quaest. 19. art. 2. in corp. *Quandoque homo propter mala, quæ times, ad Deum convertitur, & ei inhaeret: quod quidem malum est duplex, scilicet malum pœnae & malum culpa. Si ergo aliquis convertatur ad Deum, & ei inhaereat propter timorem pœnae, erit timor servilis.* Ubi etiam adverte, juxta D. Thomam dari posse conversionem ad Deum propter pœnam, vel ex timore servili, quod tamen passim rejicit P. Lupus, dolo-rem de peccatis & propositum conceptum ex metu gehennæ vocans contritionis & conversionis fucum. Et ibidem ad 4. *Timor servilis & initialis respiciunt pœnam, per quam homines attrahuntur ad Deum.* Ergo potest homo finire se ita trahi timore pœnae, ut ab omni peccato abstinere, quod tamen constanter negant adversarii. Rursus art. 7. in cor.

Timor servilis est sicut principium extra disponens ad sapientiam, in quantum aliquis timore pœnæ DISCEDIT A PECCATO, & habilitatur per hoc ad sapientie effectum, secundum illud Ecclesi. 1. TIMOR DOMINI EXPELLIT PECCATVM. Ergo juxta D. Thomam, hic locus Scripturæ, asserens, per timorem expelli peccatum, intelligitur de timore servili. Denique 3. parte, quæst. 85. art. 5. in corp. Tertius, inquit, est motus timoris servilis, quo quis timore suppliciorum A PECCATIS RETRAHITVR.

222. Tertio: actum spei sistentem in suo objecto, & distinctum ac separatum à Charitate, tradit D. Thomas esse actum bonum, actum virtutis, & quidem Theologicæ: ut videre est ex tota Quæstione 17. ejusdem partis. Ab hac doctrina longissimè recedit P. Lupus, dum desiderium vitæ æternæ, seu actum spei hærentem in proprio suo objecto, seu non relatum ultimariè ad Deum propter se super omnia dilectum, vocat turpissimam avaritiam, & concupiscentiam: dictu nefas & cogitatu horrendum &c.

223. Quarto, Timorem servilem vocat D. Thomas actum bonum atque laudabilem; part. 3. quæst. 85. art. 7. quærens, *Utrum Pœnitentia sit prima virtutum?* ita loquitur in corpore: *Dicendum quod actus quidam laudabiles etiam tempore præcedere possunt actum & habitum Pœnitentiæ, sicut actus Fidei & Spei infirmum, & actus timoris servilis. Ubi actibus bonis virtutum Theologicarum Fidei & Spei, annumerat actus timoris servilis: idem tradit sæpè alibi. Deinde, cum juxta D. Thomam per timorem servilem attrahamur & convertamur ad Deum, eique inhæreamus; cum per illum discedamus & celssemus à peccato, non potest timor servilis non esse bonus & laudabilis. Denique timorem gehennæ ad Spem reducit D. Thomas 2. 2. q. 17. cujus rei ratio est, quia ejusdem rationis est, quod homo cupiat bonum suum, & quod timeat eo privari; ut loquitur quæst. 19, art. 6. Et art. 9. manifestè supponit timorem, de quo agimus, esse virtutem, dum ait, illum timorem esse aliquid minus virtute Theologicæ.*

224. Quinto, Timor pœnæ seclusâ Charitate actuali, juxta D. Thomam, est actus supernaturalis. Ita tradit manifestè 3. parte. quæst. 85. art. 5. ubi quærit; *Utrum principium Pœnitentiæ sit ex timore?* Tertium autem argumentum in oppositum adfert hujusmodi: *Timor est quidam actus interior hominis; Pœnitentia autem non videtur in nobis esse ex opere hominis, sed ex opere Dei; secundum illud: convertisti me & egi pœnitentiam. Ergo Pœnitentia non procedit ex timore. Huic argumento sic respondet D. Thomas: Ad tertium dicendum, quod ipse etiam motus timoris procedit ex actu Dei convertentis cor. Unde dicitur Deuter. 5. Quis dei eos talem habere mentem, ut timeant*

timeant me: & ideo per hoc, quòd Pœnitentia à timore procedit, non excluditur, quin procedat ex actu Dei convertentis cor. Porro D. Thomam hoc loco agere de timore, seclusâ Charitate actuali, dubitari nequit; tum quia, ut titulus indicat, agit de timore, qui sit principium pœnitentiæ, quem in decursu articuli vocat timorem servilem, à quo tanquam à primo motu affectus ad hoc ordinato incipit Pœnitentia: tum quia in corpore gradatim enumerans actus ad Pœnitentiam concurrentes, post Fidem enumerat timorem servilem, deinde Spem, ac tandem Charitatem: adde quòd timorem, Spem &c. dicat esse actus, quibus Deo operanti cooperamur. Idem ostendi potest ex eo, quòd D. Thomas agnoscat actum Spei esse supernaturalem, ejusdem autem rationis sit cupere à Deo bonum, & timere malum, seu privari bono: item ex eo, quòd timor sit actus bonus & actus virtutis. In quo rursus D. Thomæ adversatur P. Lupus dicens actum Spei vel timoris, si desit Charitas actualis, esse Judaicam ex lege Justitiam, non autem ex divinæ infusionis dono, seu ex gratia.

225. Objicit P. Lupus pag. 47. ex D. Thoma 2. 2. q. 19. art. 9. *Timor servilis non est numerandus inter septem dona Spiritus Sancti.*

Resp. 1. ut hoc argumentum urgeret, probandum prius esset, quòd D. Thomas hoc loco agat de illo timore servili, de quo inter nos disputatur. Non agere autem de timore in hoc sensu, persuadent non pauca: nam ejusdem quæstionis art. 6. in argumento, sed contra; *Timor, inquit, servilis est donum Spiritus S. ut supra dictum est*: quod videtur intelligendum de timore in sensu nostro, quem eodem articulo dicit, non esse propriè servilem, & distinguit ab alio, qui propriè servilis est. Deinde art. 9. ex quo desumitur objectio, ad quæstionem, an timor sit donum Spiritus S. hac ratione respondet: Dicendum, quòd multiplex est timor, ut supra dictum est. *Timor autem humanus non est donum Dei, hoc enim timore Petrus negavit Christum: sed ille timor, de quo dictum est; ILLVM TIMETE, QVI POTEST ANIMAM ET CORPVS MITTERE IN GEHENNAM.* Ecce timori, de quo disputamus, nempe timori gehennæ à Deo comminatæ, dicit, competere esse donum Dei, quod negat convenire timori mundano. Et statim subdit: *Timor servilis non est enumerandus inter septem dona Spiritus Sancti.* Unde videtur hic loqui de timore servili in alia acceptione. Nisi fortè malis dicere, quòd utrobique loquatur de eodem timore, qui & donum Dei seu Spiritus Sancti sit, adeoque & supernaturalis, non sit tamen de numero illorum septem donorum, quæ speciali ratione vocantur dona Spiritus Sancti, unde

226. Resp. secundò cum Cajetano in dictum art. 9. quæst. 19. quodd D. Thomas hoc loco agat de dono *prout distinguitur contra virtutem*, adeo ut timor sit virtus & non donum: ex quo quàm perperam inferat P. Lupus; ergo timor non est actus supernaturalis, seu ex gratia; nemo non videt. Cur non similiter intulit tres virtutes Theologicas Fidem, Spem, & Charitatem, eorumque actus, supernaturales non esse? quandoquidem D. Thomas tum hîc, tum clariùs 1.2. quæst. 68. ubi ex professo agit de donis Spiritus Sancti, neget Fidem, Spem, & Charitatem esse dona Spiritus Sancti.

227. Sexrò, D. Thomas agnoscit amorem Dei aliquem, per quem ipsi inhæreatur, qui tamen non sit amor amicitiz, seu Dei propter se sed concupiscentiæ: sic enim loquitur 2. 2. quæst. 17. art. 8. *Spes & omnis appetitus motus ex amore derivatur; amor autem quidam est perfectus, quidam imperfectus. Perfectus quidem amor est, quo aliquis secundum se amatur, ut puta cum aliquis secundum se vult alicui bonum, sicut homo amat amicum. Imperfectus amor, quo quis amat aliquid non secundum ipsum, sed ut illud bonum sibi ipsi proveniat, sicut homo amat rem, quam concupiscit. Primus autem amor pertinet ad Charitatem, quæ inhæret Deo secundum seipsum. Sed Spes pertinet ad secundum amorem, quia ille qui sperat, aliquid sibi obtinere intendit. Cum autem ejusdem ferè rationis sit, fugere malum à Deo inferendum, & optare ab illo bonum, fortè D. Thomas non difficulter admisisset, aliquem amorem in timore gehennæ involvi, vel saltè in spe veniæ à Deo obtinendæ, quam Attritio includit. Adde in hoc statu, cum sciant fideles eos gloriam consecuturos, qui pœnas gehennæ evaserint, vix fieri potest, ut quis gehennam fugiat, quin simul desideret gloriam saltè implicite. Hoc D. Thomæ testimonium hîc adferre volui, ut confirmarem, quæ supra cap. 5. §. 1. num: 64. & 65. ex Laurentio Justiniano & Hugone à S. Victore dicta sunt, ut appareat non rectè adversarios, si quem invenerint, amorem in pœnitentia requirentem, statim sine ulteriori examine tamquam certum supponere, id intelligendum de amore Dei propter se super omnia dilecti.*

228. Ex hætenus dictis manifestum est, quòd quoad puncta jam dicta nullum omnino in D. Thoma præsidium reperire possit P. Lupus. Superest ut etiam illa dissolvamus, quæ pro quæstione principali ex D. Thoma profert P. Lupus; quibus probari existimat, D. Thomam cum Sacramento exigere dolorem de peccatis ex amore Dei propter se & super omnia. Quædam petuntur ex 3. parte D. Thomæ quæst. 84. 85. & 86. ad quæ hîc priùs respondebimus, postea ad ea, quæ adfert ex supplemento,

229. Notandum primò, quòd D. Thomas dicta quæst. 85. & 86. agat de poenitentia, prout virtus est; adeoque, quæ ibi dicit de requisitis ad poenitentiam, sine ullo fundamento dicuntur requiri ad Attritionem, nisi prius ostendatur, quòd etiam illis locis agat de Attritione. Quæstione verò 84. licet agat de Sacramento poenitentia, non invenio tamen, quòd in illa distinguat dolorem in Sacramento requisitum, ab eo, qui justificat sine Sacramento: neque etiam quid simile ex illo nobis opponit P. Lupus.

230. Notandum secundò, quòd D. Thomas in dictis quæstionibus sæpe sumat poenitentiam determinatè pro Contritione per se justificante: sic quæst. 84. art. 8. querens, an poenitentia debeat semper durare, distinguit in corp: duplicem poenitentiam, interiorem unam, *Quæ quis dolet de peccato commissio*, quam dicit durare debere usque ad finem vitæ; alteram exteriorem, *quæ quis exteriora signa doloris ostendit*, & verbo tenus confitetur *Sacerdoti absolventi*: & hanc negat durare debere usque ad finem vitæ: tum ad primum argumentum, quo probabatur, poenitentiam statim delere peccatum ex Ezech: 18. adeoque poenitentiam non debere durare, sic respondet: *Quamvis igitur homo, in primo instanti vera poenitentia remissionem consequatur præteritorum peccatorum: oportet tamen in homine perseverare poenitentiam.* Hoc loco per poenitentiam intelligit poenitentiam interiorem, seu actum doloris, ut per se manifestum est, tum ex argumento, ad quod respondet; tum ex corpore articuli: eamque dicit primo instanti suæ existentia hominem justificare; atqui hoc non competit Attritioni etiam sumptæ in sensu P. Lupi, ut ipsemet admittit, ergo hoc loco D. Thomas nomine veræ poenitentia comprehendit solam Contritionem per se justificantem, seu ut Attritioni opponitur. Idem colligere licet ex art. 10. ibidem, & rursus quæst. 85. art. 6. in corpore; cum dixisset, quosdam actus laudabiles posse tempore præcedere actum & habitum poenitentia, subiungit: *Actus autem & habitus charitatis simul sunt tempore cum actu & habitu poenitentia.* Atqui actus poenitentia, cum quo simul tempore est habitus charitatis, est actus poenitentia vi suæ justificantis, seu Contritio prout Attritioni opponitur; ergo &c.

231. Atque hinc dissolventur nullo negotio, quæ ex dictis testibus partis quæstionibus congerit P. Lupus; cum enim illic agat de virtute poenitentia, adeoque præcipuè de Contritione (prout Attritioni opponitur) illamque asserat statim justificare, quod Attritioni non competit: quomodo ex eo, quòd charitatem requirat ad poenitentiam, de qua ibi agit, inferri poterit, quòd ipsa etiam Attritio chari-

tate formari debeat? cæterum ex alio præterea capite non rectè ad hanc rem quædam adfert, ex dicto loco, D. Thomæ testimonia; tale est, quod adfert pag. 31. ex quæst. 85. in quo præcipuè fit mentio de amore Dei propter se dilecti: nam dicto loco D. Thomas enumerat actus ad pœnitentiæ virtutem concurrentes, & post fidem, timorem spem, addit actum charitatis, *Quo alius peccatum displicet secundum seipsum, & non jam propter supplicia.* Cum enim hæc Charitas sit actus pœnitentiæ, & quidem excellentissimus, sine dubio enumerari debet, dum quæritur, quinam actus reperiantur in pœnitentiâ; hinc tamen non sequitur, omnem pœnitentiam ad hunc supremum gradum debere pertingere, & esse ex Charitate. Vide dicta supra num. 119.

232. Adfert etiam non pauca ex quinque primis quæstionibus Supplementi, ubi agitur de prima pœnitentiæ parte, Contritione. Præcipua sunt ex quæst. 3. art. 1. in argumento *Sed contra*: ubi dicitur, quod dolor Contritionis fundetur in amore Charitatis: & quæst. 4. art. 1. *Dolor Contritionis à Charitate censatur.* Similia adfert ex quæst. 3. art. 1. in corp. & ad 4. denique ex quæst. 5. art. 2 ad tertium.

233. Resp. perperam hæc omnia adferri; quia author Supplementi agit de Contritione, prout hæc Attritio opponitur, seu de illa quæ vi suâ justificat. 1. enim quæst. 1. art. 3. quærit, utrum Attritio possit fieri Contritio, & in argumento *Sed contra*, ita loquitur; *Quorum principia sunt diversa omnino, eorum non potest fieri unum id, quod est alterum: sed Attritionis principium est timor servilis, Contritionis autem timor initialis: ergo Attritio non potest fieri Contritio.* Tum statuit hanc conclusionem. *Attritio nullo modo potest fieri Contritio, quoniam nempe Contritionem necessariò charitas præcedit:* ubi sine dubio Contritionem sumit, ut est species Attritioni opposita, & insuper Attritionem describit eodem modo, quo passim Authores cum Tridentino, asseritque in ea Charitatem non involvi: quid ergo mirum, quod in sequentibus asserat ad Contritionem requiri charitatem? quam requiri ad Contritionem Attritioni oppositam (de qua illi indicat se agere) omnes fatemur. Rursus Contritionem Attritioni opponit quæst. 2. art. 6. Secundò Contritionem, de qua illic agit, admittit & supponit per se justificare sine Sacramento: quæst. 5. art. 1. agens de effectu Contritionis quoad remissionem peccatorum in arg. *Sed contra*, ait: *Contritio cordis est sacrificium in quo peccata solvuntur Per inordinatum amorem cordis peccatum committitur, ergo per dolorem ex amore charitatis ordinato tantum solvitur, & sic peccatum Contritio delet.* & rursus art. seq. in argum. *Sed contra* ita loquitur: *Deus plus affectum cordis acceptat, quàm etiam exteriorem actum; sed per exteriores actus absolvitur homo à pœna & culpa, ergo*

Et similiter per cordis affectum, qui est Contritio. Et ejusdem quæstionis art. 3 in quo quæritur, an parva Contritio sufficiat ad delenda peccata etiam magna; respondet in corpore: Dicendum, quod quantumcumque parvus sit dolor, dummodo ad Contritionis rationem sufficiat, omnem culpam delet. Denique quæst. 8. art. 1 ad 2. In adultis Contritio cum proposito confitendi & desiderio absolutionis sufficit ad liberandum à morte aeterna.

234. Denique P. Lupus pag. 59. ex D. Thoma probare nitur mirabilem suam & novam Contritionis per se justificantis definitionem; de cujus ratione sit, esse tam perfectam, ut excludat omnes affectus, si non volaticos, saltem affixivos: ad quod adfert ex 2. 2. quæst. 24. art. 8. ubi in argumento *Sed contra*, ex Augustino refert, quod Charitas, cum ad perfectionem venerit, dicat: cupio dissolvi & esse cum Christo. Fateor hanc esse Charitatis perfectionem aliquam, verum inde inferri non potest; ergo talis requiritur in Contritione per se justificante; quod ne quidem attingit ibi D. Thomas; imò hoc contra P. Lupum facit, quod ibidem in corpore D. Thomas illam appellet perfectam Charitatem, quando *habitualmente aliquis totum cor suum ponit in Deo; ita scilicet, quod nihil cogitet nec velit, quod divina dilectioni sit contrarium.* Neque magis ad rem facit, quod D. Thomas ibidem art. 9. distinguat diversos gradus Charitatis nutritæ, roboratæ, perfectæ; hos enim vel similes gradus non in Charitate tantum, sed & in aliis virtutibus omnes libenter admittunt: sed hinc non sequitur, quod hanc potius, quam illam Charitatem requirant ad Contritionem vi suâ justificantem.

235. Adfert etiam in hanc rem quod habetur Supplem: quæst. 5 art. 3. *Resp. quod Contritio habet dolorem rationis, qui est displicentia peccati commissi, & hic potest esse parvus adeo, quod non sufficiat ad rationem Contritionis, ut si mihi displiceret ei peccatum, quam debeat displicere separatio à fine, sicut etiam amor potest esse ita remissus, quod non sufficit ad rationem Charitatis.* Et hanc Doctrinam monet P. Lupus pag. 66. bene notandam; non exprimit tamen, quem in finem, nec video quid ex illa pro se inferre possit P. Lupus.

Nam illo articulo quæritur, an parva Contritio sufficiat ad delenda peccata; & resolvitur, dolorem seu displicentiam de peccato posse esse tam parvam, ut non sufficiat ad rationem Contritionis, nec ad rationem Charitatis, ergo per parvum dolorem seu amorem intelligit illum, qui non sit Dei propter se & super omnia; nam omnis hic amor habet rationem Charitatis, etiam juxta P. Lupum. Et postea subjungit: dicendum, quod dolor quantumcumque parvus, dummodo ad Contritionis rationem sufficiat, omnem culpam delet.

Constat igitur nihil hactenus allatum ab adversariis, quo ostendatur D. Thomas nobis adversari, sed eum in plerisque inter nos controversis à nobis aperte stare. An autem, & quàm clarè nobis faveat circa Attritionis ex metu cum Sacramento penitentiae sufficientiam, videri potest apud autores nostrae sententiae.

CAPUT XVI.

Respondetur ad accusationes quasdam P. Lupi.

236. **P**roposueram cap. 1. tract. de Attritione, doctrinam Tridentini oppositam doctrinae Lutheri, iisdem propemodum verbis conceptam : utriusque verba dederam, ut manifestum omnibus esset, Concilium tueri, ac defendere illum Contritionis modum, quem Lutherus rejecerat; quod, quia præcipuum est nostrae sententiae fundamentum, rogatu quorundam subvertere tentat P. Lupus : quod ut faciat, duplicem in verbis Lutheri referendis commissum à me errorem causatur, alterum per unius vocis additionem, per subtractionem alterum.

237. Ac quoad primum quidem, insigni præfatione, & verborum apparatu utitur, ut ostendat, quàm culpabile sit, verbis authorum adijcere aliquid, aut demere. Sic enim loquitur pag. 71. *Respondeo Monothelitas, Iconoclastas, ac Felicianos, non solum ob inductas vocum novitates, sed ob vitiosa Sanctorum Patrum testimonia fuisse à sexta, septima, & Francfordiensi Synodis merito damnatos. Est enim grassatio facinorosa. Etiam ab haeticorum dictis quandoque pendet recti dogmatis aut Synodalis decisionis origo, adeoque & in ipsa grassari, possit esse facinus. Et talis omnino est adductus contextus Martini Lutheri. Cur ergo Accusator hisce verbis : ALII VOCANT ATTRITIONEM DISPONENTEM AD CONTRITIONEM, adiecit vocem, PROXIME? An enim ad veram Contritionem servilis Attritio proxime disponat, est non modica questio, cuiusque negativa pars non caret fundamentis.*

238. Ego, ut verum fatear, ubi primum hæc legi, adeo confidenter scripta, accusationemque tam gravibus & exquisitis verbis adornatam, licet optime mihi conscius essem, ferè tamen mihi incidisset dubitare, an non fortè (homines enim sumus) per inadvertentiam errassem. Difficiliter enim mihi poteram persuadere, fore, ut illud tanto apparatu verborum objiceret P. Lupus, nisi Luthero probè excusso & examinato, Verùm ubi duo diversae editionis Lutheri exem-

plaria inspexi, in iisque reperi vocem *proximè*, prout ex illis descripseram, in admirationem conversus sum, quod adeo inconsideratè P. Lupus me grassationis accusasset. Sub initium defectionis Lutheri impressa sunt, quæ tunc prælo parata habebat Lutherus opera, Basilæ apud Adam Petri anno 1520. mense julio: in qua impressione, Sermon de Poenitentia pag. 146. ita habetur: *Alii vocant Attritionem proximè disponentem ad Contritionem*: Cujus testis, exim. P. Lupe, oculatus est unus vestri Ordinis S. Theologiæ Doctor & Professor, cui ob ea, ut arbitror, quæ hîc objicis, dubitanti de rectè transcriptis Lutheri verbis quoad hanc vocem *proximè*, exemplar illud coram multis postulanti exhibitum fuit, quem gavilus sum habere testem bonæ meæ fidei; & genuinæ citationis. Eadem verba habet exemplar impressum Wittebergæ Typis Zachariæ Lehmanni anno 1582. Curavi etiam in vicinis civitatibus conquiri & inspicere exemplaria, si quæ essent diversæ à prædictis impressionis, repertæque sunt duæ insuper aliæ impressiones, una Ienæ ex officinâ hæredum Thomæ Rebart anno 1579. altera Wittebergæ Typis Joannis Luffs anno 1550. & in utraque habetur vox *proximè*, prout citavi: nec ullum potuit reperiri, in quo dicta vocula *proximè* omitteretur; neque, ut arbitror, inveniet P. Lupus. Videamus an justior sit altera accusatio.

239. Alterum, quod circa verba ex Luthero à me descripta carpit P. Lupus, indicat verbis sequentibus: *Longè majus*, inquit, *est*, quod *verbis Lutheri (sic enim cepit vocari vera poenitentia interior) subtraxeris vocem, vera.*

Sic est, ita habet Lutherus: *Contritio (sic enim cepit vocari vera poenitentia interior)* Verum quoque est, in verbis Lutheri à me transcriptis omissam esse vocem *vera*, quod undè factum sit, ignoro.

Magnum enim verò hoc est piaculum, illam vocem omisisse, ubi non pauci, qui contra Lutherum scripserunt, non illam tantum voculam, sed & totam parenthesim omittunt. Certè, si hîc erratum sit, nihil, quod queratur, habet P. Lupus; justè verò eam vocem suo loco restitui postulabunt sententiæ nostræ auctores. Nam additio vocis *vera*, tantum abest, ut P. Lupo aliquid patrocinetur, ut è contra nobis non parùm faveat. Utrumque hîc ostendo, simul respondens argumento, quod opponit P. Lupus.

240. Ut probet suâ interesse, vocem illam *vera* non fuisse omissam, ita loquitur pag. 71. *Quidam Lutheri tempore scholæstici Doctores Contritionem & Attritionem penes inclusam Charitatem distinguebant. Omnis vera, ex amore Dei formata, interior Poenitentia, erat illis Contritio; sola Attritioem*

servilem donabant toto vocabulo *Attritionis*. Hinc de voce CONTRITIO dicitur Lutherus (Sic cepit vocari vera Pœnitentia interior) utique apud scholasticos Doctores. Sensus P. Lupi, quantum assequor, hic est : apud illius temporis scholasticos, dolor de peccatis ex motivo amoris Dei conceptus communis appellatione vocabatur Contritio; dolor verò conceptus ex motivo timoris gehennæ citra Charitatem, Attritio. Lutherus autem, dum dixit, *Contritio* (sic enim cepit vocari vera pœnitentia interior) vocem illam *Contritio* usurpavit juxta communem tunc acceptionem, nempe pro dolore ex motivo amoris Dei, & prout est species distincta ab Attritione ex motivo metus concepta.

241. Resp. vim totam discursus hic à P. Lupo facti evanescere, si tantummodo inspicatur dictus Lutheri locus, quem propterea per compendium hic rursus exhibeo. *Contritio*, inquit (sic enim cepit vocari vera pœnitentia interior) duplici via paratur. Primum per discussionem &c. Quæ quis recognoscit annos suos ponderando amissionem æternæ beatitudinis, AC ÆTERNÆ DAMNATIONIS ACQUISITIONEM Hæc autem *Contritio* facit hypocritam, imò magis peccatorem, quia SOLVM TIMORE PRÆCEPTI, ET DOLORE DAMNI id facit. Ex sales omnes indigne absolvuntur imò, quò magis TIMORE POENÆ ET DOLORE DAMNI sic conteruntur, eò magis peccant & hæc est illa *Contritio*, quam vocant ATTRITIONEM. Secundo paratur per intuitum & contemplationem speciosissimæ justitiæ Hæc facit verè pœnitentem, quia amore justitiæ id facit, & hi sunt digni absolutione. Ecce Lutherus Contritionis, prout vocari ceptam asserit veram pœnitentiam, duplicem assignat speciem; primam, quæ quis de peccatis dolet seu conteritur timore poenæ & dolore damni, & hanc affirmat ab aliis vocari Attritionem, eamque rejicit tamquam cum Sacramento insufficientem, imò & planè reprobendam. Alteram verò speciem, quæ quis pœnitet amore justitiæ. Quando igitur dicit : *Contritio* (sic enim cepit vocari vera pœnitentia interior) non accipit Contritionem seu veram pœnitentiam specificè pro solo dolore, qui concipitur ex amore Dei, & prout Attritioni ex motivo metus opponitur; sed sumit Contritionem, prout genus est respectu hujus & illius speciei, in quas Contritionem partitur, nempe respectu pœnitentiæ ex motivo metus, & alterius ex motivo justitiæ; expressè addens priorem ex illis vocari ab aliis (nempe Catholicis) Attritionem. Quomodo igitur videri P. Lupo potuit, Lutherum per Contritionem, de qua ibi agit, intellexisse solum dolorem ex amore Dei, & prout ab Attritione ex metu distinguitur? Quis hinc non videat, frustra P. Lupum diverticula quaesivisse circa illam vocem vera, quæ sive adfuit sive absuit, nihilo plus minùve illi faveat hoc testimonium.

242. Quin ulterius additio illius voculæ *vera* nobis favet contra P. Lupum, quod hac ratione conficio. Lutherus ex duabus contritionis speciebus, quas dicto loco recenset, unicam illam, quâ quis dolet ex *amore justitiæ*, agnoscit ut veram & legitimam pœnitentiam: *Hæc*, inquit, *facit verè pœnitentem*. Alteram verò, quâ quis conteritur *timore pœnæ & dolore damni*, tantùm abest, ut admittat tamquam veram & legitimam pœnitentiam, ut etiam asserat hominem per illam constitui *hypocritam, imò magis peccatorem*. Ergo, dum initio dicit Lutherus Contritionem (quo nomine vocari cœpit vera Pœnitentia) esse duplicem, quarum altera concipiatur metu pœnæ; non loquitur ex sua sententia, sed ex sensu illorum, contra quos disputabat, nempe Catholicorum: ergo fatente Luthero Catholici agnoscebant duplicem Contritionis speciem, alteram ex amore, ex metu gehennæ alteram: nomine autem Contritionis intelligebant veram pœnitentiam interiorem; & per consequens pœnitentiam, quâ quis conteritur *solum timore præcepti & dolore damni*, sive, ut ibidem dicit, *timore pœnæ*, quæ est prima species Contritionis illic à Luthero descriptæ, admittebant Catholici tamquam *veram pœnitentiam interiorem*, & in hoc graviter illos ibidem inculcat Lutherus, & ab iisdem omnino dissentit P. Lupus, dum dolorem de peccatis ex timore gehennæ citra Charitatem seu amorem justitiæ conceptum, appellat Contritionis ac pœnitentiæ fucum, Pœnitentiam Judæ &c. Ut omittam hîc, quòd dicat non posse talem pœnitentiam concipi, nisi adjuncto mortali, imò & ipsam peccatum mortale esse, ut supra ex P. Lupi dictis manifestè evicimus. Ecce casu, nescio quo, omisi voculam *vera*, quæ non parùm serviebat instituto nostro: unde non habuit P. Lupus, quod de illius omissione justè queratur, cum nostrâ potius, quàm illius interit, eam ab initio additam fuisse.

243. Tertium, quod carpit, est: Dixeram in Tractatu de Attritione, *Ut cum suo Juliano pronuntiat P. Lupus*. Ad hoc reponit P. Lupus pag. 41. *Nempe quis sit hic Julianus, homo ignorat*. Licet id ex ibi à me dictis non rectè collegerit P. Lupus, bene divinavit: sic enim est, homo ignoravit, quis esset hic Julianus Ponterius, & qui illius de vitâ contemplativâ commentarii. Consultui Bellarminum, Baronium, aliosque, nec reperire potui illius Authoris hoc titulo lucubraciones. Sciebam illius sint, à Bellarmino aliisque in dubium non revocari, & ita, fatente hîc P. Lupo, senserunt plures antiqui. Quid mirum ergo, si homo ignoravit, qui essent Juliani de vitâ contemplativâ libri? Quis sit hic

sit hic Julianus Pomerius, docere nos ex Sirmondo aggreditur P. Lupus; *Fuit, inquit, vir Afer, deinde Presbyter, & Arelasensis Abbas. Iste non mei solius, sed totius Doctor Ecclesie.* Si talis est, cur adeo liberè, non quæsitâ commodâ illius Doctoris Ecclesiæ explicatione, quæ facilè poterat reperiri, si examinasset, quid pertinẽtiorem servilem intelligat, aliaque sæpe à nobis commemorata; cur, inquam, in Dissert: Dogmat: pag. 74. pronuntias: *Julianus Pomerius, gehennæ metum dicens esse in vitio, non est bene locutus.* Hæc dum legi, curæ mihi non fuit, ea quæ ex Juliano Pomerio depromebantur, dissolvere: credebam enim lectorem facili negotio ad illa, quæ ex ipso adferuntur, applicaturum eam solutionem, quâ utitur ipse P. Lupus, *Julianus Pomerius non est bene locutus.* Neque, ut arbitror, difficulter veniam dabunt hujus Academicæ Doctores, hæc solutione utenti, quando in eâ prævit P. Lupus: licet sat sciam, impunè non fuisse abiturum, si quis alius ad Doctoris Ecclesiæ testimonium primus respondisset, *non est bene locutus.* Cæterum, quæ ex libris de vitâ contemplativâ adduxit P. Lupus, siue ii sint S. Prosperi, siue Juliani Pomerii, facilis est responsio ex hæcenus dictis; quare opus non est ad ea sigillatim respondere; id fecissem, si tamquam S. Prosperi fuissent adducta.

244. Quartum de quo queritur, habes pag. 8. Epistolæ, ubi ita loquitur: *Ex dicta Societate nescio quis Clericus, meam de Christiana Contritione dissertationem multis circumvestivit sedorum errorum, & calumniarum pannis, atque ita projecit in vulgus, vociferans me sentire cum Cornelio Jansenio, imò & cum Martino Luthero.* Verùm immeritò de me conqueritur P. Lupus, quasi ejus scripta circumvestiverim errorum pannis, qui nihil aliud egi, quàm officinam indicare, in qua ejusmodi lacinix prostant venales. Sententiam singulorum propriis ipsorum verbis exposui: si inter illas est omnimoda consonantia, mihi id imputari non debet; sin autem; quid inter se discrepent, ostensum oportuit; quod adeo non fecit, ut suam cum illis, à quibus videri vult dissentire, confessionem longè clariùs in Epistola Familiari manifestaverit, prout in hoc tractatu à nobis ostensum est. Sanè Lutheri sententias non potui non recensere, quòd id non conveniens tantùm, sed & prope necessarium esset, ad Tridentinæ Synodi in suis definitionibus mentem clariùs intelligendam.

245. Affine huic est, quod variis locis repetit, quasi ejus sententiam vocassem dogma Jansenianum, aut Lutheranum, vel, qui illam tenent, Jansenianos aut Lutheranos. Verùm id ego nullibi dixi, sed tantùm ostendi diversas P. Lupi sententias cum horum doctrina con-

sentire;

sentire; quod longè aliud est, quàm ipsum aut ejus sensum vocare Lutheranum, ut tradit ipse P. Lupus pag. 31. ubi cum retulisset à me dictum, illam opinionem esse *Cornelii Jansenii ac Martini Lutheri*; subjungit: *Respondeo, non quidquid Jansenius ac Lutherus dixerunt, Jansenianum esse ac Lutheranum*; & ibidem probare pergit, multa in hæreticis, schismaticis &c. reperiri, quæ minimè sint improbanda. Hoc tamen responsum non credit quadrare omnibus à me ex Jansenio, & Luthero recensitis, quibus P. Lupum consentire ostendi; aliàs enim non dixisset pag. 8. quòd ejus dissertatiunculam multis circumvestiverim errorum ac calumniarum pannis. Quod si ita est, exigebat professò instituta disputatio, ac responsio, ut inter eas Lutheri opiniones, quas ex ipso recensui, tamquam doctrinæ P. Lupi consentientes, quænam leprosæ sint, aut erroneæ, designaret; quantumque ab his abhorreat ac recedat, palàm faceret; quod ne in uno quidem puncto inter nos controverfo illum præstituisse, satis superque in præcedentibus ostendimus; & rursus sequenti capite prosequemur.

CAPUT XVII.

Respondetur ad ea, quæ circa mentem Lutheri quoad puncta controversa adducit P. Lupus.

246. **V**ARIIS Epistolæ suæ Familiaris locis P. Lupus de Lutheri erroribus sermonem instituit, sed sæpè diversis à quæstione nostra, imò, quod Lutherus de Attritione ex metu pronuntiat, vult ab illo dictum de alio actu, ac sæpè repetit, mendacem ac calumniatorem fuisse, dum asseruit à Catholicis tradi dolorem ex solo motivo metus gehennæ sufficere ad justificationem cum Sacramento. Quæ omnia hic breviter refutabimus.

247. Primò multos ac varios recenset Lutheri & Lutheranorum errores Epist. cap. 2.; ut, quòd Lutherus asserat, fidem esse Pœnitentiæ partem; quòd fidem illam statuatur esse vanam illam & præsumptionis plenam fiduciam de remissis certò peccatis; Quòd opera nostra excludat à causalitate dispositiva ac præparativa ad justificationem; Quòd negaverit satisfactionem, aliosque qui cum omnibus noti sint, & ad institutum nostrum non faciant, quid opus erat iis recensendis inhærere? Si libebat errorum Lutheri catalogum contexere, poterant longè plures enumerari; ut, de libertate ad meritum & demeritum requisitâ, de possibilitate præceptorum &c.

248. Secundò, paulò propius ad rem accedens; *Lutherus*, inquit pag. 44. *omnem imperfectam charitatem garrivit esse vitiōsam, ac peccamin-*

saltem venialiter, adeoque & omne ex ipsa profectum opus bonum, esse tale. Idem repetit P. Lupus Epistolæ pag. 45. 46. 68. 71. & alibi. Quia nempe Lutherus, ut patet, ex articulo 31. & 32. per Leonem X. damnatis, asseruit, *in omni opere bono iustum peccare: & Opus bonum optimè factum, esse veniale peccatum:* quod Lutherus in assertione articulorum per dictum Pontificem damnatorum, non solum admittit à se dictum, sed & rursus fusiùs probat, malitiam illam desumens à pravà hominibus innatà concupiscentià. Asseruit igitur Lutherus, in omni actu & opere bono iusti, adeoque in omni non tantum imperfectà, ut restringit P. Lupus, sed quæcumque, quæ à viatore elicitur, charitate peccari; saltem venialiter. Cur autem hunc Lutheri errorem adeo sæpe inculcet, & quid ex eo in suæ sententiæ, de qua disputamus, favorem derivare conetur P. Lupus, patebit ex dicendis num. sequenti.

249. Tertio igitur, quæ Lutherus docuit de Attritione concepta ex metu, tamquam immediato & ultimo motivo, explicat P. Lupus, ac si dicta à Luthero essent de dolore, qui sit ex motivo charitatis, quem, quia ex prævio actu timoris ortum duxit, & per eum introductus est, vult esse Attritionem ex metu: juxta dicta supra num. 177. & in priore tractatu cap. 8. §. 2. Ac proinde, quæ definit Tridentina Synodus, vult cadere in Lutheri errorem circa actum charitatis, qui ex prævio & jam expulso metu traxit originem. Hinc Epist. pag. 46. in fine, cum dixisset, Lutherum quibuldam Patrum verbis deceptum, asseruisse imperfectam charitatem insufficientem esse ad Pœnitentiam, subdit pag. 47. hunc errorem confixum esse à Tridentina Synodo, *desinente, etiam imperfectam, licet ex gehenna aut aliarum pœnarum metu, seu aliis ignobilibus ejusmodi viis paratam & conceptam Contritionem, dummodo à Christianæ Reconciliationis Sacramento adjuvetur, omnino sufficere ad justificationem.*

250. Resp. P. Lupum, sicut ad hæc verba Tridentini sess. 14. cap. 4. *Illam verò Contritionem imperfectam, quæ Attritio dicitur, quoniam ex gehenna & pœnarum metu communiter concipitur;* hanc gratis & sine fundamento excogitavit explicationem; quod nempe illic sermo sit, non de actu, cujus motivum sit solus metus, sed de alio actu habente charitatem pro motivo, qui ideo dicatur esse ex metu, quia per prævium timorem est introductus; vide dicta supra cap. 1. quæ explicatio adeo nova est, ut ne unum quidem in Epistola familiari Authorem proferre potuerit, qui dicta sic exposuisset, ut sic novitatis notam sibi impactam amoliretur; ita quoque hæc verba Lutheri ex Sermone de Pœnitentia, quæ refert pag. 71. conatur in eundem sensum trahere; quasi illic Lutherus egisset non de actu, cujus motivum ultimum sit timor,

sed

sed de alio, qui pro motivo habeat charitatem, qui amen ex prævio timoris affectu ortum habuerit: quæ explicatio alenissima est & à verbis ipsis Lutheri, & ab omnibus passim Catholicis, qui illum de actu, cujus unicum motivum est timor, intellexerunt.

251. Ac primò quidem, quòd Lutherus in Sermone de Pœnitentia non egerit de actu amoris ex timore procedente, manifestum est ex Lutheri verbis summatim relatis num. 241. in quibus agit de dolore concepto *solum timore præcepti & dolore damni*, quo *timore pœnæ & dolore damni conseruntur*. Deinde hunc dolorem dicit vocari ab aliis (nempe Catholicis) Attritionem; per Attritionem autem intelligebant Scholastici Doctores Attritionem servilem, ut asserit ipse P. Lupus relatus num. 240. Præterea rationem, ob quam rejicit illum dolorem ex metu, totà illà concione, hanc adfert; quòd, qui ex metu detestatur peccata, invitus & renitenti animo id faciat, ob remanens desiderium peccandi, si metus mali abesset, quòd sit impossibile odisse malum, nisi contrarium bonum diligas; quòd autem ex dilectione boni oppositi sponte, & nullo labore oriatur odium peccati & detestatio mali; per hunc amorem justitiæ reddi pœnitentiã dulcem &c. quæ fusè illic prosequitur; addens illum esse verè pœnitentem & dignum absolutione, qui *amore justitiæ* pœnitet. Atqui actus de quo loquitur P. Lupus, licet ortum duxerit ex prævio timore, est verissimè actus conceptus amore justitiæ seu Dei, æquè ac si timor præviè non præcessisset; non est actus, quo *solo timore præcepti, timore pœnæ, dolore damni &c.* homo conteritur; sed sit amore justitiæ, dilectione boni &c. Ergo jam non est actus ille, quem primo loco recenset Lutherus, qui faciat hypocritam, & magis peccatorem, quemque pronuntiat insufficientem; sed est Contritio amore justitiæ, de quo secundo loco agit Lutherus, qui faciat verè pœnitentem, & dignum absolutione.

252. Secundò, quòd Lutherus egerit de Attritione, seu Pœnitentiã, quæ sit ex metu tamquam motivo ultimato sine amore, fatetur ipse P. Lupus, dum passim in Lutherum invehitur tamquam mendacem & calumniatorem; eò quòd asseruerit, Catholicos tradere, quòd Attritio è solo motivo metus sufficeret cum Sacramento. Ita contra Lutherum P. Lupus pag. 15. sub initium, pag. 25. circa finem, & alibi: & pag. 26. damnat Canum, tamquam qui Lutheranam de Ecclesia calumniam in hoc puncto verificaverit. Quæro à P. Lupo, ubinam Lutherus accusaverit Catholicos, quòd traderent pœnitentiã ex solo motivo metus sufficere ad justificationem cum Sacramento? Certè præcipuè in hoc Sermone de Pœnitentia, ubi fusè & ex professo agit

de ea Pœnitentia quæ à Catholicis vocabatur Attritio, & de ejusdem motivo, nempe metu, eamque Contritioni, quæ ex amore justitiæ est, opponit; hancscdm asserens reddere dignos absolutione, illam verò minimè: ergo fieri debet P. Lupus, Lutherum hic agere de Attritione, quæ pro motivo ultimato habeat metum gehennæ, & accusare Catholicos, de traditâ illius cum Sacramento Pœnitentiæ sufficientiâ. Consequentia est manifesta, quia juxta P. Lupum in ea accusatione impostoris & calumniatoris partes egit Lutherus: si autem Catholicos accusasset in hoc, quodd traderent sufficere cum Sacramento actum amoris, qui ex prævio timoris actu originem duxerit, non posset P. Lupus illum in eo mendaciæ & calumniæ arguere, nisi simul fateretur, Catholicos illius temporis non docuisse, sufficere cum Sacramento actum dilectionis Dei propter se & super omnia, qui per actum timoris prævium sit introductus; adeoque nisi secum ipse pugnaret. Brevius: Mendaciter & calumniosè juxta P. Lupum accusavit Lutherus Catholicorum doctrinam de Attritione, ejusque cum Sacramento sufficientiâ. Atqui, si locutus fuisset Lutherus de Attritione in eo sensu in quo illam explicat P. Lupus supra num. 249. non fuisset mentitus nec calumniatus Catholicos, ut fateri etiam cogitur P. Lupus: ergo egit de Attritione in sensu nostro, conceptâ nimirum ex solo metu, prout etiam clarè indicat totus Lutheri contextus.

253. Tertiò, ea quæ tradit Lutherus in Sermone de Pœnitentia, de metu & dolore inde concepto, tum il qui Lutherum oppugnarunt, tum alii illos secuti, ad hæc usque tempora, intellexerunt de actu, cujus motivum esset metus secluso motivo charitatis. Ita intellexit Lutherus contemporaneus Eustachius de Sichenis Ord. S. Dominici, hujus Academiæ Doctor, in sua confutatione errorum Lutheri, qui vel omnium primus, ut refert Valerius Andreas, vel saltem è primis stylum in Lutherum acuit: eodem modo intellexere Latomus, Tapperus, Fisscherus, Stapletonus, & qui secuti sunt reliqui.

254. Quartò denique errorem illum Lutheri, quodd in omni bono opere justus peccet, adeoque etiam dum Charitatem Dei elicit, alibi anathematizat Tridentinum: Sess. verò 14. c. 4. & can. 5. agit contra ea, quæ de timore, conceptoque inde peccati dolore tradidit in Sermone de Pœnitentiâ Lutherus, ut ex verbis inter se collatis redditur manifestum. Ergo ad præsens punctum impertinens est, quodd Lutherus sentierit, justum in omni opere, seu omni actu peccare, saltem venialiter.

F I N I S.

Errata sic corrige. Pag. 19. lin. 23. si, lege, ei Pag. 20. lin. 3. si l. hic Pag. 87. lin. 2. incipiant, l. incipiat.

